

The monthly magazine «North Star»

ВОЙВЫВ КОДЗУВ

КОМИ
ЙӖЗЛӖН
ЖУРНАЛ

4 ' 98



ВОЙВЫВ КОДЗУВ



БЫД ТӐЛЫССЯ ЛИТЕРАТУРНО-
ХУДОЖЕСТВЕННОЙ
ЖУРНАЛ

4

АПРЕЛЬ
(КОС МУ)
1998

ПЕТӐ 1926 ВОСЯНЬ




ЛЭДЗӐНЫ:

КОМИ
ГИЖЫСЬЯСЛӐН
КОТЫР

КОМИ
РЕСПУБЛИКАСА
ПЕЧАТЬ
УПРАВЛЕНИЕ



СЫКТЫВКАР



ТАЙӐ НОМЕРЫН:

Альберт ВАНЕЕВ. Тулыс шевкнитас турунвиж борд. Кывбурьяс	3
Борис ШАХОВ. Овлісны-вывлісны. РоманлӐн коймӐд юкӐн	7
Эдуард ТИМУШЕВ. Ывлаыс ымралӐ нора. Кывбурьяс	39
Юрий ВАСЮТОВ. Кык сьланкыв.	41
Геннадий ЮШКОВ. Ворсанторьяс.	42
Александр ЛУЖИКОВ. Гӕгыльтчӕм шондӑ. Кывбурьяс	54

ЧЕЛЯДЬЛЫ


Нина КУРАТОВА. Висьгьяс.	56
Калистрат ЖАКОВ. Кык мойд.	61

ВАЖ ОЛӐМЫСЬ

В. П. КунгинлӐн гижӕдгьяс.	66
Александр ПАНЮКОВ. Дженьыдик висьгьяс.	75

МИЯН КАЛЕНДАРЬ

Степан ЮГОВ. Став олӕмсӕ — коми книгагы.	78
Пошта кудйыс.	80



СЕВЕРНАЯ ЗВЕЗДА

ВОЛНА



**Ежемесячный
литературно-художественный
журнал**



Учредители:

СОЮЗ ПИСАТЕЛЕЙ РЕСПУБЛИКИ КОМИ

**УПРАВЛЕНИЕ ПЕЧАТИ
РЕСПУБЛИКИ КОМИ**



РЕДАКЦИОННАЯ КОЛЛЕГИЯ:

Главный редактор

Михаил
ЕЛЬКИН

Альберт
ВАНЕЕВ

Ответственный
секретарь

Виктор
НАПАЛКОВ

Алексей
ОДИНЦОВ

Владимир
ТИМИН



Тулус шевкнитас турунвиж борд



Юсь пöлян

Прометей Чисталёв паметьлы

Тулус шевкнитас турунвиж борд,
Öзтас рытьяыс асья нин кыа.
Ывла лöньсö зэв меліник шыөн
Мавтас небыда юсь пöлян гор.

Ыркыд төврүй, мытшöдчыв-ланьт,
Ёльöй-визулöй, сёльгöмсьыд öвсьыв.
Пöлян ловзьöдö кор парма чöвсö,
Чужан мулөн сэк сёрниыс шань.

Садьмöm колиплөн нимкодьыс сэн,
Коді век чужан му йылысь сьылö,
Да-й юсь пöлянсьыс сьölöмным кылö
Муслун,
Коді оз пактавлы нэм.

...

Ён сьölöm вужйöй,
Югыд вира сөнöй —
И вөр,
И видз,
И ыб,
И ёль,
И ю...

На водзын нэм чöж уджйöза ме öнöдз,
Но эг на копыртчыв и аттьö кыв эг шу.

Пöсь аттьö, сьöла-дозмөръяса вөрöй,
Көн чös туй вылын менам кок туй эм,
Кöть эськö кузя велöдчöмъяс бöрад
Эг уна вевъяв лэчкасьнысö сэн.

Пöсь аттьö, мöдлапöвса ойдлан виддзöй —
И мудзтöдысь,
И нимкодь чужтысь видз.
Ме сьölöm пытшкын дзоридзьастö видза
Да чöжа аслам кывбуръяслы мич.

Пöсь аттьö, ыбöй...
Чужан сиктöй бердын
Тэ талун куйлан гөрлытöм да чöv.
Но тэ öд менö идъя няньнад вердлін,
И сиктын тшыгла кулысь морт эз вöv.

Пöсь аттьö, вöрса ёльöй,
Изья ёльöй,

Од тэтөг ловъя парма голь да куш.
Шань казътылёмон вöлин да и колян,
Мый ошйысьны ни ышнясьны он куж.

Пось аттё, лöня кывтысь Мозын юй,
Сöдз ванад,
Чöскыд ванад юктав дыр.
Мед визув вылад лöп ни кер оз уяв,
Мед некор тэнад чериыд оз быр.

Ті водзын нэм чöж уджйöза ме öнöдз,
Ті матыс,
Быд лун аддзан чужан му —
Ён сьöлём вужйöй,
Югыд вира сөнöй:
И вөр,
И видз,
И ыб,
И ёль,
И ю...

Турьма да клетка — абу коми кывъяс,
И абу коми йöзön тэчöмтор.
И дзескыднын лэбач нэм эз сывлы,
И нöйтчигас эз чегъяв ассъыс борд.

Ми ловъя ловъяс нартитны эг ыштöй,
Кöть вöрса пöтка кыйлим ар и төв.
И вöльнöй лэбач коми керка пытшкын
Дзик некор рабён-пленникön эз вöв.

И весиг вöралігас,
Тöвнас-арнас,
Ен индöмторйөн лыддылісны йöз,
Мый лэбач оланіныс —
Паськыд парма
Да джуджыд енэж,
Коді югыдлöз.

Оз таяв мед жö йөршитана пайыс,
Ог вийсьöй-нöйтчöй мед
Да жуглöй борд:
Ас вöрын сьылысь асья колипкайөн
И талун кöсйö овны коми морт.

Бипур

Лöнь рытö ме ю кузя кывті,
Көр арсяліс-дженьдаммис лун,
Кор сынöдыс сукмис нин вывті,
Кöть кималас отсöгön мун.

И сьöктаммис енэжлөн йиртыс,
И рудзалісны кок и ки,
И шуштöма кыйöдчис йирмөг...
...Но сэки ме казялі би.

Би рапкөдчис зөм көтшас улын,
Кыз мусуклөн чуксаян син.
Тадз виччысытөг корскюрө сулам
И ловзян,
И шонтысянин.

Ме дорөсө тшукөді пыжөс
Да ырзөді ноддялысь вын,
И меліа онялан кытшысь
Ме югдытөдз сэссия эг мын.

Гөрд кыалөн югөрыс вывті
Дзик сынтөг ме кылалі дыр,
Збыль шоналөм сьблөмөн кывті
Да бипурлань дзөръялі пыр.

...Со өні на югыд мөвп волө:
Виль бипурьяс өзьясны мем,
И шонтасны рытъя рам олөм
Да арлань нин катовтчөм нэм.

Төв пуксян лун

Ставыс ар помын гажтөм да куш,
Кывлам дзик катша-ракалысь горзөм.
Сэссия камөбтас сьвтөм нин пуж,
Муыс көрт вьйөдз измас да чорзяс.

Лымйыс гу-мылькьяс шыльөдас да
Мулы козыналас төвся нин пасьсө:
Еджасны джуджыд керөс и дав,
Тшөтшкөсінгьяс
И йөнөдьяс-расьяс.

Керка репөдысь лэччөда лызь,
Гөгөр видла да малышгла киён,
Быттьө арлыдөй бара на кызь,
Кокни лов шыдй,
Өзья том биён.

Нимкодъ сьблөмлы,
Воськолөй чожд,
Олан лун-войдөй сзэьдөма быттьө.
Нальпак лым вылысь нинөм оз вош —
Ручьяс-көчьяслысь
Кок туйяс лыддя.

Аддза байдөгөн серөдөм лым,
Кыдзын яблөгөн өшалысь тарьяс,
Сөдзөм сынөдас —
Дзоньвидза вын,
Абу висьлөс,
Кыз овлывлө арнас.

...Сиктын казьявлі ме өтигор:
Тайө лым усян,
Төв пуксян лунас
Вылысь ловзьявляс вөралысь морт,
Медся зумышлөн петавліс нюмыс.

Вөрса ю дорын

Асья кыалөн югыдгөрд визыс —
Вөртас весьтасө нюжөдөм көв.
Вөрса ичөтик юяслөн визув

Гуся сёрни кодъ,
Лабутнѳй,
Чѳв.

Кутшѳм сѳдз,
Кутшѳм лѳз,
Кутшѳм югыд —
Тайѳ асылыс козин кодъ мем.
Пемыд войяслѳн джаггѳрѳд дзугыс
Аслам тѳдлытѳг разьсьывлѳ сэн.

Ичѳт ю дорын мѳвпавны лѳсьыд:
Бордъя думъястѳ некод оз торк.
Татшѳм здукъясас эскывлам пѳся,
Мый ми судзѳдам судзѳдтѳмтор.

Лѳкыс, шогыс да сѳкыдыс вунас,
Юлѳн визувкѳд кылалас тасъ.
Ыджыд могъяс да выль тѳждъяс нуны
Татшѳм здукъясас овывлам дасъ.

Аस्या кадѳ ме воывла татчѳ,
Медым казътыштны,
Мый на эг вѳч...
Вѳрса юлысь рам визувсѳ аддза —
Менам мѳвпѳй кодъ югыд да сѳдз.

Оз овлы гожѳм бѳрын тулыс,
Пѳсь ру оз пѳляв тѳв шѳр тѳв.
А морт век шедлѳ тѳждъяс улѳ,
И олѳм додъсѳ кыскѳ чѳв.

Кѳтъ лючки олас дженьыд нэмсѳ,
Оз коль ни кок туйсѳ, ни пас,
Кѳтъ ловзѳдывлас парма тшемсѳ
Шань сѳлѳма зиль комитас.

Быд во зѳв тѳдсаторъяс аддзас,
И сѳѳрсьѳн-бѳрсьѳн вежсяс кад,
И тѳв, и гожѳм кутас лача,
Мый пуксяс бурджык олан лад.

И эскас лѳнь Вой кыа улын,
Мый нѳмыс оз ло сѳд да руд,
Мый гожѳм бѳрын чужас тулыс,
И тѳлын вичмас шоныд шуд.

Виччысьѳм

Лым пася ывлаыс узѳ
Вугралысь пѳчѳ кодъ чѳв.
Виччысям дыр зѳв и кузя,
Кор эськѳ помасяс тѳв.

Турѳбъяс водзын да-й матын,
Лоас веж кѳдзыдыс лют.
Дыр на оз козинав кадыс
Югдан да шоналан шуд.

Пармаса козлы да кыдзы
Вѳтавсѳ гудрасян вѳт.
Тѳлысь да Вой кыа кындзи
Югъявны некод оз мѳд.

Енэжыс лым сорѳн койѳ
Вѳр-ваѳс шебралан ун.
Рѳштвоѳдз нюжалѳ войыс,
Рѳштвоѳдз дженьдаммѳ лун.

Лым пася ывлаыс узѳ
Вугралысь пѳчѳ кодъ чѳв.
Виччысям дыр зѳв и кузя,
Кор эськѳ помасяс тѳв...

...Рѳштвосянь садъмам и водам
Тувсовъя мѳвпъясѳн нин:
Бара со лун югыд содѳ,
Шондыс восьтыштѳ син...

Овлісны-ывлісны

романлөн коймөд юкөн

Быдөнлөн аслас крест

Сиктсөветса госпөндө нянь запас чукөртөм йылысь партячейка да исполком вылын сёрнияссы, позь шуны, ворсөдчөм на лоёма, неуна кывъясөн тшетшйысьыштөм. Став сьёкыдыс вөлөм водзын на. Кольөм во сьёкыда чукөрмис нянь запасыд. Чайтисны, первой во да сійөн. Велаласны выль ног овны. А таво!.. Партячейкалысь шуөмсө, испокомлысь постановлениесө могмөдөмыс Ёгор Көсьталы лои... куш сьёлөмсө дойдалөм... Вирсө тшыкөдөм.

Декабрь төлысьөдз урчитөм заданиеяссө вештыны асьныс вайисны сөмын дас өти морт: өтик кулак, өтик зажиточной да өкмыс середняк. На пиысь өлөдтөг вайисны и Вась Öндрей Вась, и Зыръян Михайло. Радлысь Ёгор Көсьта көсийс сёрнитыштны накөд, но Öндрей Вась сиктсөветса юралыськөд некутшөм варовитны көсийөм эз петкөдды.

— Ме вайи. Ачымөс дзескөдi, но вайи, — бужжылытчыліс исполкомса шлен сиктсөветса юралысь вылө. — Сёровно ме абу сөглас. Йөзсө скөрмөданныд, асьныд Совет власьт вылө йөзсө лөгөданныд. Ми уездө гижам. Колмас кө — и вылөджык. Аслыс Ульянов-Лениныдды.

Шуис Öндрей Вась, и Ёгор Көсьталы мышкөн бергөдчис: и сёрнитны пө тэкөд водзө ог көсий.

"Он кө — и эн, пемыд вежөра Öндрей Вась. Олыштан да ачыд вежөртан — выль, шуда олөмыд дзык дойдалтөг да кокниа оз на, гашкө, сетчы. Со Роза Люсенбурьяс лолсө сетөмаөсь революция вөснаыд, асланым дас кык гөрд партизан юрсө пуктисны, а тэ пуд няньөн юксьыштны он көсийи. Ковмас на, дерт, и миянлы, революциясьнь выль олөмө воськовтысьяслы мыйясөн кө да юксьыштны, аслад пайысь лэдзчысьыштлыны. Кужтөг, зильтөг, ки-кок вужъяс зэлөдлытөг и кыйсьысьлы нинөм оз шед, весиг пывсян ни рыныш он лэпты, непөштө лөсьыд олан керка. А ми выль олөм босьтчим тэчны! Оз на, гашкө, сійө ачыс шоныд паччөр вылын куйлігкості во. Екуни-ваньё, кызди нө тайөясөс, выль олөмө пырны ки-кокъяснас пыксьысьясөс синны?! — жугліс юрсө сиктсөветса юралысь. Эк, Кысов моз кө эськө Көсьта ёнджыка велөдчыліс! Либө Елизавета Павловна моз. Эз на эськө тадзи юрсө ковмы жуглыны да, аддзис эськө медся веськыд туйвизьсө... Вот челядьсө, быдмасны да, велөдас... Ныр вылас усъмөн кутас уджавны, но челядьсө велөдасны!.."

И Ёгор Көсьталы некытчө лои воштысьнысө, быть ковмис шыөдчыны партячейкаса секретарь дорө. Юавны, мый водзө вөчны. Гашкө, збылысь чинтыны заданиеяссө?

— Тэ төв йыв жбырган, Ёгор Көсьта. Кодарлань төв пөлыштас, сэтчань и бергөдчан... И нөбалан... И олөмад сэтшөм, — скөрысь воча-

видзис Елизавета Павловна бурон сёрнитыштны косьысь Косьталы. — Код нò тэныд веритас? Коді кутас кывзысьны тэнсыд... и сиктсòветлысь, и партячейкалысь тшòтш, òтарò-мòдарòасыны кò кутан? Мый шуòма партячейка вылын, сійòс и могмòд. Ачыд вòзйин. Ачыд и кыв кутны кутан ставсьыс.

Вот и став отсòгыс лоис Елизавета Павловнасянь. Оз, буракò, косьы прòститны Косьтаòс да бурасыны, абу изьядорса бабаяс кодь небыд да сетчысь. "А-а, бабаыд эськò баба на и эм да... Сибòдчылыны кò эськò, колòкò, небзылас на да..." — вежынтчыліс Ёгор Косьталòн вомыс бабаясòс увтыртана нюмòн. Но пыр и думсьыс жò и сьòлыштис бокò: "Тьфу!" А збылысьсò ас вылас сьòлыштис юрас скодиттòм дум пырòмсьыс. Юр вемсò колò элòддыны... А бурджык, буракò, — сьòлòмнас ёнджыка чорзьòдчылыны да став пыксысьясòс кызди колò пыркòдны. А код вылò эсься надейтчыны?! Сійò, Ёгор Косьта, Изьядорын Сòвет власьтыс, да сылы и колò падъявтòг да повтòг нуòдны Сòвет власьтысь визьсò. Мед эсься, колòкò, кодды окота, гижасны, коть Мòскуаò. Сылòн правдаыс — Сòвет власьт вòсна сьòлòмнас висьòмыс, выль ног олòм вòсна вийсьòм-мырсьòмыс.

Ёгор Косьталòн збылья отсасысьяснас лоисны куимòн: Митрей Опонь да милиционерьяс Савельев да Нямòдысь Иван Òльòксан.

Вылысь ставныслы, кодьяс сетòм заданіе серти няньсò эз вайны, ысталісны òлòдан бумагаяс: декабрь витòд лунòдз кò оз вештысьны, лòб примитòма дзескòдан мераяс. Кулакьяслы гижисны, мый исполком видлалас найòс кулачитòм да видз-муяссò да эмбурсò мырддьòм йылысь, зажиточнойясòс повзьòдисны нянь заданіе пыддиыс эмбурсò жò нянь доныс мырддьòмòн, а середнякьясòс косьисны штрафуйтны.

Эз вед повзыны. Ёгор Косьта эз гòгòрво, мыйла некодòс эз вòрзьòд налòн òлòдан бумагаыс, и скòраліс. Гашкò, кодьяскò налы паныд йòзсò ызьòдòны? Сідзи кò, кодьяс, сідзкò? Тòдмавны эськò да топòдлыны сэтшòмьяссò!..

И Ёгор Косьта корис Елизавета Павловнаòс чукòртлыны партячейка, сёрнитчыны та йылысь, мый водзò вòчны.

Елизавета Павловна Косьталысь корòмсò кывзіс пиньяссò мурч курчòмòн, но сòгласитчис.

— Талун чукòртчим òти сёрнитантор кузя: сиктсòветса госфондò нянь запас чукòртан план ордòм йылысь. Мед юралысьыс, Игушев ёрт, висьталас, мыйла асьыс вòзйòм плансò оз вермы тыртны, — чорыда, ас ногыс сувтòдис вòпрòссò партячейкаса секретарь, и Косьтаòс быдсòн пòсьòдис.

— Кодсюрò, и ми найòс кодсюрòс тòдам, Сòвет власьты паныд йòзсò ызьòдòны, сиктсòветса госпòнд лосьòдòмлы паныд. Мый вòчны? Ме тай чайта, колò Сòвет власьтысь вынсò петкòддыны, òтшòтш госпòнд лосьòдòмын асьыным чорыдлун. Мòд ног мянòс асьнымòс контра-кулакьяс додьяласны. Вòзья душ-мòд медся чорыда паныд мунысь кулакòс кулачитны да мырддьыны эмбурсò, вештысьтòм зажиточнойясòс чорыда штрафуйтны, а нянь заданіесò реквизируютны. И середнякьясòс, оз кò асьныс вайны, штрафуйтны жò, колòкò оз сэтшòм чорыда-а. Тайò уджсò нуòдны ме кора партячейка, либò исполком шуòм серти лосьòдны торья комиссия.

Эз ёна дыр и сёрнитны. Некод паныд эз сувт, и òтсòгласòн шуисны: петкòддыны Сòвет власьтысь чорыд характер да исполком шуòмòн лосьòдны торья комиссия. Партячейкасянь сійò комиссияò пыртны коммунистьясòс: Игушев Константин Егоровичòс, Уляшев Афанасий Дмитриевичòс да Савельев Алексей Петровичòс. Кулачитны Изьядорысь Ош Митрòпанòс — Уляшев Дмитрий Ивановичòс, да Керòсысь Трипан Òльòшòс, кызди Сòвет власьты паныд мунысьясòс. Зажиточнойяс пиысь паныд мунысьясòс видлавны исполком вылын.

И Ёгор Косьта бара исполкомсò чукòртліс. Чукòртчисны сизимòн — Зырьян Михайлò да Вась Òндрей Вась сідз эз и локны. А Ёгор Косьта гусьòн радліс: гòлòс лыдыс тырмас, и паныд мунысьяс

оз лоны... Оз кө Елизавета Павловна сы вылө лёкалөмла кутшөмкө лёк кыв шу. Партячейка вылас тай эз-а, оз жө вед, көнкө, исполком вылын нарoшнө конйышт?

Слабог, исполкомыс Көсьтаос сконйышттөг мунис, көть и эз зэв кыпыда: исполкомса шленъяс полисны на, буракө, асланыс сиктсаястө чорыдджыка вөрзөдны. А вөрзөдны вөли быть колө. Кулакъяс, кодсюрө дзикөдз вельмисны, да и зажиточнойяс, горягса Сім Тима Прол кодыбөмъяс, кывсьө, некодос оз көсийны төдны, асьнысө власьтөн лыддөны. Сэтшөмъясөс топдлытөг выль олөм он лөсьөд. Ёгор Көсьта регыд кадөн тайос бура гөгөрвоис. И исполком вылын зилис сёрнитны веськыда, стрөга... и тшапа. Мед эськө Кысовлөн моз рево-люция Совет власьт йывсьыд артмис: колө вөли исполкомса шленъясөс быть ас дорыс сувтөдны.

— Ёртъяс, исполкомса шленъяс, ме тиянлы шуа: революцияыд миян эз на помась. Вот мирөвөй революция кор вөчасны, сэки и помасяс. А кор сийө лоас, ме ог төд, а кодкө төдө ли оз ли, ог жө төд. Ми тай со Совет власьт сувтөдим, выль олөм, социализм шусьг, заводитим лөсьөдны. Асьныд аддзанныд и гөгөрвоанныд, выль ногөн олны велөдчыны абу кокни. Абу ур да көч кыйөм. Унаөн злоснө, миянлы лёк вөчны көсийөмла падмөдөны миянлысь социализмань сетчөм. Тадзи ме политическөя донъяла өткымынлысь миян вылө пиньяссө жергөдөмөн увтчөмсө, сиктсөветса стракпөндө нянь запас чукөртөмлы паныд султөмсө да мый да. Кольөм во кымын гөль уджалысь крестьянинөс сийө стракпөнд отсөгнас мездим! И таво сийө визьсө нуөдам, и некодлы ог сетчөй. А контра-кулакъяслы ми асьным чорыда шамыртөм кулак петкөдла: в-во налы! — вылө лэптылис асьсыс кабырсө Ёгор Көсьта, ызйөдис таджикөн исполкомса шленъясөс. — Медым могмөдны сиктсөветса стракпөнд лөсьөдөм йылысь воддза шуөмсө, ме вөзъя лөсьөдны торъя комиссия, кодэ и босьтчас пырысь-пыр тайө уджас. Ме вөзъя комиссиясө вөчны вит мортысь. Эм кодлөнкө мөд вөзийөм? Абу. Сидзкө гөлөсуйтам: кодэ та вөсна, лэптөй киньтө. Примитсьө өтсөгласөн. Сидз и гижам. Сэссия вайөй индам, кодъясөс. Ме лыддя, сийө комиссияд колөны исполкомса юралысь да тшөтовод, милиционеръяс, кыкнанныс, и ещө кодөскө витөдөс. Бур эськө вөвлөм гөрд партизанъяс пиысь кодөскө. Колө надейнөй, повтөм морт.

Ёгор Көсьта кытшовтис видзөдласнас исполкомса шленъяс вьвти, виччысис, кодэ вөзьяс.

— Иван Тимофеевичөс кө? — Митрей Опонь видзөдис лөня пукалысь Тима Вань вылө.

— Менө энөй, — вежавидзана корис сийө. — Ме бара ог эшты, гортын ситан гыжйыштны некор.

— А Зильган Петыр Васьос кө?

— И сийөс, бара, оз жө кол сэтшөм комиссияд суйны. Збойсьыд сийө эськө, гашкө, и збой, но и скөр. Лөгалысь, — и Зильганөс вештис Тима Вань.

— Сидзкө, Ольош Миколөс. Төлка морт, абу жө полысь рөдысь и.

— Э-э, сийө өнэ менам зять да... Оз позь өти комиссияд, — гыжйыштис балябөжсө Ёгор Көсьта. — Вот Закар Иван, ме чайта, эськө шоимас. Семьятөм на, и сюсь, и повтөм, и надейнөй сия — кулак кодыбөмъясыдлы сийө, небось, оз сетчы.

И мукөд шленъясыс сөгласитчисны жө исполкомса юралыськөд. Сылы вед комиссиянас веськөдлынысө, медбура гөгөрвоө, кутшөм йөз сэтчө колөны, да гөлөсуйтисны өтсөгласөн вит морта торъя комиссия вөсна.

— Мөд сёрнитанторйыс первояыскөд жө йитчөма: кулакъяс да зажиточнойяс йылысь, кодьяс оз көсийны тыртны налы сеталөм индивидуальнө заданиеяс. Да нөштэ и яндысьтөг быд ногыс видөны-пинялөны да лёкөдөны Совет власьт. Талы колө пуктыны пом. Талун вөзъя видаллы нель мортөс: Изьядорысь Ош Митрөпанөс да Горягысь Сім Тима Пролөс, Керөсысь Трипан Иванөс, да Як Иванөс ещө тшөтш Изьядорысь. Кык кулак да кык зажиточнойяс. Кольөм во накөд өдва

тышкасьомодз эг волёй, таво найё весиг кильчө вылөдзис мянөс эз кёсийны лэдзны. Быттьö Совет власьт абу власьт налы. Вот. Коді "за" видалалны, лэптöй киньтö. Öтсöгласөн примитём. Бур. Öнi сэссия кыл сета сиктсöветса тшöтөвод Апанасей Дмитриевичлы.

— Первой Ош Митрöпан... Уляшев Митрöпан Иванович йылысь, — сувтис Митрей Опонь аслас пызан сайысь да бумага вылө видзöдав-лөмөн кутис висьтавны. — Кулак чукөрö суйöма важөн нин партячей-каөн и исполкомөн. Гырысь пияныскöд юксьом бöрын сылөн олмөсыс: гöран-кöдзан да пуктысян муыс вит да джын десятина, видзис сизим десятина, кык вёл да öти уж, мөс-кукань вит юр. Во гөгөр видзис медалём уджалысьöс, сыысь öтдор гожөмнас кыкөн бокөвöйяс уджалисны. Шусьö наёмный труд эсплатируйтём. Шөр пиыс, Гришаыс, тöданнды — еджыдьяслы öтсасис да накöд и мунис, öнөдз ог тöдöй, көнi сийö. Колөкө, Американын еджыдьяскöд бара дасьтысьö мяян вылө уськөдчыны. И Ош Митрöпан дзедьсясьтөг веськыда сулалө Совет власьтлы паныд, сэтшөм контра — локтасны кө бара, шуам, еджыдьяс, сийö медводз мяян вылө уськөдчас...

— Но, тэ, Опонь, эн лөсьöдлы. Некутшөм еджыдьясöс Гөрд Армия оз лэдз, — правитис сийöс Ёгор Көсьта.

— Ме сiдз шуа, пример вылө, локтасны кө быттьö... — заводитлис правдайтчыны Опонь, но исполкомса юралысь эз лэдз.

— Некутшөм сэтшөм пример оз вермы лоны. А контра — контра и эм, ставыс гөгөрвоана. Öпаснöй морт. Водзö висьтал, — тшөктис Опоньöс Ёгор Көсьта.

— Водзö... Водзö сэссия мый? А-а, да... Ми лыдьям — колө Уляшев Митрöпан Ивановичöс помöдз кулакалны став эмбурсö конпискуйтөмөн, да асьсö кытчөкө, кытчö уезд иңдас, ыстыны..

Исполкомын сувтис чөв-лөнь.

— Мый керны эмбурсö? — эз гөгөрво да медводз шыöдчис Прокö Öнбö.

— Кон-пис-куйт-ны. Он кө гөгөрво — мырддыны, сiдзкө.

Бара чөв олыштитисны.

— А мыйла нö найöс кытчөкө сиктысь колө ыстыны, танi чужлисны-быдмисны да, — торкис чөв-лөнсьö Тима Вань.

— А мый нö найö танi кутасны керны? Керка-картаяссö, мукöд-пөлөс эмбурсö, мусö-видзьяссö конпискуйтам... И көнi кутасны олны?

— Мед челядь дораныс олöны, сiдзикö нин.

— Ме ог тöд. Миянлысь шуöмтö вед уездын на, көнкö, нöшта кутасны видалалны. Кыдзи вед найö.

— Ош Митрöпан — öпаснöй контра. Колям кө сийöс татчö, водзö кутас йöзлысь вежöрсö гудыртны-дзугны да Совет власьтлы паныд ыз-йöдны, — кыв көрталис Ёгор Көсьта. — Вай гөлөсуйтамöй: кодi, мед Совет власьтлы паныд мунысь кулак Ош Митрöпанлысь конпискуйт-ны эмбурсö да асьнысö ыстыны Изъядор вөлөсьтысь, лэптöй китö, — корис сиктсöветөн юралысь.

Лэптисны квайтөн, кисö лэптытөг да бокö видзöдөмөн пукалис сөмын Тима Ваньö.

— А тэ, Тима Ваньö, мыйла китö он лэпты? — стрöга юалис Ёгор Көсьта.

— Ме ог тöд, — лыбөдлис пельпомьяссö Тима Вань. — Абу тай быттьö лөсьыд, найö збыльысь танi чужлисны-быдмисны да... Сэссия и вөтлам.

— Небыд сьөлөма морт тэ, Тимофеевич. Митрей Аннаыд, көнкö, тэнö кыдзи кужö, сiдзи и котрöдлө.

Тима Вань пыр на и збодермис, пельпомьяссö веськөдiс.

— Оз на, гашкө. Сийö менсьым на ставсö кывзысьö гашкө...

— Ладнö, квайтөн "за", öтик "прöтив", сiдзи и гиж, Елизавета Павловна, а тэ, Опонь, водзö висьтал, — тшөктис Ёгор Көсьта.

— Водзö... Керöсысь Трипан Иван, кулак Игутов Иван Трипанович. Öвмөсас нель вёл, квайт мөс, уджалысьыс куим, едокыс сизим. Во гөгөр уджалö öти медалём морт. Рөднйөн эськө шуöны, а сөрөвно эс-

плөтация наёмный труд лоо, сійо. Мөдөс нартитом. Вокыс, кулак Игутов Олексей Трипанович, еджыдъяс волігөн налы отсасис да накөд и сиктсыс пышйис. Öнi Иваныс керөссаясөс Совет власьтлы паныд котыртө. Кольөм во сутки кежлө арестуйтлім нянь задание тырттөмысь, и таво бара скөнъ öткажитчис. Ми лыддям, сійөс колө жө дзыкөдз кулакалны, эмбурсө конпискуйтны да сиктсовет докод статьяо суюны, а асьсө Изъядор вөлбсьтысь ыстыны жө.

— Ставыс гөгөрвоана? Кодкө мыйкө шуас оз?

— Да-а, гөгөрвоана жө. Гөлөсуйт дай.

— Сідзкө, кодi кулак Игутов Иван Трипановичлысь эмбурсө конпискуйтөм да асьныс Керөсысь ыстөм вөсна, лэптөй кинытө.

Первой лэптисны квайтөн жө, но падыялыштөм бөрын и Тима Вань ньөжйөнникөн лэптис кисө.

— Öтнамөн коля да, — муртса кывмөн буркнитис сійө, быттө кодъяскө, татөнi тыдавтөмыяс водзын правдайтчис.

— Примитөма öтсөгласөн. Водзө, — корис Көсьта Опоньөс.

— Водзө Гораягысь Сім Тима Прол, Прол Тимопеевич Рочев. Сійө миян öнөдз зажиточнойяс лыдын на. Овмөсыс куим вөл да вит мөс-кукань. Гөран-көдзан муыс нель десятина, виддзис вит десятина да джын. Уджалысьыс кык, едокыс вит душ. Таво гөжөмбыд видз-му выланыс кык медалөм морт уджалысны. Стракпондө нянь сетны оз көсйы. Ми Савельевкөд ветлім найөясө, казялөма миянөс, буракө, öшинь пырыс да пищальөн воча кильчө вылас петис. Нянь мырддылан мөгөн пө эн лысьтөй и пос помө воськовтны, грекө пө вөйтанныд. Ми, дерт, лыйсьыны эг кутөй, көть Савельев и нагана жө вөлі. Эгө пользөй, а шум юөртны первой исполкомлы. Ми лыддям, Сім Тима Пролөс колө вуджөдны кулакьяс лыдө, да вөзъям индивидуальной задание тырттөмысь штрафуйтны сө шайт. А вежон чөжөн кө оз мынтысь, виддалны исполкомын эмбурсө мырддөмөн кулакалөм йылысь.

Исполкомса шленъяс и тайө вөзйөмсө вынсьөдісны öтсөгласөн.

— Нельөдыс миян Изъядорысь Як Иван, зажиточнойяс лыдысь Сьөдбөжев Иван Яковлевич. Овмөсас куим вөл жө, квайт мөс-кукань. Гөран-көдзан муыс вит да джын десятина, видзьясыс квайт десятина. Уджалысьыс öнi налөн нельөн, сөйысьыс дас öти вом. Гырысьджык челядыясыс отсасьöны нин да ставсө вөчöны асланыс вынөн. Некутшөм эсплотация, дерт, абу. Но индивидуальной задание оз көсйыны тыртны. Лөкыс мисьтөма ёрччөмөн Як Иваныс яндысьтөг видө Совет власьт да сиктсоветын уджалысьясөс. Ми вөзъям сійөс штрафуйтны жө ветымын шайтөн да вежон чөжөн кө штрафсө оз вешты да заданиеөс оз тырт, няньсө реквизиуйтны да мөдысь штрафуйтны.

И тайө вөзйөмсө öтсөгласөн вынсьөдісны.

Исполкомөн веськөдлысь шуис бөръя кыв:

— Исполком шумө содтөд колө гижны татшөм пунтьяс: Первой. Исполкомлөн шумө йылысь пырысь-пыр юөртны гижөмөн налы, кодъяслы инмө тайө шумыс; И мөд: торъя комиссияөн веськөдлысьөн индыны сиктсоветса юралысь Игушевөс. Торъя комиссиялы босьтчыны мөгмөдны исполкомлысь шумъяссө пырысь-пыр да эштөдны рөштвөдз. И ещө комиссиялы сетны ылөдчөмөн пыксысьясөс штрафуйтан, а сьөкыджыка олысь середнякьясөс нянь заданиеысь мездан право. Кодi та вөсна, лэптөй китө.

Лэптисны. Ставныс. И Ёгор Көсьта дөвөл колис: кыдзи сійө думыштлис да чайтис, сідзи на и лоис öнөдз. И Елизавета Павловна ни öти паныд кыв эз шу. Гашкө, бурасыны көсйө. Кокниджык нин көть Көсьталы уджавнысө лоө...

Бара на вермис Ёгор Көсьта. Ещө öти воськов водзө, выль олөмлань — коммунизмлань вөчис. Кытчө Роза Люсенбургьяс на коркө чуксавлысны. А öнi Ёгор Көсьта ачыс сэтчө, коммунизмас писькөдчө. И воөдчас сэтчөдз, некодлы оз сетчы!

Бара на пöшти магазейа кум тыр стракпондад нянь запастö вермисны чукöртны! Но-о, сьö-кыда-а! Оз гөгöрвоны. Этшаöн гөгöрвоöны. Исполкомлысь шуöмсö дзикöдз могмöдöм бöрын сöмын унджыкыс гөгöрвоисны, мый Изъядор Сöвет власьт оз дур, и оз лэдзчысь, а кутас водзö нуöдны, и повтöг нуöдны йöзöс большевикьясöн индöм туйöд. И мед некод оз надейтчы мöдгор вылö.

И Ош Митрöпанöс да Керöсысь Трипан Иванöс помöдз кулакалысны эмбурсö конфискуйтöмөн. Но найö кыкнанныс кольччисны чужан сиктъясаныс. И уездö, и обласьтö, и Мöскуаöдз кöсийöны злясьны Ёгор Кöсьта вылö. Сим Тима Прол, кывлис Ош Митрöпанлысь да Трипан Иванлысь эмбурьяснысö мырддьялöм йылысь да, эз кут виччысьны мöдысь штрапуйтöм, тыртис нянь заданиесö. И Як Иван штрапсö мынтис, да водзö эз жö кут ыждавны, вайис нянь заданиесö. На бöрын и вöрзисны кызвын зажиточнойыс да середнякьясыс. Но... эз на гөнечöн ваявны магазейа кумад. Торья комиссиялы ещö на куймöс вывтi гора гöлöса середнякьясöс ковмис штрапуйтны. А вот дас кык середнякöс ковмис и мездыны нянь заданиесыыс: арталисны öтвылысь, да збылысь налөн аслыныс няньыс оз тырмы вель урожайöдзыс. Либö кöйдыс вылö торйöдöм няньсö ковмас сёйны. Артмис сiдз, мый ыджыд видзöдз стракпонд лöсьöдан уджсö лои помалöма. И ыджыд видзöдзыс жö на и кутисны сетавны сэтысь медся гöля олысьяслы, кодьяслөн асланыс няньыс помасис нин.

Ёгор Кöсьта унаысь этшсысь петавлис нянь запассö чукöртигас, ёна дойдалис сылысь сьолöмсö йöзлөн сы вылö лёкалöмыс. Уна нин сийö лёкыс чукöрмис, элöдис сылысь сьолöмсö, чорзьöдис. А вот кутисны отсавны сьöкыда олысьяслы, пикö воёмьяслы, и сьолöмсö личöдис. Медся жлеча пинясысьяссö дась вöли прöститны.

Но водзö Изъядорын Сöвет власьт ёнмöдны да изъядорсаясöс вель олөмö велöдны Ёгор Кöсьтаöс эз лэдзны.

Ни партячейка, ни исполком эз на удитны видавны, кызди тавося урожайнас изъядорсаяс восö вуджасны. Мый думайтлис да кöсийысьлис вöчны Ёгор Кöсьта — справедливöя, по-душнö юклыны муяссö да видзяссö став изъядорсаяс костын, мед эз лоны сы серти озырьяс ни гöляс, эз на удит. Сöмын кулакьяслысь мырддьöм муяссö да видзяссö сеталисны усьöм гöрд партизаньяслөн семьяслы. Да и налы на сийö эз ставныслы вичмы. Вель урожайсö на эз удитны ставсö муяс вылысь идравны — Изъядорö верзьöмөн уездысь локтис уполномоченной.

— Чолöм, Игушев ёрт, — исполкомö пырысь ар комына мужичöй исполком жырйын пукалысьяс вылö видзöдлöм бöрын матыстчис Ёгор Кöсьта дорö да нюжöдис кисö видзаасыны. Киасигмозыс нин рочыштис-висьтасис: — уполномоченный уездкома партии большевиков Сюрвасёв Павел Васильевич, — сэсся бокас öшалысь полевой сумкаысь перийс бумага да мыччис Кöсьталы. — Вот удостоверение.

Сетис удостоверениесö Кöсьгалы да матыстчылис киасьмөн видзаасыны Елизавета Павловнакöд да Митрей Опонькöд, öшöдис сумкасö, мыш сайсыыс тыртöм ноп мешöксö, шынельсö да военной картузсö тув вылö. Колис гимнастёрка кежсыыс. Веськыд бокас öшалис кобура, кытысь чурвидзис наган вороп.

Ёгор Кöсьта гöсьт пöрчысыгкості виддалис сылысь удостоверениесö. Веськыда татчö тайöс ыстöмаöсь, кызди гижöмаöсь, "...для проверки жалоб жителей Изъядорского сельсовета и работы партийной организации".

— Вот так, значит, — уполномоченной пуксис Ёгор Кöсьталы воча, нюжöдис кисö удостоверениеысла, куснялөмөн скойштит сийöс гимнастёрка морöс зептас. — Веськыда висьтала, и уездкомын и уисполкомын оз гөгöрвоны, мый керсьö тiян Изъядорын. Вот. Тiян сиктсöветысь медуна норасян гижöдьяс. Менам сумкаын сьöрысь — öкмыс жалöба. И ставыс партячейка да сиктсöвет вылö. Тэ вылö, Игушев ёрт, веськыда норасыöны.

— Партячейка выло нө мый норасьоны? — повзъыштөм гөлөсөн юалис Елизавета Павловна.

— Вот, значит, ыстисны менө та ылнао разберитчыны, мыла. Кыдзи уездкомса шленос.

Уездкомса шлен ветліс полевой сумкаысла, бөр пуксис важ местаас, перйис сумкасыс письмө чукөр, буракө, листалыштис.

— Меным колө ветлыны жалөба гижысыяс дорө Керөсө, Нямөдө, Гораягө. Куим жалөба татысь, Изъядорсьыныд, да накөд ме паныдасьла локтөм бөрын.

— Ми вед төдам, кодъяс нарсьоны. Вермам ставсө висьталны, — косьис кокньодыштны уджсө уполномоченнойлысь Косьта. — Керөсө вед ылын, матө нелямын верст.

— Нет, Игушев ёрт, кыксө ветымынысь унджык верст татчөдз вочи да нөшта нелямыныд меным тшаква. Сэссия сзтысь медскөр жалөбаясыс. Меным аслым колө норасьысыяскөд паныдасьлыны, медым стөча, по-партийному донъявны. Бур эськө вөлі, мекөд кө тшөтш ветліс и партячейкаса секретарь, — уполномоченной видзөдліс первой исполкомса юралысыс вылө, сэссия Елизавета Павловна вылө.

— Колө кө, ме пайысь, мед ветлас. Кыдз вед ачыс Елизавета Павловна, — Елизавета Павловна вылө видзөдөмөн вочавидзис Ёгор Косьта.

— Колө кө — сідзкө колө. Ме дась, көть аски, нинөм менө оз кут, — здук падъявтөг вочавидзис Елизавета Павловна.

— Вот и бур. Сідзкө, сэссия менө кытчөкө шойччыштны инавлөй Изъядораныд, — корис уполномоченной.

— Миян Гриша дядьбясө и позьө пырны, Тима Гришаясө. Найө өні Марья тьөткөд кыкөн колисны, да Павел Васильевичлы некод оз кут дөсадитчыны.

— Бур жө. А грездьясөдзыс кыдзи ветлыны? Верзьөмөн? Телегаөн? Кутшөмджык сэтчө туйясыс?

— Туйясыд сэтчө миян абу мир туй, төвсья туй. Но өні кос поводдя сулаліс да абу ёна няйт, телегаөн, көнкө, колмас тиянлы ветлыны.

— Өднөколка?

— Миян сиктсөветыны асланым и өднөколка и тарантас выим. Тарантассө босьтлөй. Лөсьыд, көрзинаа тарантас. Вөлсө, Елизавета Павловна, Воронкосө доддяланныд. И ёнджык, и сюсьджык.

— Сідзкө, Елизавета Павловна, аски нюжмасьтөг и петам. А исполкомса да партячейкалөн делбясөн ме сзтысь локтөм бөрын төдмасья, — кыв көрталіс уполномоченной да мөдөдчис пасьтасьны.

— Ме нуөда Павел Васильевичсө Тима Гришаясө, — Елизавета Павловна дзёбис пызан вывсьыс бумагаяссө пызан йөрас да уездса уполномоченнойкөд тшөтш петісны исполкомысь.

Вит лун сэссия ветлөдлісны сиктьясөд Изъядорө петкөдчывтөг. Локтисны — кыкнанныс, и Сюрвасөв и Елизавета Павловна — зумышөсь. Исполкомса юралыськөд сёрнитісны этша, нинөм эз висьтавны, кыдзи ветлісны, кодьяскөд мый сёрнитісны. Уездкомса уполномоченной кык лун на нөшта Изъядорын прамөя Ёгор Косьтакөд сёрниттөг оліс: өти лун исполкомса бумагаясын лукйысис, весиг Митрей Опоньлысь бумагаяссө виддаліс, да партийной ячейкалысь сёрни гижөдьяссө лыддис-виддаліс. Мөд лунсө лунтыр сикті бовьяліс: то өтилаө пыравлас, то мөдьясө... Косьта казяліс: Сюрвасөв Изъядорын и кулакьясө пыравліс, и зажиточнойяс да середнякьяс ордө... "Найө, бара, висьталасны, сөпнысө пызьясны ме вылө... А ни өти усьөм партизанлөн семьяө эз пырав...", — друг чужис Косьталөн юрас мустөм мөвп.

Тайө кык луннас сьлөн сьөлөмас вочасөн кутіс чөжсьыны майшасьөм. Көть уполномоченной ни өти лөк кыв на эз шу сылы, а сьөлөмыс Косьталөн кыліс кутшөмкө нелючки.

Сизимөд луннас пажын бөрын сөмын юөртіс уполномоченной:

— Значит, жалөбаяс прөверайтөм да исполкомса да партячейкалөн уджөн төдмасьөм помалі. Елизавета Павловна, аски чукөрт коммунистьясөс. Ме висьтала аслам выводьяс да вөзйөмгьяс йылысь.

Изьядорса коммунистъяс, кызди век, чукортчисны исполкомын. Локтисны ставныс, сизимон: вит шлен да кык кандидат.

Елизавета Павловна сразу кив сетіс уездкомса уполномоченнойлы. Сійб сувтис пызан сайсыс, перйис полевой сумкасыс бумага чукор, лосьддыштис листьяссө, мед, буракө, сёрнитігмозыс аддзыны колана бумага, да кыкысь тшөкнитөм бөрын заводитіс сёрнитны сразу стрөга, тшапа. Мукөддырйиыс аслас бумагаяс вылысь синъяссө вештывтөг.

— Кхе, кхе... Значит, так, товарищи коммунисты... Ме, изьядорса коммунист ёртъяс, странаын политической момент йылысь паськыда распространяйтчыны ог кут, а висьтала сөмын медглавнойсө. Значит, вөлі миян партиялөн дасөд съезд, коді кольөм во на индіс выль туй, коді шусьё НЭП-өн — новой экономической политикаөн, дзоньнас кө, значит, шуны. А ті, изьядорса коммунистъяс, век на мунанныд важ туйөд, понимаешь ли. Партия тшөктіс вуджны продрозверсткасянь проналогө, зновтчыны военной коммунизмысь. Партия шуис, мый өні сөсся веськыда капиталистъяссө атакуйтөмөн сразу коммунизмө ог воій. И Партиялөн дас өтиөд съезд нин таво тулыснас бара тайө туй визьсө жө вынсьөдіс. Мед пө и карын, и сиктын, значит, кольөм капиталистъяс унджык төвар вөчөны. А өні пө партиялөн медыджыд могыс, понимаешь, велөдчыны вузасыны. И вузасьөм пыр пө ёнмөдны, значит, каръяс да сиктъяс костын йитөдьяс. И тайө туйвизьөдыс пө, значит, ми веськалам социализм-коммунизм туй вылө. Коді повзис тайө туйвизьысь, найөс партия, Ленин шуисны паникерьясөн. Миян ног кө — садьтөм петукьясөн. Но... ещө капитулянтъяс пө эмось... Но... кодьяс быттө миян революция, Совет власьт вермөм бөрын бөр еджыдыяслы көсийны сетчыны, кыз рушкау капиталистъяслы бөр власьтсө сетны. Вот, значит, тадзи. И партия мөдөд во нин мездысьсө сэтшөм юртөм петукьяссыс и капитулянтъясысь и, кызди Ленин ёрт шуис, партияө суйсьөм мукөд пөлөс мазурикьясысь, бюрократө пөрөм йөзысь, пөрьясысь да өтарө-мөдарө шыбласысь коммунистъясысь. Сэтшөм йөзлы абу местаыс большевистской партияын. Мунө, понимаешь ли, чистка. Гөгөрвоана ме тияны висьтала странаын өнія политической моментсө и партиялысь туйвизьсө?

Партиялөн уездса уполномоченной пыравліс зептас да ныр чышкалан дөранас пөсьсө чужөм вывсыс чышкалігмоз быдөн вылө торйөн видзөдліс сы водзын пукалысь изьядорса коммунистъяс вылө, быттө чужөмъяс сертиныс көсийс төдмавны, ёна-ө пыдөдз налөн вежөрөдзыныс пырисны сылөн кывьясыс. Кодьяссө и ачыс на эз стөч лючки гөгөрво. Но кывзысьяслөн чужөм вылас нинөм жө эз тыдав. А уполномоченной вед пөсь чепөсиймөныс зиліс.

— Вот тадз, значит, сідзкө. Мый ме аддзи, коммунист ёртъяс, тия Изьядор вөлөс тын этайө вот жалоба чукөрсө, — Сюрвасөв өвтыштис бумага чукөрнас пукалысыяс ныр водзын, — прөверайтөгөн да изьядорса трудөвой крестьянствокод паныдаслыгыясөн? Мый кывлі накөд сёрнитөгөн? А аддзи, мый Изьядор сиктсөветлөн исполком коммунист Игушев юрнуөдөм улын яндысьтөг чегьялө партиялысь өнія политической линиясө. Партиялөн НЭП туй вылө петөм бөрын нин кык во Игушев куштө изьядорса трудөвой крестьянствоос. Непөштө вузавны, аслыныс сөймөн крестьянинөн быдтөмторсө оз коль. Быттө ыжъяссө крестьянинтө Игушев кушөдз шырө. Оз жө тай кучикьяссө куль-а. А кодсюрөлысь и кучиксө нин кульыштны удитөма. И талун тиян кызын трудөвой крестьянствоыд Совет власьтлы паныд руөн олөны. Вот мыйөдз вайөдөма политикаын Игушевөн вөчөм перегибыс, сылөн вывтасьөмыс. Татшөмьясысь, кызди Игушев, миян партия мөдөд во нин весалө ассыс радьяссө. А тиян партячейка видзөдө та вылө чуньяс пырыс, а эмось, кодьяс и Игушев дор. Артмө и партячейка тиян не на высоте политического момента. Игушев коддьөмъяс талун оз вермыны лоны партияын, и оз позь на коддьөмлы сетны веськөдлыны сиктсөветөн. Сэтшөмьяссө колө роскөн чышкыштны партияысь. И колө видзөддыны, гашкө и не сөмын өти Игушевысь весавны

партячейканытö, эмöсь кö Игушев моз мөвпалысьяс. Талун партия тшöктö нуöдны беспощаднöй чистка. Быд коммунистöс колö гөгөр-боксянь видзöддыны, донъявны сийöс с позиций политического момента. Вот мый ме шуа тиянлы, товарищи коммунисты. Менам ставыс. Эмöсь кö коддöнкö юалöмъяс, ме вочавидза.

Уполномоченнöй пуксис пызан саяс, бара босьтчис чышкавны чужöм, сыли вывсыс пöсьсö. Абу, буракö, кокни политической момент йывсыд сёрнитны, да нöшта и тадзи кужöмөн йитны сийöс изъядорса текущöй моменткöд.

А изъядорса коммунистьяс юр весьтын öшйис шуштöм чöv-лөнъ. Елизавета Павловнаыс кындзи, пукалыс коммунистьяс юр весьтын уездса уполномоченнöйлөн сёрниис виччысьтöг быттьö чардбиөн гымыштис гажа шондя, кымөр чиртöм небесаын. Ёгор Кöсьтаöс изъядорса медводдза коммунистьяс пиыс медбөръясö, гöрд партизаньясыс семьяс да беднякьясö медъяна да повтöг дорйысьсö, исполкомөн веськөддысьсö колö, вöлөм, асьсö партияыс вöтлыны! Артмö, кулакьясö да зажиточнöйясöс топöдöмысь ли мый ли? Сидзкö нö налы бара вöля али мый? Эз, эз на ставсö гөгөрвоны изъядорса коммунистьяс, но юасыны гөлöс эз сетны. Код төдас, друг он сидз юав, да тэнö ещё Ёгор Кöсьта дорö пысаласны да сыкöд тшöтш и роскөн жö чышкыштасны".

Пукалисны коммунистьяс и чöv олисны. И кывсö ковмис босьтны Елизавета Павловналы аслыс.

— Яндзим кöть абу, но быть ковмас миянлы винитчыны, ог кö кöсьйöй водзö пыксыны да партиялыс визьсö торкавны: збылысь бөрья восö партячейкалөн йöз юрөн олöм лоис. Кодсюрö коммунистьяс пиыс шедисны Игушев лэчкö. А Игушев босьтис асьыс, партиялы шогмытöм визь — дикöдз топöдны трудöвöй крестьянинöс. Со и артмис, мый кызвыныс талун Изъядорын Совет власьтлы паныд. А збылысьсö найö абу Совет власьтлы паныд, а Игушев ыджыдалöмлы паныд. Татшöмыс эськö миян эз ло, ас кадö кö ми водзсасим, эг лэдзöй сийöс асногасыны, мый сылы окутаис вöчны. Ме вот казьтышта, кызди кольмö во Зюзев ёрт партячейка вылын страхфонд лöсьбöдм йылысь вопрос виддалигөн петкөдлис асьсö öтарö-мöдарö шыбласысь коммунистөн. Сидз жö и Савельев вöли. Колö думыштыны талун, колöкö и сэтшöм дзирнясысь коммунистьясыс, кокни сяма йöзсыс миянлы мынтöдчыны жö колö? А Игушев кузя ме вöзья татшöм шуöм: сиктсöветса юралысьөн уджалигөн вывтiasьöмысь да асьыс власьтсö ыдждöдöмысь, партиялыс политической визьсö торкалöмысь Игушев Константин Егоровичöс мездыны сиктсöветын юралысысь и петкөдны исполкомыс да исключитны сийöс РКП(б) радысь за перегиб. А Зюзев да Савельев кузя колö öтвылысь думыштыны.

Елизавета Павловна пуксис. И бара вель дыр кезлö сувтлис чöv-лөнъ.
— Кыдз нö Константин Егоровичöс партияыс вöтлыны? — шыöдчис Митрей Опонь. — Ме батьöлысь на унаысь кыли: Ёгор Кöсьта пö медся надейнöй морт и надейнöй коммунист. А ми сийöс сэсса исклучитам.

— Опонь, он öмöй аддзы, кызди Ёгор Кöсьта сэксянь вежсис. Сийö öнi думайтö сöмын ас йывсыс, да кызди власьт бердын дырджык овны, — скöрысь вочавидзис Елизавета Павловна.

— Да сийö жö усьöм гöрд партизаньяслөн семьяяс ради... Аслыс некутшöм выгöда оз корсь, — эз сетчы Опонь.

— Елизавета Павловна, коммунистьясыдкöд колö мудзлытöг велöдны партиялыс политикатö. Со том коммунист дорйö мортöс, кодi кык во нин дзугö да чегьялö партиялыс политика визь, Совет власьт дорйöм пыдди сийöс лөкөдö аслас вывтiasьöмөн. Тэ вöзйин, и сийöс колö гөлöсуйтны. Видзöдлам, мый гөгөрвоисны тиян коммунистьяс, озö ковмы дзик вель партячейка котыртны, — лöня, велöдана тшöктис уполномоченнöй.

Небыда, и эз веськыда, а висьталис пукалысьяслы, кызди должен гөлöсуйтны партиялыс политика гөгөрвоысь коммунист.

Гөгөрвоисны изъядорса коммунистъяс, и ставныс, Митрей Опонь кындзи, сюся лэптисны кинисё. Опонь лэптис жё сэсся, неуна падъялыштём бёрын.

— Елизавета Павловналён вөзийём примитсьё өтсөгласён, — кыв көрталіс Сюрвасёв да шлапкис ки пыдөснас пызанас. — Игушев, партбилеттө татчө.

Ёгор Косьта партячейка вылын сёрни заводитчөмсяныс чөв пукаліс. Мый сійө өні кыліс ас йывсьыс, шембөсөдіс, и юрас некутшөм дорйысян кывъяс эз воны. Кыдзи позё сійөс мыжавны партиялысь политика торкалөмысь?! Сійө асьсө жалиттөг Совет власьт ёнмөдө, социализм стрөитан визьсө партиялысь кутө, а сійөс со партиялысь вөтлісны? Тайө ошыбка. Кутшөмкө капканө Косьта веськаліс, но капкансыс мездысян, асьсө доръян туйсө эз аддзы. И сійө ньөжйөн, ёна мудзём морт моз перйис пинджак пытшкөс зепсыс партбилетсө, коді сымда во нин шонтіс сылысь сьөлөмсө, лоис олөмас ордым петкөддысьөн, матыстчис да пуктіс сійөс пызан помас, и некод вылө видзөддытөг петіс керкасыс. Ставыс, сьөлөмсө ызийдысь могыс Ёгор Косьталён бырис, и бушкала олөмыс, буракө, сьлөн помасис жө.

— Елизавета Павловна висьталис кык коммунистлөн, Зюзевлөн да Савельевлөн отарө-мөдарөасян политика йылысь, — пукалысь коммунистъяс эз и казыны, кыдзи уездса уполномоченной аслас киө босьтис сёрни нуөдан визьсө. — То есьт, ме тайөс сідз гөгөрвоа: Зюзев да Савельев петкөдлісны асьнысө нетвердой коммунистъясөн жө. Незрелөйясөн на. Сувтөдам огөй талун вопрос найөс партия радө кольөм йылысь? Меным кажитчө, и Зюзев, и Савельев ёртъяс правильнө гөгөрвоисны талунъя сёрнисө, да и гөлөсуйтисны правильнө жө. Гашкө, талунъя сёрнинас өлөдөмыс и тырмас налы?

— Тырмас. Ми ставным нін сэсся гөгөрвоим партиялысь политикатө тэнад висьталөм бёрын, — жалитис ёртъяссө Зильган Вась Петыр.

— Ме чайта, тырмас жө, — сөгласитчис и Елизавета Павловна. — Сөмын колө сёрни гижөдө пасйыны, ме некод эз вунөд, мый Зюзевс да Савельевс өлөдім партия политикаын отарө-мөдарөасьбөмысь.

— Бур, — кыв көрталіс уполномоченной. — Сідзкө, коді Елизавета Павловна вөзийём вөсна — пасйыны тайөс партийной сёрни гижөдө, лэптөй киньтө.

Падъявтөг лэптисны кинисө ставныс, и Зюзев и Савельев мукөдыскөд тиөтш. Буракө, көсйисны петкөддыны, мый найө сөгласенөсь өлөдөмнас, и татшөмыс сэсся мөдысь оз ло.

— Вот и бур. Өні колө думыштылыны, кодөс пуктыны сиктсөветын юралысьөн, — выль мог сувтөдіс изъядорса коммунистъяс водзын уполномоченной. — Колө өнія сиктсөветса депутатъяс чукорысь.

— А Елизавета Павловнаөс кө? — юалис-вөзйис Зюзев.

— Сійө партячейкаса секретарь, да и исполкомас секретаралө. Сы вөсна Елизавета Павловнаөс оз на ков вөрзёдны, — качайтыштис юрнас уполномоченной.

— Ме чайта, — шыөдчис Елизавета Павловна ачыс, — сиктсөветса юралысьөн колө пуктыны Изъядор сиктысь жө. Ме вөзъя Тима Ваньөс. Вөвлөм гөрд партизан, исполкомса шлен. Ме ськөд сёрнитлі да, сійө дась шыөдчөм гижны партияө кандидатөн пырөм йылысь.

— Небыд сямаджык сійө. Юралысьнад эськө сюсьдзык морт жө колө.

— Өти вывті сюсялысьсө ми сөмын на чөвтім. Бара сюсьсөс көсьяныд? — чорыда вочавидзис Елизавета Павловна.

— Да Тима Вань ачыс Митрей Анна улын ветлөдлө. Кыдзи кутас сиктсөветын юралны?

— Оз жө эськө Митрей Анна улын да. Прөстө өні найө ота-мөднысө пыдди пуктөмөн лөсьыда олөны.

— Сідзи эськө и колө овны да.

— А Опоньсө кө, Афанасий Дмитриевичсө? — выльысь чуйдіс Зюзев орччөн пукалысь Опонь вылө видзөдөмөн.

— Опоньлы водзджык на. Кор батыс моз ставсö кутас гөгөрвоны, сэки Опоньос вöзъям. Сэсса Опонь абу исполкомса шлен, — вештис Опоньлысь кандидатурасö Елизавета Павловна.

— Сідзкö, Тима Ваньос вöзъям дай. Көть, и небыдджык характера, дерт, но шань морт, и абу асныра.

— Сідзкö, гөлösуйтам? — коммунистьяслысь öта-мöдныскöд сёрнитöмсö кывзыштöм бöрын юалис Сюрвасёв.

— Да, гөлösуйтам, — сöгласитчисны коммунистьяс.

— Коді, мед Уляшев Иван Тимофеевичос вöзйыны сиктсöветын юралысьөн, лэптöй кинйтö.

Лэптисны ставныс. Дружня.

— И вот мый ещё, товарищи коммунисты, — бара пызан сайсьыс сувтöмөн шыödчис изъядорса коммунистьяс дорö уездса уполномоченной. — Значит, воддза решениенйтö Уляшев Митропан Ивановичос да керöсса Игутов Иван Трипановичос эмбурьяснысö мырддьöмөн кулачитöм йылысь колö отменитны, кызди несоответствующей новой экономической политике партии, и в целях поправления перегиба. Сідз и колö гижны, мый сійö кулачитöмыс на текущöм моменте лoис преждевременным перегибом. И эмбурсö колö налы бөр бергöдны. Сійö партияейка шуёмөн и петанныд исполкомö: бөрьянныд выль юралысьсö, и сійö кык кулак кузяыс исполкомлысь выль шуём примитанныд. Исполкомас пöшти во нин абу волöмаöсь кык шлен. Среднякьяс. Найöс колö корны, найö наверняка лöоны партияейка дор. Менам ставыс. Аски, Елизавета Павловна, вöчöй сёрни гижöдсö талунья сёрни кузя, и ме сійöс босьта сьöрысь, уездкомлы нуа. И мед сэсса Изъядор сиктсöветувса сиктьясысь, значит, некутшöм норсян шыödчöмьяс эз вöвны.

Тайөн и помасис сэсса коммунистьяслөн тайö чукöртчылöмыс. Коммунистьяс разöдчисны гортьясаныс.

А Павел Васильевич окотapyрысь сöгласитчис пыравны Елизавета Павловнаясö чай юны. Сылы кажитчис изъядорса партияейкаөн веськöдлысь: и образованной, и лöсьыд статя да мича, том öтка ань. Абу и грек сэсса кузь туй да вежон чöж личлэдзлытöг уджалöм бöрын личöдчыштыны да шойччыштны сьölöм вылö воан анькöд. И öтлаын ветлігас Павел Васильевич казяліс жö, быттё и ачыс Елизавета Павловналы абу жö дзик веськöдь. Oz на татшöмыд быд командировкаын сюрлы...

Тима Гришаяслөн командировочной олысь-патерщикыс локтис чай юанінысь ёна нин сёрнкодь.

*Партияысь вöтлöмыс да сиктсöветса юралысьысь чөвтöмыс Ёгор Косьтаос ёна, вывті ёна шемöсмöдіс, дойдіс сылысь сьölöмсö. Первой чуймаліс-шензис, кызди вермисны сійöс мыжавны партиялысь политика торкалöмысь, сійö кө партиялысь визьсö, усть-сысоьльксса уполномоченной Кысовөн на индылöм визьсö сöмын и нуöдіс. Ыдждыдджык на сійö Сюрвасёв дорысь да гашкö унджык на тöдö! Сэсса скöраліс Елизавета Павловна вылö: ассьыс лёксö сійö, буракö, воштö Косьта вылö. И кулöмдіна уполномоченнойос ас дорыс кыскöма, сукаьясьöма, буракö, да. Мöд ног кызди вермис сійöс Косьталы паныд сувтöдны? Синнас, көнкö, ветлігчöжыс ворсöдчис да... Косьтаос дум босьтліс Усть-Сысоьльскö Кысовлы гижны, норасьны: сійö, небось, гөгөрвоас, мый Косьта абу мыжа, да веськöдас кодос колö. Но сэсса и мукöд изъядорса коммунистьяс вылö скöрмис жö, да энөвтис ассьыс норсян мöвпсö. Найö вот, мукöдыс, мыйла Косьтаос эз дорйыны? Эз вед Косьта öтнас вöч, а партияейкалысь öтувья шуалöмьяс могмöдіс. И эз лёка, сідз-тадз, лэдзчысьöмөн. Изъядор вölöсьтын тайö воясö ни öти семья, кулак ни бедняк, эз тшыгъяв, ни кача нянь эз сёйны. Гашкö, кодкö чайтö — кокни вöлі татшöмсö шедöдны?! Изьва йылын! И некоды Косьта лёк

эз вöч, сöмын бур... Торъя нин гöльяслы... Налы вед и колö вöли отсавны, сійөн и Сöвет власьтыс. И вот... атгö сылы шуисны!.. Дерт, Ош Митрöпанöс да Трипан Ивантö бөръя помас ёнджыка лои топöдöма. Но найö асьныс мыжаöсь. Вывті кутісны каттысьны Сöвет власьт вылö, Кöсьта — сиктсöветын юралысь вылö. Он кө чирышт сэтшöмъястö, верзöмөн кутасны гөнйайтлыны тэ вылын... Чöвтисны... Мед вот öні сэсся асьныс, Ёгор Кöсьтатöг видласны лöсьöдны выль олöмсö. Социализмтö. Видзöдлам, мый на ещö артмас...

Татшöмкодъ мöвпгъяс и поздысисны Ёгор Кöсьта юрын, йирисны сьöлöмсö да эз лэдзны бурасыны.

Э-э-э-э... Зверь-пöтка бöрся вöтлысьысь... Зверь-пöтка кыйысь... И тэныд, буракö, юмов йöз вылын ыджыдалан уджыд! Тöдтöм, кужтöм, сьöкыд, но выя бордөн, буракö, мавтыштö сьöлöмтö сэтшöм уджыс ли мый ли?.. Мый нö эськö сэсся, мöд ног кө, вийсынысö сэтшöм уджысь мездöмсыс?

Мöдарö, Митрей Вась Лизалы сэтшöм нимкодъ лои, кор мужикыс висьталіс та йылысь. Весиг кияснас бокас шлапкис радысла. Бур, мый Кöсьта эз казаяв сылысь радлöмсö.

Удж вывсьыс Кöсьта локтіс гымалан-чардалан кымөр кодъ зумыш чужöма да весиг зыбкаын пукалысь дзоля пи вылас эз видзöдды. Сійö скöрысь ветлöдіс-корсис мыйкö: залавкасö восьтыліс, гöбöчас пыравліс.

— Мый нö, Кöсьта, корсян? — вежавидзана юаліс Кöсьталысь Лиза.

— Код... матгö нö пуктысьсöма успенньö кежлö ньöблöм дозсö? Кольыштліс на пыдöсас да, — скöрысь ёрчыштліс ас вылас ли, ещö код вылö кө ли верöсыс.

Лиза гөгөрвоис — Кöсьтакöд мыйкö лöма. Вина доз со корсьö весь-лунö. Да ташöм мисьтöмасö Кöсьта некор жö на эз сёрнитлы ськөд. Но нинöм эз юав.

— Вунö-öдö-öмыд, — меліа нюжöдіс Лиза, мед кызкö бурмöдыштны верöссö. — Пачводз джаджыйн выліас сулалö сійö да.

Лиза ачыс и ветліс пачводзас да успенньö лунö джынъявлöм вина дозсö вайис пызан вылас. Кöсьта сійö жö джаджсьыс босьтіс стöкан да пуксис пызан саяс.

— Энлы, сідзкö, Кöсьта, терпитыштлы. Ме сола тшак час вая, да пöсь шыдтö на чöлта дай. Он жö вед сідз, сөйтöг винасö ю.

Лиза котөрөн сорөн пызан вылас вайис сола тшак тыра тасьті да нянь куд, пачсьыс кыскис-гургыштліс, кылö, шыд чугунсö да тасьтін нин вайис руалысь пöсь шыд, сувтöдіс верöсыслы ныр улас, и ачыс пуксис пызан помас. Сійö радейтана сингъясөн видзöдіс верös вылас, кызди сійö булькөдіс-кисьтіс винасö стöкан джынйыс да чатёрчылöмөн кисьтіс сійöс вомас. Эз весиг тшöкнит, сöмын ки мышнас вом дорьяссö чышкыштліс да тэрмасьмөн и пöсь шыдсö панялыштліс. Верös панясьыштöм бöрын и юаліс повзьöм гөлөсөн:

— Мый нö, бласлö Кристос, лоис, Кöсьта?

— Мы-ы-й-й? — нюжöдіс жö Кöсьта да чорыда видзöдіс гöтыр вылас. — Партияысь вöтлісны... Менö! Вот мый... И удж вылысь чöлтисны... Председательсь!

И чорыда шамыртöм кулакнас камыштліс пызанас... Но артмис видзчысьыштöмөн камыштöм жö эськö... Вылысь кисьтіс стöканас дозсьыс коляссö да пөрөдіс вомас. Сэки Лизалөн и шлапкиссис кияснас. Сійö öдйöджык чеччис пызан сайсьыс да муніс Кöсьта дорыс пачводзас. Мед бара көть эз жö нин казаяв скөр верösсыс сылысь радлöмсö. А Лизалөн нимкодъыс тöдлытöгыс чепөсйис. Эз вöv сьöлөм сертиыс сылы Кöсьталөн уджыс, да и ставыс. Тайö удж вöснаыс весиг Лиза вылö вөлөсьт пасьта öтияс лöгалöны, мөдъяс леститчöны. А ачыс Кöсьта лун ни вой покой эз тöдды.

— Эн сэтшöма майшась сы вöсна, — леститчана көсйис лөньöдны верöссö Лиза. — Эм көть абуаныс, сідзкö. Ки-кокъясыд, вежөрөд и сюсылуныд, майбыр, тэнад аслад на, сьöрсөд на коліс да оз на кол, небось, водзöсасыны.

— Нинѳм тэ, Лиза, он гѳгѳрво, — эз скѳрысь, а шога вочавидзис Кѳсьта.

— Ог эськѳ, дерт да, — эз нин кѳсьы Лиза паныд кыв шуны верѳсыслы. — Сѳмын сиктсѳветад абу жѳ нин прамѳй кыйсьыслѳн удж-а.

— А кодлѳн нѳ сѳдзкѳ?

— А кодлѳн сямыс кыйсян да видз-му удж вылас оз тырмы, мед сѳйѳ и летѳйсяс. Тэ ассыд пайтѳ уджалѳн нѳн... Пасибѳ тай тэныд шуѳмаѳсь, яндысьтѳм синъяс.

Кѳсьта чѳв пукалѳс, и Лиза эз тѳд, кыдзи водзѳ бурѳдны верѳссѳ.

Пиныс, дзоля Октябрьныс, ѳнѳдз пукалѳс зыбкаас да ворсѳс пу кольчаѳн. Панте вежайыс лѳбм пу вожыс мичаа нюкыльтѳма да вольѳдѳма да вежа пиыслы неважѳн козьналѳс. А сѳйѳ и кысьыс кольчасѳ гежѳда лэдзлѳ, сѳмын кор мам нѳньѳ кыкнан кекеньянас тшапкысьлас. И ѳнѳ сѳдз жѳ пиньтѳм вомнас няклялѳс-ѳирис кольчасѳ, видлалѳс сылысь топыдлунсѳ — и зыбка дорышас, и бокас камѳдѳс. Сэсся, буракѳ, дышѳдѳс ѳтнаслы ворсны да швыркнитѳс кольчасѳ джоджас, нюжѳдѳс кекеньяссѳ мамысланьѳ.

— М-ма-а...

Мамыс ѳдѳй матыстчис да босьтѳс писѳ мездорас... И юрас вирдыштѳс мѳвп, кыдзи бурѳдны Октябрьлысь батысь. Лиза матыстчис верѳс дорас да пуксьѳдѳс писѳ джоджас батысь кок дорѳ, а ачыс бѳр мунѳс пачводзас да сэсянь кутѳс видзѳдны ая-пиа бѳрся.

Октябрь первой бауасис, судзѳдчис батысь кок дорѳдз да тшапкысис батысь гач кокѳ — первой ѳтинас, сэсся кыкнан кинас, да сувтѳс кок ѳылас, кутѳс чатѳртчѳмѳн видзѳдны батысь вылѳ. Дзоля мортлѳн синъясас ѳзѳйс радун.

А мамыс пачводзас лажыньтчис.

— Октяш, пиук, — чукѳстѳс писѳ мамыс.

Октяш бергѳдчис мамыс гѳлѳс вылѳ, ѳти кисѳ мездѳс баты гач коксьыс. Мамыс пиланыс воськов вѳчис да бара лажыньтчис.

— Октяш, лок мамук дорѳ. Лок, пиук, лок...

Октяш видзѳдѳс мамыс вылѳ ѳ-она думыштѳмѳн. Сэсся и мѳд кинас мынтѳдчис баты коксьыс да ачыс вѳчис воськов мамыслань и... кияссѳ шевгѳдѳмѳн, паськыд кок вожѳн да синъяссѳ мамыс вылысь вештывтѳг топ-топ мѳдѳдчис джодж вомѳныс мамыслань.

— Лок, лок, дитюк, эн пол... Лок, шань пи, — ышѳдѳс мамыс писѳ, и сѳмын джодж шѳрѳдзыс воѳм бѳрын ачыс кыпѳдчис, мунѳс пиыслы воча, кватитѳс сѳйѳс морѳс бердас, кутѳс чупкѳдны писѳ бандзибьясас. — Ак, тэ, менам сѳлѳмшѳр, полтѳм дзоля морт.

А дзоля морт и ачыс гажаа радлѳс.

Ѳгор Кѳсьталѳн чужѳм вылас сэзьдыштѳс, эз на эськѳ шоңдѳ югѳрьясыс сѳвкнитны, но кыаыс чужис нин — чуймѳмѳн видзѳдѳс пачводзас сулалысь зня-пиа вылѳ да нюмдѳс.

— Но, зонмѳ, тайѳ тай прамѳй морт нин лоѳма, аслас кокѳн ветлѳдлѳ. Важѳн нѳн?

— Кок ѳылас эськѳ важѳн нѳн султыштлиѳ да, а мунѳс талун первойысь на. Тэныд ошѳйсьѳ. Нокѳ, тэ сэсся корлы, — мамыс лэдзис писѳ мездорсьыс да сувтѳдѳс кок дорас.

ѳнѳ Октябрь кыкнан кинас тшапкысис мамыс юбкаѳ да сылѳн кок бердѳ жмитчѳмѳн видзѳдѳс джодж мѳдарладорас пукалысь батысь вылѳ. А сѳйѳ чеччис лабичсьыс, лажыньтчис жѳ, нюжѳдѳс кияссѳ пиыслы.

— А, нокѳ, пиук, ѳнѳ батыд дорѳ воы. Лок, — ѳвтыштѳс-корис кияснас асланыс.

И дзоля пиыс бара смелмѳдчис да лэдзчысис мамыс юбкаысь да мѳдѳдчис батысь дорѳ. Джодж шѳрѳдзыс воис да сувтѳс. Виччысис, буракѳ, кор сылы воча батысь локтас да отсалас. А сѳйѳ и места вывсьыс эз вѳрзыы, нюмьялѳ сылы да корѳ.

— Но, но, эн пол... Лок, пиук, татчѳдз, джын туяд эн султ... Батыд дорѳдз лок.

И дзоля морт веніс полѳмсѳ, батыслы воча паськыда шыньдіс да бара сылань кияснас ѳвтѳмѳн вѳрзьѳдчис: топ-топ-топ... Сѳмын кор нин дзикѳдз матыстчис, кияссѳ нюжѳдѳмѳн уськѳдчис батыс кияс вылѳ. Батыслѳн вына киясыс кватитісны сійѳс да качѳдлісны йирк улѳдзыс, сѳні вылын кутѳмѳн меліа лют-лѳткерис писѳ, сѳсся босьтис моздорас. А ичѳт пиыс Кѳсьталѳн гылыда серѳктис, быттьѳ тильгун мыла зѳлькнитис, чуњьяснас кутіс визйѳдлыны батыс чужѳм вывті. Быдлаѳ удитис инмѳдчылыны: и синњясас, и нырас, и вом дорњясас, весиг уссыс видліс юрсисѳ нетшыштны. И Кѳсьталы лои сѳтшѳм любѳ, нимкодъ!

— Збой детинка тай быдмѳ.

— Збой вед... Батыс кодъ... А тѳ жуглясян-майшасян... Эм кѳть абуас сиктсѳветыд, юралысьнас и ставнас. Моздорад тай миян тѳждыс и мogyс. Коді нѳ сійѳс вѳравнысѳ велѳдас, олнысѳ? Тѳ кындзи?

Лиза эськѳ кѳсийс дзикѳдз нин бурѳдны верѳссѳ, да мѳдарѳ, буракѳ, артмис. Ёгор Кѳсьта зумышмис, сетіс писѳ Лизалы.

— Тѳ ставсѳ ѳтилаѳ эн сорлал да дзуг. Сиктсѳвет сійѳ сиктсѳвет, а пи — пи. И сиктсѳвет колѳ, и пи кутам велѳдны... Быдторйѳ.

Лиза повзис, мед жѳ эськѳ Кѳсьта и сы вылѳ тшѳтш эз скѳрмы.

— Ме эськѳ гѳгѳрвоышта жѳ да. Сьѳкыд вед сѳн уджалнытѳ. Со вѳрад петалнытѳ весиг эн эштыл. Лун и вой эштылтѳм удж... Сѳсся вед оз на ѳтнас Октяш миян, колѳкѳ, ло дай...

Ёгор Кѳсьта сюся видѳдліс гѳтыр вылас. Видѳдласнас юасис сылысь.

— Ме, буракѳ, мѳдѳн нин сьѳкти, — юрсѳ копыртѳмѳн, быттьѳ мед Октяшсѳ оқыштны, висьтасис Лиза.

— Кымын лоас, сымынѳс и быдтам да велѳдам. Мый вылѳ нѳ ми гѳтрасим, — ас ногыс сьѳлѳм сетіс Кѳсьта жугыла висьтасысь гѳтырыслы. — Нолтѳ, вайлы тайѳс меным ещѳ. Батыскѳд велѳдчыштам збойджыка тшолкьялны.

Кѳсьта босьтис писѳ Лиза моздорысь да бара йирк улѳдзыс качѳдліс: оп-па! Ок-тя!.. Сѳсся Октябрьлысь нимсѳ помавтѳг лѳдзис джоджас да кидѳдыс кутѳмѳн кутіс нуѳды писѳ пачводзланьыс.

— А нолтѳ, тшолкнитлы. Но-но, эн пол... Во-от, та-адзи... Молодеч. А нолтѳ, ѳні бара ачыд, ѳтнад, — Кѳсьта пачводзсянныс лѳдзис писѳ мамысланьѳ ѳтнассѳ.

И ичѳт Октя кывзысис, катласигтырйи тапиктис мамыс дорѳ. А мамыс бара на воськов-мѳд вѳчис пиыслы воча да босьтис сійѳс моздорас.

— Тырмас сѳсся талун кежлѳ, мудзис нин. Мед шойччыштас.

— Мед. Но ѳні сѳсся сылы кажитчис да оз нин водѳѳ бауась, кѳть услясьѳмѳн, но кутас кык кокѳн тапикасьны, — нимкодья кыв кѳрталіс Ёгор Кѳсьта.

Тайѳ Лизалѳн быттьѳ верѳсыслысь пѳсь ваѳн сотчѳмин дзѳдзѳг вййѳн, кѳнтусь вййѳн ли мавгыштѳм артмис. Мед пырысь-пырся дойыс лѳньыштіс, и “кучыкыс эз поркьясь”.

Ёгор Кѳсьталы кокниджык лои, лоѳмтор вылас гортсянныс нин гѳтырыскѳд да дзоля пискѳд тшѳтш видѳдліс да. Збылысь вед сійѳ кыйсьысь да видз-му уджалысь, а вѳравнысѳ кымын во нин эз петавлы. И эз аслас кѳсийтѳм ли дыш вѳсна. А ѳні сѳсся мездмис, артмѳ, да аслас вѳляыс. А со медводдзаяс налѳн аслас кокѳн нин тапикасьѳ... Тадз кѳ водѳѳ, он и казявлы — бурлачитны кутас. Сѳсся вед, Лиза висьтасыѳм серти, лѳсяліс сідзкѳ налѳн вирныс, да водѳѳ на ладмас.

А аскинас, батысьсяскѳд да Пантекѳд сѳрнитѳм бѳрын сѳсся и дзикѳдз лѳнис.

Батыс да мамыс локтисны Кѳсьтаясѳ ужнайтѳм бѳрын нин. А на бѳрын регыд и Панте гозья матыстчисны.

Вѳлі водз арся лѳнь, шоныд рыт. Баба гѳжѳмѳн тай тайѳ кадсѳ шулѳны. Видз-му удж кызвынсѳ эштѳдѳма: кос турун сарайсын да

зородьясын, арся гөрөм выло кодзёма и тавося нянь урожайсо воодёма гумлаяс вылодз сёрөмьясо. Картупель-капуста да сёркни-кушманьяс эськө му вылынөс на, да өн сэсса на вөсна оз нин ков майшасыны — Ен сетас дзоньвидзалун, стасө лоө ас кадо меститөма гуясө, пельсаясө. Өн сэсса позьө нин, и абу грек и личодчыштлыны, лөнөдчыштлыны. Со и ывла вылыс тувсов гаж да гоҗся жар бөрас личодчөма жө да лөнөдчөма. Абу жар, и оз, небось, кодзыд зэр шливгы — буретш шоньд. И збыльыс вед баба гоҗөм — татшөм поводдяд шань гөтырлөн меласьөм кодь, өна жө нин любө быдөнлы.

Бабаяс керкаас тешкодь, муса Октякөд ворсөдчигмоз варовитисны, а ая-пияс кильчө вылас и кольччисны: батыс да Көсьта вылыс кильчө пос тшуподас пуксисны, Панте кык тшупөдөн улөджык. Ольөш Ёгор гырдазаяснас пидзөсьяс выло лөдзчысьөмөн, а Көсьтаыс мышнас кильчө сюръя бердө нөрөдчөмөн шпуткисны-куритчисны.

— Сэсса нө водзө выло кызди-мый? Эн на нинөм думыштлы-артыштлы? — лөня юалис Көсьталыс батыс.

Көсьта гусьөн радлис, мый ни батыс, ни Панте кыв ни джын эз гарыштны сийөс сиктсөветын юралысьыс чөвтөм йылыс, а став сёрниис гартчис гортгөгөрсә удж йылыс: мый вөчөма-эштөдөма, мыйяс на ещө колисны да кор найөс вөчны эштасны.

— Прамөя думыштолөм эз на ло, — ньөжбөн, веськыда висьталис Көсьта. — Колө эськө таво сэсса тыр вынөн вөралны петны да... Ог төд, кор слөйма. Дыр лои ордчылөма чөс туйяссьыс да... И понийө том. Ныриса эськө да, колө вед сийөс велөдны на урө кутчысьны...

— Менсым Катшысөс босьтлы. Бур пон, — вөзийс Панте. — Ме помыс сідз и тадз прамөй кыйсьөм оз ло. Гортсянь, лэч туй лөсьөдлө да, ветлөдлышта.

— Позьө, дерт, аслыд кө өна оз кол.

— Оз. Ме сөмын понсө тшыкөда, лөка веськала да. Синмөй ылөдлө.

— А дрөб-порокыд нө? — юалис батыс.

— Ме воддза воө на лөсьөдлө, а вөрас петалөмыс эз ло, да сийө на, гашкө, первой каднас и тырмас.

— Сідзкө, колөкө, матыса керкасяныс таво кыйсян? — вөзийс батыс. — Сэтөні выль чөс туйяс лөсьөдлө Лөккөм йылас, да ме тэкөд тшөтш кайла бөрө-водз. А Опоньөс да Васьөс ыста Нибель йылө. Мед кык вок, том йөз, таво сэн вөраласны.

— Сідзтө кө, эськө, лөсьыд вөлі. Гортса уджьяссьыс өдйөджык эштөдча да и кая.

— Мый нө колө эштөдчынысө?

— Эм на уджыд. Картупель-сёркни нетшкытөм, и сёрөмьясыс на няньтө колө көть тусьөдз воөдны.

— Тайө төждясөн кө, сідзкө, эн манитчы. Чөсьястө лөсьөдлыны-октавы кад нин. Сийө уджьястө ми Пантекөд эштөдам, ог эндөдөй.

— Сідзтө кө, бара, мен абу дыр мөдөдчынытө, лун кык-куим мысти и верма кайны, — весиг ки пыдөснас нимкодьясла кильчө джоджас шлоикис.

— Бур, — кыв көрталис батыс. — Висьталан, кор эштан, и ме тэкөд кайла, и өти лун петкөдла выль чөс туйяссө. Висьталөм серти тадзи бурджык лоө. Ордымыс абу на сэтшөма тальөма да.

Ольөш Ёгор дөвөль колис: медколана сёрнисө лои сёрнитөма, и өн сэсса сийө төдө, мый медыжыд пиыскөд нинөм лөкыс водзө оз ло. Абу тай лөгасьөма, некод выло торъя оз скөрав, көть и, Ёгор серти, Көсьтаөс, дерт, висьталөмьяс серти, өбөдитөмаөс: сэтшөма зилис-старайчис да сэсса сідзи вөтлыны ас чукөрыс жө да удж вылыс чөвтны! Көть кодыс сьөлөмтө дойдас и дөзмөдас. А-а, шудыд, овлывлө, тай и лөк пыр воylvлө. Сэтшөмөс тай, слабог, Енмыс аддзөма Көсьталы лөк уджсьыс петан туйсө. Сиктса мужиклы, да ещө и сюс кыйсьысьлы колө гөрны-кодзны, ытшкыны-куртны да зверь-пөтка да чери кыйны. Да аслад семья йылыс думайтны. Слава те господи нин, Көсьта бөр аслас төжд-моҗьясө кутчысьө да. И миянлы, рөдительяслы, лоө спокой, и Лизалы, и став рөдвужыслы.

Трош Иван Ӧльӧш рӧдысь Ёгор тадзи ассыс думьяссӧ выль чигарка шпуткигмоз думайтӧ да чӧв пукаліс пияныскӧд.

— Менӧ унаӧн корӧны вӧчны ю кузя ветлан да турун кылӧдлан пыжъяс, и улӧс-пызанъяс и шкап-камодъяс, и диван-крӧватъяс. Сӧмын вӧчал, — батъяс чӧв олігкості босытчис висытасыны Панте. — Да вот вӧчасян пуыс менам абу, торъя нин тьӧс-плака. Сійӧс вед ӧтнадӧн он пилит. Кольӧм во ме Гораягысь Спира Сергейлысь дольной пиласӧ вежон кежлӧ корлі да Опонькӧд пилитчыштлім. Сэтысь нін ме таво кык пыж вӧчи да дас кык шайтысь вузалі, мыйсюрӧ ещӧ вӧчалышти... Вӧчасян пуыс менам ӧти пыж вылӧ сӧмын нін и колис, да колясь-ясысь ещӧ мыйяскӧ позяс вӧчны. Тьӧс-плака колӧ, кыз и вӧсни. Мукӧдторыйс сэсся ставыс ас сайын. Дольной пила эськӧ ме ньӧби нін аслым да, пилитчан ӧрт колӧ. Кӧсьта, ӧні сэсся прӧстмыштин да, тулыснас гӧрны-кӧдзны заводтӧдз, гашкӧ, пилитчыштам? Пилитан керсӧ ме тӧвнас дасъта да.

Кӧсьта эз дзик пыр вочавидз, вель дыр чӧла ассыс мыйкӧ арталіс ли мый ли.

— Позьӧ, — недыр мысти вочавидзис Кӧсьта.

— Сідзкӧ, ме некодӧс сэсся ог кут корсьны. А пилитӧмсӧ ми шӧ-рипӧл юкам. Либӧ мыйта тэныд колӧ, ачыд босытан, а кольӧмсыыс ме сьӧмӧн вештыся. Мися, унаӧн нін юасыӧны и корӧны, да колана мында кӧ тьӧс-плака лоӧ, прамӧя, ме думысь, позьӧ нажӧвитчыштны. И тэныд, Кӧсьта, содтӧд нажӧтка прӧмыс дорад лоӧ.

— Нажӧтка йылысь эськӧ ме ог думайт да. А отсыштны тэныд отсышта.

— Эн сійӧ шу, воканӧ. Озыр вотӧс да коль кӧ Ен сетас, и озыр прӧмыс сюсь кыйсысылы лоӧ, а оз кӧ вед — оз на тай быд во ӧт-кодя зверь-пӧткаыд шед. Зіль кӧть эн. А вӧчасян пу кӧ лоӧ — вӧрыд бара миян тырмас, оз и чинлы, нажӧткаыд ставыс ас саяд. Медтыкӧ Ен дзоньвидзалун сетас. А кык вок ми сэсся кужам нін артыштны, мый нажӧвитам, да сэсся кызди юкны.

— Тэ ног тай, Панте, лӧсьыда артмӧ. Тадзи и менӧ вӧчасян уджӧ кыскан, — серӧктіс Кӧсьта.

— Вӧчасян уджӧ ме тэнӧ, сюсь кыйсысыӧс, воканӧ, ог кыскы. А вот мый кыкӧн вӧчам, сійӧ кыкӧнлӧн и лоӧ. И сыысь ӧддор меным ыджыд отсӧг...

Бара на Енмыс Трош Иван Ӧльӧш рӧдлы отсаліс: мича луныс лӧсьыд рытӧн помасис. И бабаяс ас костаныс сьӧлӧм пӧтмӧныс варгисны, и ая-пияс ӧта-мӧднысӧ гӧгӧрвоӧмӧн да пыдди пунктмӧн сёрнитісны да бура сёрнитчӧмӧдз воисны. И Кӧсьталы сьӧлӧм сетісны, эз кольны сійӧс ӧтноссӧ аслас сьӧлӧм дойӧн. Тайӧ, гашкӧ, и вӧлі налы медко-ланаыс талун.

Кӧсьталы кыйсян кӧлуйсӧ, и лыйсянсӧ и кӧмалан-пасыталансӧ лӧсьӧдны, а Лизалы пуны, пӧжавны, косытыны кыйсян вӧлӧгасӧ верӧсысылы куйм лун ковмис. Быттьӧ Кӧсьта шуис жӧ-а — первой пӧ вежон кык кежлӧ и кайлас. Медсясӧ чӧсьяс-лэчьяссӧ, ез потшӧсьяссӧ Лӧккӧм вылысь видалӧм да лӧсьӧдлӧм могысь. Ӑттшӧттш тӧдмалас, кутшӧм зверь-пӧтка кӧнджык овмӧдчӧма. Сэсся волас да вӧлисти нин урсӧ и пӧткасӧ кыйны каяс. Сэки сэсся джуджыд лымыӧдзыс нин, кӧнкӧ, лоӧ, дерт.

Сійӧ рыгыя сёрни бӧрын нельӧд лунас водз асывнас кайисны батыскӧд Лӧккӧм йылӧ. Кӧсьта аслас том понысь ӧддор Пантелысь Катшыссӧ тшӧттш босытис гортсяныс дом йылын нуӧдӧмӧн.

Мунісны-шлопийсны ногыяса кыйсысыяс — эз и тэрмасыны. Кык чомкосттӧ найӧ ньӧти тэрмасытӧг пажынӧдз асланыс вӧр керкаӧдзыд воасны. Вӧр оз терпит тэрмасыӧм, ни суетитчӧм.

Сьолөмсө дзикөдз лөнһөдысьөн да бурөдысьөн Ёгор Көсьталөн, выльысь ловсө кыпөдысьөн сылөн муса вөр-ваыс на вөлөма. Ставыс, дзик ставыс Ёгор Көсьталы тані вөлі нимкодь, гажөдіс син-пельяссө и сьолөмсө: нэмөвөйся джуджыд дзор козьяс да веськыд, пашкыр юра пожомьяс весьтын төвлөн помаслытөм шувгөм-сьыломьыс; пипу раскын некутшөм төв рутөг корьяслөн гөгөрвотөма лөнһытөг гуся шарөдчөмыс; кок увсьыс сьолаяслөн жбыркьялөмыс, чукчи-дозмөрьяслөн вына бордьяснас пу увьясө швачөдчөмөн пышгьялөмыс; зумыш ёльяслөн коркө лөнһөдана боргөмыс, коркө мыла дзольгыштөмыс... Найө асьныс корөны гумовтны татчө важөн лөсьөдлөм чибльөгнас налысь сөстөм, чөскыд васө, веськөдыштны горштө да пуксьыштыны орччөн пөрөм пу вылө здук-мөд кежлө — лышкыд ёльыслысь боргөм-дзольгөмсө кывзигмоз коктө веськөдлөмөн пукалыштны, лолыштны-шойччыштны.

И мый төрыт на Ёгор Көсьтаөс майшөдліс, сьолөмсө дойдаліс, кажитчис зэв коланаөн, энотны позьтөмторйөн, талун вөр-вакөд дыр бөрын выльысь паныдасьөм бөрын сійө ылыстчис, чусмис и вошис.

Бөрынджык нин и Митрей Вась Лиза важсө казгытылгыясөн Көсьталысь тайө вөралан вояссө шуис медся шудаясөн. Во гөгөр эз бырлы яй да чери. Сы мында чөскыд пөтка яйөн, мыйта вердіс Көсьта семьясө сійө квайт шуда онас, сэсся некор нин эз лолы. Сэсся налөн верөсыс-батыныс — вердысь-юкталысьныс во гөгөр накөд, Тулыс-гожөмсө өтлаын муяс да видзьяс вылын тильсьоны. Абу мөй тшөтштө уджавны майбыр! Ар-төвсө эськө Көсьта унджыксө вөрын да. Да вед көзяинтө вөрө кольөдөмыс, сэтгысь сійөс виччысьөмыс да вочаалөмыс абу-ө мөй шуд жө! Оз вед, небось, Ёгор Көсьта, ен ськөдөн, вөрсьыд кушөн лок. Прамөя нажөвитчис. Сэсся кык тулыс Пантекөд на пилитчисны дай — кык вежон ыджыд лунөдз да ыджыд лун бөрас на ещө вежон. Панте, вөчасьөмөн нажөвитчысьыд, вель уна сьөм вокыслы пилитчөмсьыд сетіс — Көсьта эз весиг и чайтлы: мөд онас нин воөн-джыніона бур чань вермис ньбны.

Кыз нө, паськөдыштисны, зонмө, овмөссө Көсьта да Лиза тайө воясас: кык вөв, да куим мөс-кукань, да квайт ыж нин видзисны. Да вед и колө — и семьяныс, слава Богу, налөн өдйө содіс. Лиза Көсьталөн өдөбтис да Октябрь бөрас оз көсийы весиг сувтыштыны: муртса удитө дзоля кагасө нөньсьыс чөвтны, бара нин, ен ськөдөн, висьтасьө выль кага рушкуас гөрддзасьөм йылысь. Челядыслы нимьяссө сеталігөн быд пөрийө и ловзыліс Ёгор Көсьта пытшкын выль олөмө — коммунизмө туй писькөдысь. Мөдөн чужөм нылыслы нимсө сетіс Роза-люсенбур. И мамыс Көсьталөн, и батыс, и Панте, и Огаш — ставныс кевмысьөмөн корисны не сетны татшөм мичаник нывкалы татшөм сьөкыд — кывйыд оз бергөдчы — нимтө. Но Көсьта некодысь эз кывзы, а вөчис ас ногыс: ме пө пленын на көсийыслі тайө нимсө сетны, нывка кө чужас, и Көсьта тайө кывсө кутас. Кузь? Гижны төрас, и мед төдөны, кодлысь нимсө новлөдлө Изьва йывса нывка. А гортад позьө и дженьдөдөмөн шуны. Шуам, Роза. Либө Люся. Менө тай гежөда шубөны Константин. Көсьта дай ставыс. И Пантеөс оз Пантелеймонөн. Сідз Изьва йывса Роза-люсенбур и быдмис, и кузь олөм бөрын нин кувсис Розаөн.

Коймөдысьсө Митрей Вась Лиза козьяналіс кыйсьысь батылы бара пи, и Ёгор Көсьта дыр думайттөг шуис: талөн нимыс лоө Энгельс. Энгельс Константинович. И та пөрийө некод нин паныд эз сувт. Коми-яслы эськө дөза төдтөм ним да, мед, батыс кө көсийө. Да и нимыс тайө абу сэтшөм кузь ни.

Нөльөдыс Лизалөн да Көсьталөн чужис нывка буретш батыслөн вөрө петан лун водзвылын. Но Көсьта ачыс жө тшөктіс нылыслы нимсө гижны: Май.

Лун дас мысти нин Митрей Вась Лиза ачыс ветліс сиктсөветө нывсө гижны.

— Мыйкө... Лизавета Павловна... Миян ныл чужис да...
— Бара? — увтыртана юалис Елизавета Павловна, быттё эз төд, мый керсьё өти сиктад.
— Бара тай... Енмыс сетис, — вежавидзана вочавидзис Лиза. — Дас лун сайын нин эськө да. Гижой нигаад. Косьта нимсө сетис "Май".
— Май?! — синъяссө чашкөдөмөн водзё увтыртана видзөдис Лиза вылө Елизавета Павловна.
— Май тай шуис Косьта-а.
— Косьтаыд тэнад абу кө тыр вежөра-а. Сэтшөм нимыс абу комыи, ни рочын.
— Ме ог төд, сідз Косьта шуис да сідз колмас и гижны.
— Господи... дзик йойяс. Да нывбабаяслөн став нимыс "а" вылө помасьё: Анна, Марья, Елизавета...
— А миян Косьта Косьта жө да?
— Сійё абу Косьта, а Константин!
— Мед, сідзкө бөрас содты "а"-сө, колө кө.
— Содта, сэтшөма кө көсьяныд, — бара Лизаөс кедзовтана сөгласитчис Елизавета Павловна. — Мед лоас Май-а.
— Май-а... Зэв на тай ещө и кокни да мича ним артмө... Лосьыда на Косьта думыштлөма. Сё пасибө, сідзкө, Елизавета Павловна, — Митрей Вась Лиза копыртчыштлис да петис сиктсөветысь.
"Господи, вежөрыс, вежөрыс, — лөга думыштіс Елизавета Павловна. — Мед, сэтшөм и колө Ёгор Косьталы... Да и ачыс абу сюсьджык вежөра... Сюсьджык кө вөлі вед, татшөм пемыд баба вылө эськө эз гөтрась... Господи, квайт воён нельөд кага... А менам өтик Петюк вөлі, да и сійёс вошти, — быттё лэчыд пуртөн пөвсыштісны морөс вомөныс. — И Михайлөос виисны... Тшөтш вед гөрд партизанъясон вөліны... тышкасисны. Коммунистъяс вөліны. Михайлөос да мукөд коммунистъясөс ставнысө виалисны, а Ёгор Косьтаөс ловйөн колисны... Мыйлакө... Жируйтө, да сьод вөр шөрын чужөм пемыд бабакөд быд во кага вөчалө... А миянлысь верөсьясөс виалисны... Мыйла вөлі колө миянлысь верөсьясөс виавны, а этайөос, яндысьтөм синмөс... том дырсяныс бабаяс бөрся вөтлысьсысөс кольны..."
Олөмыслөн веськыд туйсыс лөк ногөн кежөмыс важөн нин ёсь дойөн поздысьлис Елизавета Павловна сьөлөмын, и талун перевөлөкса Елиса вылө лөг кырыштіс сылысь доя сьөлөмсө.

Йөввыв кежлө вөрысь петалігөн Ёгор Косьтаөс вөлөм виччысьё дзик нин виччысьтөмтор: найөясө пыравлөма... Кысов! Михаил Ильич!..

— Төрыт на пажын бөрын нин и пыраліс, — висьталіс Лиза сьөкыд туйсыс верөсыс шойччыштөм бөрын сійёс ужинөн вердігмоз. — Кысовөн тай шусис-а, карысь пө. Шуис, Константин Ёгорович пө менө төдө. Тадзи веськыда и ыдждөдліс тэнө. Ме висьталі, мися йөввыв кежлө эськө тэ волысь да. Шуис, мед пө, волас кө, сиктсөветө петкөдчылас.

Кысов Михаил Ильич... ГПУ-ын уджалысь... Мый нө сылы колө Косьтасянь? Бара мыйкө суклясисны али мый? Помзя вөрын да видз-му вылын, да мый нөшта вермисны суклявнысө?! Терпенныбыс Косьталөн эз тырмы да ужнайтөм бөрас пывсянөдзис на и петавліс сиктсөветө. "Мед "небыд" вөралан дуксө исыштласны, — водзвыв скөраліс Ёгор Косьта сійёс виччысьысыс вылө. — Ёна пола наысь, мед бара кокъяс оз тірзыны-а сьөкыд нөрт кыскөм бөрын моз!"

Сиктсөветын сөмын мужикъяс нин кольөмабсь. Тима Вань да Митрей Опонь пукалисны асланыс пызанъяс сайын, а Кысов тшолкъяліс джодж кузяыс — Косьта пыр на и төдіс сійёс, ньөти кө абу вежсьөма-а. Важ мозыс на тай галифе гача да гимнастёркаа, но наганыс оз тыдав. Сідзкө, гашкө, оз нин ГПУ-ын уджав?.. Косьта татчө сиктсөветө вит воысь дырджык нин, көнкө, эз пыравлы. Нинөм на тай тані абу вежсьөма.

— Видза олан, Константин Егорович, — Кысов ачыс Косьталы воча воськовтис дв нюждодис кисо видзаасьны. — Кыдзи шедо зверь-поткайд, кыйсьысь?

— Коді веськало, сийо тай шедо-а, а коді оз — бокиті, буракo, ачимос, и менсьым чос-лэчьясoс кытшовтоны, — Тима Ванькод да Митрей Опонькод киасигмоз шмонитана вочавидзис Ёгор Косьта. Гортас чужлом майшасьомыс Косьталон лонис — оз, буракo, тайо нюмгялысь мортыс нинoм сылы лексо кoсий.

— Но, но, Егорович, эн соссы, огой вомдзалой, — гажаа сероктис Кысов. — Меным висьталисны — сюся по кыйсян. Сэсяя вед, шуласны, сямлунто кыйсьысьлысь ноп да норт сертиыс казялоны. Молодеч.

— А, Ёгор Косьта миян сэтшом, кыйсьыны кайигас, ни промыссо вайигас оз ошйысь, — ошкыштіс Косьтаос Митрей Опонь.

— Сідз вед сюсь кыйсьысьясыд, — мыйко вывті нин ошкана кывьяс жалитгог заводитис сёрнисо Кысов. — Пуксьыштлы, Егорович. Сёрни-тыштны колo, да сийон и пыравлі тияно.

— Висьталіс, зонмо, гогыр, — кульыштіс шапкасо да пуксис лабичас Косьта. Кысов пуксис орчон.

— Ме оні уджала ВКП(б) партиялон обкомын. Административной уджясон веськодлан отделын завон. Зав. отделом административных дел, — рочон тодчодис Кысов ассыс уджалан местасо.

"Со кутшом ыджыд партийной начальникодз воома Михаил Ильич", — ас кежсыс думыштіс Ёгор Косьта, а гораа ачыс висьтасис Кысовлы:

— А ме од оні абу партияын.

— Ме тода, висьталисны. Мыйла эн шыодчыв ме дорo? Колoкo, отсалі эськo... А гашкo и эг жo, — думыштчoмон веськыда висьталіс Михаил Ильич. — Сэки сэтшом воли партиялон политика визь, нэпо пыран политика. Колo воли партиялы мездысьны нетвердой, ненадёжной элементясысь, нечестной партеецьясысь. Уна пиад, дерт, кодсюрo тэ моз и партиялы колана йоз веськавлісны. Он скoрав? — Косьта выло веськыда видзодомон юалис Кысов.

— Дозмылі эськo да... Ёнакодь. Мыжтог исключитісны да. Оні сэся ог нин. Партияысь исключитом восна ме и сідз коммунистон коли. Сьолoмон кыдзи воли, сідз и коли выль олом, социализм восна.

— Константин Егорович ньоти оз содтав, веськыда висьталo. Сийо весиг челядыслы революция нимьяс сетало: Октябрь, Розалюсенбур, Энгельс, Мая, — вынсьодис Косьталысь кывьяссo сиктсoветса юрaлысь Тима Вань.

— Сийон ме и кори пыравлыны, Константин Егорович. Партия заводитис выль атака контрреволюция выло, оні медясо сиктъясын поздысьом контрреволюция выло. Сы восна сиктъясын колoны ен партячейкаяс. А изьядорса партячейкалы талун, веськыда шуа, тэ кодь повтом, чегьясьтом коммунистьяс буретш колoны. Мый тэ шуан, ме ко шуа: давай, Егорович, бор пыр миян радo, большевикьяслон партияo.

Ёгор Косьта эз дзик пыр вочавидз, чов пукалыштіс, — донгяліс тайо воэйомсо да волисти ньожйон шуис:

— Оні сэся миян сиктса коммунистьяс отчид исключитлом бoрад модысьто менo оз примитны.

— Ме кодсюрoкод сёрнитлі нин. Со Иван Тимофеевич, Опонь, Зюзев дасьoсь сетны тэныд рекомендація, шыодчан ко.

— Ме и сэки Косьтаос исключитомлы против воли, — пося содтис Митрей Опонь.

— А Елизавета Павловна но, партячейкаон веськодлысьыс... Сія бара мый вынсьыс против кутас сулавны, — чуйдис Косьта.

Та порийо и Кысов шыодчис недыр чов олыштoм бoрын жo.

— Кызьод воин на татысь мунигон ме чайті, мый ті бура ладман-ныд, а тиян костті со кутшoмко сьод кань, буракo, вуджoма. Но шыодчан ко, партячейка вылын сийo оз жo ло против. Сэся ми вед, большевикьяс, быдсяма "сьод каньяс" выло видзодомон овны ог кутой.

Ёгор Косьта выльысь думыштчис, мый вöчны. Öти боксянь кö, Кось-талöн öни ставыс эм: и гöтыр и мöтыр, кыз шуласны, и овмöс тыр-мымöн лöсьдöма, и челядь чужöны-быдмöны, сöмын зырымъяснысö удит чышкавны... И дзоньвидзалуныс Косьтаöс лэдзö зверь-пöткакöд синсьыны да найöс венны... А мöдарсянь кö видзöдлыны?.. Мöдарсянь кö видзöдлыны — сы водзын кöсийöны винитчыны... Гөгөрво-маöсь, мый мыжтöг Косьтаöс мыжалисны, и бөр корöны партияö... А вунöдлисны, мый Ёгор Косьта мыйкö да дон сулалö. Бөр кö пырас партияö, став вöлöсьт пасытаыс кутасны тöдны, мый Ёгор Косьта эз вöв мыжа... Мый Ёгор Косьта вöли прав...

— Тадзи кö, ме кöть öни гижа, — решитчис Косьта.

— Опонь, лэдзлы Константин Егоровичöс аслад пызан сайö, — тшöктис Митрей Опоньлы Кысов, быттьö сийö водзвыв тöдис Ёгор Косьталысь воча кывсö. — Да бумага лист сет шыöдчöмсö гижны.

Ёгор Косьта пуксис Опонь местаö, босьтис ручкасö да чуткис чер-нила дозьяс, лэптис ручкасö бумага лист весьтас да думыштчис, Кысов выlö видзöдлис.

— Рочöн али комиöн гижа?

— Кыдзи кужан да кызди кокниджык.

Ёгор Косьта ёна старайтчöмөн визыйöдлис перöнас бумага лист вывтйыс, кадысь кадö перöсö чернила дозийö чутйöдлөмөн да юрсö öтар боксянь мöдарас катлөдлөмөн. Помалис да чут пуктис. Выльысь лыддис гиждöсö, дөвöль колис да улиас кырымасис.

— Со, гижи, — нюжöдис Косьта шыöдчöмсö Михаил Ильичлы.

Сийö босьтис да лыддис жö, матыстчылис шыöдчöмнас Ёгор Косьта дорö да чуньнас индис:

— Этатчö со содтöд гиж: “Буду строго выполнять устав партии и претворять политику партии большевиков.”

Ёгор Косьта гижис содтöдсö да бара мыччис Кысовлы.

— Ставыс.

Кысов выльысь видзöдлис, мый содтöма Косьта.

— Бур. Сидзкö, аски ми чукöртам партячейка нель часын да тэ лок жö. Сэни первой вопросөн и видалам тэнсьыд шыöдчөмтö. Öни мун шойччы.

— Менö пылсян виччысьö жö-а.

— Бура небзöдлыны, сидзкö, льястö.

Гортас Лиза Косьталысь юасис синьяснас. Косьта пöрччысигмозыс нурбыльтис:

— Менö бөр партияö корöны пырны.

— А тэ нö? — гөлөсас Лизалөн кылис майшасьём.

— Ме?.. Шыöдчөм гижи.

— Бара... Сэтчö... Енмöй, Енмöй...

Мыйкö ещö шуалис на аслыс Лиза, Енмыслы шога кевмысис ли — Косьта эз кыв и эз гөгөрво. Но нинөм гөтырыслы эз шу. Партияö пырны, партияысь петны — тайö абу бабаяслөн делö.

Аскинас Ёгор Косьта локтис сиктсöветö, да сэни сизимөн нин пу-калисны Кысовöс тшöтш лыддьöмөн. Мыйөн Косьта пуксис, Елизавета Павловна пыр и заводитис.

— Шленьяс да кандидатгьяс чукöртчисны квайтөн, öтик абу и оз нин лок. Гораягысь да. Сёрнитанторсö пуктам куймöс: партияö примитöм, сэсся обком отделса заведующий Кысов Михаил Ильичлөн висьталөм партиялөн сиктын выль политика визь йылысь. Правильнö ме шуи, Михаил Ильич?

— Правильнö, — гогнитис юрнас Кысов.

— И коймöд сёрнитанторсö пуктам уна пөлөсöс. Первой сёрни-тантор кузяыс ме висьтала. Партячейкаö шыöдчис Игушев Кон-стантин Егорович. Сийö бара вöйысьö партияö. Тi ставныд тöданнды, ми сийöс исключитлим за перегиб. Сийöс рекомендуйтöны Уляшев Иван Тимофеевич да Уляшев Афанасий Дмитриевич. А öни партиялөн поли-тикаыс вержис. Сы йылысь висьталас мöд сёрнитанторас Михаил Ильич, а öни кодi мый шуас Игушев шыöдчөм кузя?

Кыпѡдчис Митрей Опонь.

— Онѡ партиалѡн политикаыс вежсис обкомса заведующѡй висьталѡм серти кулакьясѡс чорыда топѡдѡмланьѡ. А партячейка буретш сысыс исклучитѡс Игушев Кѡсьтаѡс партиядыс. Ме эскѡ и сэки на вѡлѡ прѡтив, а онѡ вѡзья сѡйсѡс бѡр примитны партияѡ.

— Партячейкалыс Игушев йлыыс сэкса шуѡмсѡ талун оз ков вѡрѡшитны. А прѡстѡ Игушевлѡн выль шыѡдчѡм серти сѡйсѡс колѡ примитны кандидатѡн. Мѡд ног кѡ — виддалѡмыс дыр кыссяс, — веськѡдлѡс Митрей Опоньѡс Кысов.

— Сѡдзкѡ, ме сѡглас Игушев Кѡсьтаѡс примитны кандидатѡн. Сѡдз и вѡзья, — пырыс-пыр сѡгласитчис Опонь.

— Кодѡ ещѡ мый шуас?

— Мый сэсса танѡ сѡрнитнысѡ. Игушев Кѡсьта мияныс медводз, дас ѡкмысѡд воын на, весиг партизанскѡй отрад на эз вѡл, партияѡ пыраллѡс. Гѡлѡсуйтам выльыс кандидатѡ примитѡм вѡсна дай ставыс, — став пыддиыс вочавидзис юасысылы потребобществоын юралыс Ёгор Вась.

— Сѡдзкѡ, гѡлѡсуйтам. Кодѡ Игушев Константин Егоровичѡс партияѡ кандидатѡн примитѡм вѡсна, лѡптѡй китѡ.

Ки лѡптѡсны ставныс. И Елизавета Павловнѡ лѡптѡс кѡсѡ нѡти падывтѡг и мукѡдьясыс кольччѡтѡг.

— Игушев примитсѡ кандидатѡн ѡтсѡгласѡн. А онѡ сэсса сѡрнитас обкомса отделѡн заведующѡй Михаил Ильич Кысов.

Михаил Ильич кыпѡдчис пызан сайсыс, лѡсьѡдыштѡс-кыскыштѡс тасма увсыс гимнастѡркасѡ, босьтѡс киас пызан вылас куйлыс бумага листьяс.

— Товарищи изьядорса коммунистьяс. Менѡ ыстѡсны Эжва йылѡ и татчѡдз, тѡян Изьядор вѡлѡсьтѡдз планѡвѡй командировкаѡ висьтавны, кутшѡм политика шуис нуѡдны ВКП(б) партиалѡн 15-ѡд съезд. И мед стѡчджыка висьтавны сѡйсѡ политика йывсыс, и мед вѡлѡ тѡянлы гѡгѡрвоанаджык, а сѡдз жѡ тѡян могыясныд, ме мыйсюрѡ куга формулируютны, то есьт шуны, рѡчѡн, а сѡдз жѡ мыйсюрѡ веськыда лыдья аслам гижѡм справка вылыс. Бѡрын, оз кѡ мыйкѡ ло гѡгѡрвоана, юаланныд. Значит, так. Кольѡм вося декабрь тѡлысын мунѡм съезд вынес решение о всемерном развертывании коллективизации сельского хозяйства. То есьт, нѡп дырѡи партия бѡрынччыштлѡс да вѡля сетыштлѡс буржуазиялы, нѡпманьяслы. Кодсюрѡ чайтѡсны, мый тайѡ дыр кежлѡ. Век кежлѡ. Но карын кольѡм воясѡ партия топѡдѡс нин найѡс и бырѡдѡс буржуазияѡс кыдзи класс. Карын воськовтѡсны нин социализмань. Но абу сѡдз сиктѡясын. Сиктын ставыс на важ моз — кулакьяслы лои вѡляыс. А беднякьяс важ мозыс беднякьяс. Сѡдз и тѡян Изьядорын. Партячейка да исполком коммунаяс котыр-тѡгѡн вѡчѡмаѡсь уна ѡшибкаяс да перегибьяс. Керѡс сиктын, пример вылѡ, коммунаѡ примитѡмаѡсь тшѡтш кык кулакѡс, ѡти зажитѡчнѡйсѡ, кык середнякѡс да некымын беднякѡс. Мыйся тайѡ коммуна?! И, дерт, коммунаыд кык воѡн и бѡр кыссьѡма. Да кулакьясыд найѡ коммунасѡ пытшкѡссяныс кысьтны и пыравлѡсны. А Нямѡдын скѡтсѡ да уджалан кѡлуйсѡ ѡтувтѡмкѡд тшѡтш и паськѡмьяснысѡ весиг ѡтувтлѡмаѡсь. Сэсса став бабаясыс овмѡдчѡмаѡсь ѡти керкаын, мужикьясныс мѡдын, а челядсѡ кутѡмаѡсь видзны коймѡдын. Тайѡ явнѡй перегиб. И в результате и бабаясыд дѡзмылѡмаѡсь, и мужикьяс гусьясысыс моз кутѡмаѡсь ассыныс бабаяснысѡ гусьѡн нуѡдлыны бѡкѡ. Сэсса мукѡд грездясыс мырдѡн кутѡмныд коммунаѡ жѡ ваявны... Заводитлѡмныд кулакьястѡ ликвидируютны, но налы ставсѡ бѡр сѡталѡмныд. И мый артмис? Ме аслам справкаын обкомлы сѡдз веськыда и гѡжа, — Кысов босьтчис лыддыны бумаг вывсыс: — “Уполномоченный уездкома товарищ Сюрвасев стал поправлять перегибы и перескочил, через исправлений сделал недогибы. Жалобы от единоличников и кулаков принял за истину, не спрашивая мнения ячейки, членов коммуны... Этим самым оттолкнул индивидуальных хозяйств от

коммуны и создал почвы разрыва между индивидуальным хозяйством и коммунарами... Замечается примиренчество среди членов ячейки, в особенности сильно было во время перегибов и в начале поправления перегибов и недогиба, на почве боязни в угоду другим. И классовая борьба в деревнях Изъядорской волости обостряется, бедняки и батрак индивидуальных хозяйств идут вместе с середняками, а середняки кулаками..." Вот татшом, менам донъялом да партийной видзодлас серти, тиян текущей политической моментной. Тиян они вольсыт пасьянд дас гогор кулак группа суйом овмос. Партия пунктис мог: отик-кык воон быродны сиктыясы кулакьяс кызди контрреволюционной класс, и отшотш котырны отувья овмосья воддза ошыбкастог. Тайо уджас босытчыны нюжмасытог, пырысь-пыр. Гогриг-кодзиг жежло нин Изъядораны колотырны сэтшом отувья овмос гогор партизаньяс да бедняцкой семьясысь. Веськодлысьяснас пункты коммунистьясос. И оз позы сэтчо лэдзы ни оти кулакос, ни подкулачникос. И отсавны сийо отувья овмосыслы енмодчыны кулакьяслысь муяссо да мый колоталон овмосысь рабочей скот да инвентарь дон босытог сетомон. Вот тадз. Понятно ме висьталэ партиялысь талунья могьяссо да тиян ошыбкаяс йылысь? Колотко эмось юаломьяс?

Коммунистьяс чов-лонь пукалыштисны, эз на удитны став висьталомс помодз вежортны ли, вежорттомон петкодчыны полисны ли. Сэсыя шыодчис жо исполкомын юралысь, критикайс обкомса ыджыд начальниклон, буракот, сылыджык веськалис да.

— Понятносьыд эсько понятно быттьо да. Вот сомын коммунаясот крестьянинос мырдон кыском йылысь ко быттьо сёрнитны, сийо абу дзик сидз. Газетад сийо лека гижомась. Вот Пашнин вокьяс йылысь. Ми собранно вылын видалим и косийм колыны найос Переволокас, мед гортас кык вок чукор котыртасны коммуна. Но Митрей Педотыс ачыс доддо моссот солтодома да локто-дзигто. Некод вед сийос эз кор, ни эз тшоткы. Сэсыя бара жо Вежа-Вожысь Мишарин Григорий Никитович. Ми заявленно примитим и косийм колыны гортас, мед организуйтчасны. А найо мый вочоны? Асьныс локтомаось Нямод сикто семьянас и скотнас. Кыдз но ми найос, та серти ко позы шуны мырдон коммунао пыртот? Тайо бара кулакьяслон коммуналы паныд удж. Найо и велодисны, колотко, бурджыка ко тодмалны, да найо асьныс на и "Центральные известияд" гижисны. Сэсыя, дерт, волины шыодчомьяс сэтшом йозлон, кодьяс выло партия да активлон надеяйс эз вол, мый вермасны найо бузитны. И збылысь коммуна организуйтчом борын ена бузитисны. Она коммуна организуйтигон сэтшомьястот коммунао мати берего оз кол сиддны. Дерт, тод вылын тайос они сэсыя кутам нин кутны. Велодисны кулакьяс.

— Меным кажитчо, исполкомон веськодлысь Иван Тимофеевич бура гогорвоома партиялысь талунья визьсо, — ошкыштит Кысов Тима Ваньос. — Колот, мед изъядорса быд коммунист сидз жо гогорвоис.

Мод сёрнитантор кузяйс партиячейка шуис:

Первой: Чорыда нуодны ВКП(б)-лысь дас витот съезд вылын вынсьодом сиктын контрреволюционной кулакьясот быродан политической визь. Февраль толысын кулачитны эмбурсот конфискуйттомон Изъядорысь Шомесов Педот Филипповичос да Уляшев Иван Митропановичос, Керосысь Игутов Иван Трипановичос. Исполкомлы колот видлавны, кодьясот кулачитны март да апрель толысьясын.

Мод: Изъядорын котырны "Красной партизан" нима сельхозкоммуна. Коммунаон веськодлысьон пункты партияса шлен Уляшев Василий Егоровичос, потребобществоын юралысьысь мездыны да. Сылы отсасысьон да сийос вежысьон индыны партияса шленот кандидат Игушев Константин Егоровичос. Примитома отсогласон.

Тадзикон Егор Косьта партиячейка собранно вылысь гортас бара локтит партияса шленот кандидатон, да содгод ещот и котыртот на коммунаон веськодлысьос вежысьон.

Ёгор Косьта шемөсмис. Казяліс: усьом гөрđ партизанъяслон дөва чукорысь кодсюрө сійөс кедзөвтöны! Сиктсöветын юрالیгас на сійö сы мында зліс да старайтчис на ради, да и öнi коммунаас пырис, позьö шуны, мед накöд öтлаын лоны да налы, мый вермас, отсавны, а найö, вöлөмкö, лöгалöны сы вылö!

Коммунаөн юралыськöд, Ёгор Васькöд, найö шуисны Изьва йывса Пиля Педот видз вылö ыстыны вит мортöс. Куим-нель лунөн найö, поводдяыс кö оз торксы, эштöдасны. Пиля Педотлөн сэнi лöсьыд лэбув вöчöма да кык-куим войтö вонйын узыласны. Біджыд пыддиыс шуисны ыстыны Степан Öгрöс, гөрđ армееч да партизан Öльöш Иван дөваöс...

...А Пиля Педотлы сэки висьталöмаöсь сійöс кулачитны шуом йылысь да мöд лунас ачыс локтöма сиктсöветö да гижöма шыöдчöм став эмбурсö да видз-мусö ас вöлясыс сиктсöветлы сетöм йылысь. Самораскулачивание вöчöма. Босьтöй пö ставсö, мый тйанлы колö, миян пö пиян быдмисны да торйöдчалісны, ас овмöснас нин олöны. А миянлы пö, кык пöрысьлы, уна-ö колö. Кольыштанныд кö пö аслыным пывсян да гортгөгöрсä градторсö, и тырмас пö миянлы. Сиктсöвет Пиля Педот корöм серти и вöчис да лавкасö вузаліс потребобществолы, видз-мусö сетіс выльöн котыртöм коммуналы, а керкасö коліс аслыс школа улö да Пиля Педот гозьяös жö и тшöктіс ичöтик донысь ломтыны, чышыны-мыськыны да видзны. Мудер на тай вöлöма Пиля Педотыд. Сідз найö гозья и кольччисны коть и пывсянас, но чужан сиктас. А вот Изьядорысь жö Ош Митрöпанös да Спира Васьös, и Керöсысь Трипан Иванös кулачитісны да чужан сиктсыныс вöтлісны...

...Ёгор Косьта Степан Öгрöлы висьтавны локтіс асывнас водз на, но челядьыс — дас арöса нывка Аннаыс да сыысь муртса дзояджык Семöыс котралісны ывлаас нин горт дорас. Степан Öгрö пачводзсяныыс видзöдліс пырысь Ёгор Косьта вылö, водздöранас косöдіс кияссö. Ёгор Кöстa пуксис порогувса лабичас веськыд гырдазанас пызанас мыджсьöмөн.

— Аски, Агрепина свет Степановна, колмас ветлыны войколөн лун-мöд кежлö Изьва йылö Пиля Педот видз вылö пуктысьны, — гажаамоз висьталіс ассыс пыралан могсö Косьта.

Степан Öгрö весиг чушъяссö нюжöдліс да видзöдліс Косьта вылö быттö эскытöма.

— Ба-атушки, свет Степановнаөн нін менам лосьöма Ёгор Косьталы... Челядьös нö кытчö вошта войколнад мунны?

— Пиля Педот керкаын челядьös видзан керка лöсьöдім да сэнi видзасны лун-мöдтö... Пöчöяс видзöдасны на бöрся, и вердасны, и юкталасны.

— А кодъяскöд нö ветлынысö, сідзкö?

— Опонь Митрей Вась да Галинаыс — чоя-вока, Опонь Васьяслөн Öнисьыс да Татьянаыс — кык чой, да сэсся тэ. Витөн. Öти вөл босьтöй вуж доддьөн коса-куранъястö да сёян-юантö нуны.

— Мый нö сэсся менö том йöзыскöд?

— Тэ ыджыднас накöд лоан.

— Мужикös колö коть öтикös сэтчö... Войколъяснад...

— Опонь Митрей Васьыс нö.

— Кутшöм нö сійö мужик... детинка на.

— Кызь арöснад сэсся кутшöм нін детинка? И лэчтасьö — косаясыд бабаяслөн швичкöны, и черөн бура вöдитчö, и зорöдыстö чöлтö — шыльöдöм аканьяс кодсь.

— Том ныльяслы колöкö эськö и жöник нін да, но миян коддьöмды сiя абу на мужик... Прамöй мужикыдлы этша на куш черөн вöдитчыны кужöмыд... Вот тэ... ачыд Вась пыддиыс... Ветлам. Гажаджык миянлы ловö... Тэ вот верман быдторсö... Миян коддьöмтö куст улын ли, зорöд бокын ли топöдлыны-личкылыны и, — веськыда видзöдіс Косьта вылö да нюмъяліс мудера, ышöдана.

— Тэ, Ёгрё, эн дур, ме збыльсы, — кыпөдчис лабич вывсыс Ёгор Косьта.

— Мый нө ползин?... Коть душ-мөдысьтө и личкалыштан, ог жө вед кушөдз лысты, и Митрей Вась Лизалы на коляс да тырмас, көнкө...

— Яндысьтөм баба тэ, Ёгрё. Кылнад изан.

Степан Ёгрё чужөм вылысь нюмсө өти здукөн өвтыштисны: вом дорьясыс тоपालисны, видзөдласыс чорзис — ё-она, буракө, скөрмис.

— Я-андысьтөм? Меным мыйысь кө колө на ещө яндысьны? Митрей Вась Лизатө быд вой, көнкө, колькъялан да сылы абу яндзим, а меным, кызы өти арөса бабалысь, коньөрөйлысь, мужикөс виисны да, кымын во нін мужик дуксө эг кыллы, ни көрсө эг видлы да, сэсся меным и думыштынсө сы йылысь яндысьны колө!? Абу ме кукань, ни мөс. Мөскөс вед өтчөд тырсьөдласны вонад да дөвөл. А ме баба, и эг на удит дзикөдз пöрысьмыны. Меным, колөкө, бабаыдлы, быд лун жө колө... Абу вед ме пуысь, ли көртгысь... Сөмын тай топөдлысь-ястө миянлысь, мусаясөс, виалисны.. А тэ вот со ловъя колин... Колөкө миянлы вылө жө тшөтш и колисны тэнө өтнадтө... А тэ бовъялан тан — ыджыдалан миян вылын, да ещө и янөдны лысьтан...

— Ме вед абу жө өш став дөваяссө тырсьөдны.

Степан Ёгрё швырк бергөдчис пачланьыс, кватитис укват.

— Весась тась!.. Мустөм чужөм! Укватала!.. — ырыштчис этшсыс петөм Степан Ёгрё Косьта вылө.

— Йөймөмыд кө тэ-а, — мөдысь тшөктөм виччысьтөг Ёгор Косьта өдйө петис да крапкис өдзөссө.

Степан Ёгрё лөг кывъяснас быттьө лэчыд гыжъясөн Ёгор Косьталысь сьөлөмсө гирснитис. Колө вөлі серам сора дурөмө Ёгрөлысь кывъяссө вуджөдны, а Косьта эз сяммы, видзчысьтөг сьөлөм дойсө Ёгрөлысь вөрзьөдис. Но... Лөгыс, лөгыс мыйтөм Степан Ёгрөлөн сы вылө чепөсйис! И мыйысь! — Косьта, видзөдтө, ловйөн колис! Ольш Иван Ёгрөлөн усис, а Ёгор Косьта со век на таладор югыдын мусө аслас кокъясөн таялө! Збыльсы, он көсйы да Ентө тан казытыштан, матьөктан ли. Мыжа мөй Косьта, мый сйө сэки ловйөн колис. Кодкө тай видзис сйөс... Марпа ли... Енмыс нін, гашкө, сйөс, эскытөмс да... Тебениматереаныс ставныс... Коммунанас и ставнас. Ачыс, петас да, өтнас. Лизакөд да челядыскөд кутасны овны. Некодлысь оз водзөсасы, и некодлы абу уджйөза... Тадзикө нин... И некодөс оз ков корны-тшөктыны уджавны.

Пуис-скөрәліс Ёгор Косьта: Елизавета Павловнаысь өтдор на сйөс кедзовтысыс, сы вылө лөг кутысыс чужөмаөсь Изъядорын. И тайө мөвпыс сьөкыд изйөн личкис Косьталысь сьөлөмсө, дзикөдз торкис коммуна ловзьөдан русө. Но коммуна керка дорас вотөдз на сувтыштлис лөньөдчыны. Дзонь кыз чигарка тшынөн пөляліс чатөртөмөн енжас ассыс сьөкыд русө.

Абу дзикөдз вермөма Ёгор Косьта лөньөдны пузьөм-шызылөмсө — Ёгор Вась пыр на и казяліс.

— Мый нө? Степан Ёгрө мыйкө? — юәліс сйө Косьталысь.

— А-а, кутшөмкө лөк гут сйөс курччөма. Кодөскө мөдөс колө сэтчө том йөзкөд ыстылыны. Отнаннысө ли, — дженьыда вочавидзис Косьта.

— Мед, сідзкө, нельөн ветласны дай, — сөгласитчис коммунаөн веськөдлысь. — Лэчтасысь да зород чөвтысь эм. Отик-кык лунөн дырджык лө — немтор.

Но өбөдөдз на Ёгор Косьтаөс корсис Опонь Митрей Вась.

— Степан Ёгрө миянө пыраліс, тшөктис тэныд висьталны: аски асыл сйө миянкөд ветлас жө Пиля Педот видз вылад, — юөртис сйө Косьталы.

Ачыс Степан Ёгрө арөдзыс сідз сэсся эз и матыстчыв Ёгор Косьта дорө. Эз, көнкө, көсйы укватөн ыршасьөмсө казытывны.

Гожом помланыс бөр петкөдчис Изъядорыс төдлөтөг вошлом Зильган Петыр Вась. Вит во конікө ветлөдліс. Абу жө зсыкө, буракө, дзик зимогоритөма да. Кывсыліс весиг, Мыдінын ли мый ли пө. Но төлкөн некод эз төд, кон да мый вөчис. Ёнасө некод жө эз интересуйтчив дай: абу — и абу.

Кыз төдтөг мунаіс Зильган, сідз төдтөг жө и локтіс висысь ай-мам дорас. Подөн, мыш саяс дзоляник ноп мешөкөн. И, збыльсь, ньоти абу зимогоритан паськөма: бур сапөгьяса, галифе гача да весиг кучик тужуркаа, да ещө и гөрд звездаа армееч картуза. Сідз, куш нопсө гортас шыбитіс да, и пырис сиктөветө. Тайө эз нин вөв изъядорса том зон Зильган Петыр Вась, а дзик гөрд комиссар да и толькө! И видзаасис сиктөветын пукалысьяскөд зэв жө тшапа: веськыда элөдөм чуньяса ки лапасө картуз кзыр дорас шыбитлөмөн — велалөма нин, буракө, морй!

— Здрате! — чуйөмпырысь сы вылө видзөдысьясөс ставнысө өтшөтш чолөмаліс Зильган Петыр Вась да вөлисти матыстчыліс киасьөмөн видзаасыны Тима Вань да Митрей Опонь дорө, и медбөрын нин Елизавета Павловна дорө. Сыкөд киасис жө, перйис тужурка пытшкөс морөс зепсьыс бумага да мыччис: — Со, Елизавета Павловна, гортланьө сэсся ытисны.

Елизавета Павловна веськөдіс кусынтьөм бумагасө да лыддис: "Направляется член ВКП(б) Шомысов Василий Петрович в Изъядорскую партиячейку на постановку учета. Тов. Шомысов В. П. в борьбе с контрреволюцией проявил себя дисциплинированным и стойким большевиком. Общественно активен. Секретарь Устькуломского укома ВКП(б) Турнин."

Елизавета Павловна лыддис бумагасө да выльысь радлан синьясөн видзөдліс "дисциплинированной да стойкой большевик" вылө.

— Зэв бур, мый бөр гортад локтін. Тані миян сэ-этшөма колөны стойкой большевикьясыд! Аски жө ме и чукөртла партиячейка, да тэнө партиячейкаса секретарнас и бөрьям.

— Мыйла менө? Ачыд нө?

— Мыйла? Со тай гижөма, мый тэ дисциплинированной да стойкой большевик, велөдчөмыд да төдан, кызди сиктын контрреволюцияыкөд тышкасьны... Коні нө вөлін?

— Мыдінын ОГПУса оперативной работниковөн.

— Со, и миян өні буретш сиктса контрреволюциялы паныд удж колө нүөдны. Коді тзысь бурджыкасө кужас? Ме и муззи нин, дай көкьямыс во секретарала. Сэсся, веськыда кө шуны, өні секретарнад мужик жө колө. Мужикыд век нин баба дорсыд и ёнджык, и чорыдджык.

— Сідзтө зсыкө ме абу ёна прөтив да. Кызди мукөдыясы шуасны.

— Кызди шуасны? Ме моз жө и шуасны. Сідз вед? — чөв пукалысь мужикьяс вылө видзөдліс Елизавета Павловна.

— Сідз на, дерт, — довкйөдліс юрнас Тима Вань. — Вась бокин велөдчөма да өні миян дорысь ёна унджык төдө да кужө.

— Сідз, конкө, — эз дзик падыявтөг, но Митрей Опонь сөгласитчис жө накөд.

Мөд лунас збыльсь и чукөртис изъядорса коммунистьясөс Елизавета Павловна, да өтсөгласөн Зильган Петыр Васьөс бөрийсны асланыс секретарөн.

Коммунистьяс разөдчөм бөрын нин Елизавета Павловна висьталіс, кызди да мый олісны-вылісны Изъядорын, кодьясөс кулачитісны, кодьяс на колісны кулак чукөрысь. Торйөн сувталіс Ёгор Көсьта йылысь. Висьталіс, кызди сійөс бөр примитісны партияө. И дзик нин гусьөнмоз бөрья помас содтіс:

— Но... Но... Бөрья кадас гөрд партизаньяс костын лөк сөрни ветлө сы йылысь. Абу быттьө лөсыд кыв новлөддыны... Но ме ог кыв новлөдлөм ради, а өні тэныд кыз партиячейкаса секретарлы нин вись-

тала. Епим Опонь Вась нывъяс, Онисъяс да Татьяныс, Ёгор Косьтаос адзылёмаось еджыд офицеркөд вина юигөн. Оти пызан сайын пö вöлины кыкөн... Опонь Митрейясос виан лунö, рытнас пö. Бать йывсъяс юавны пыравлёмаось да... Гашкö, сийөн сийö öтнас и ловъя коммунистъяс пиысь?..

— Ми тай тэкöд ловъяось жö...

— Ловъяось. Но менö эз на тöдны еджыдъясыд, мый ме коммунист жö, а тэнö Архангельск губернияö тюрьмаö туркнитисны...

— Да. И сэтчö нуигөн на менö куимысь йи вылö лэччöдлисны лыйлыны... Сволочьяс... М-да... Эм мый йылысь мөвпыштлыны. Чайтан, вермас лоны, мый Ёгор Косьта вöли еджыдъяслөн гуся шпионөн? Гөрд партизан ним саяс прöстö дзебсясиз?

— Ме сийö ог шу... Мися тай, Ёгор Косьта йылысь сэтшöм сёрни выим. А сийö вед öни бара коммунист, кöть и шленö кандидат на.

— Да... да... Елизавета Павловна... Та йылысь колмас думыштлыны. Гашкö, унатор на сэксясö колмас казътыштлыны, мед гөгөрвоана лоас. Но ничего, разберитчам... Ёгор Косьтакöд вермам на разберитчыны, не татшöмъяс паныдасьлисны, — Зильган чеччис да тшолкъялыштис джодж кузьяс.

Зильган Петыр Вась эз жö радейт Ёгор Косьтаос. Лыддис, мый кызбöд воын на Ёгор Косьта сылысь туйсö вожмалис. Не сийö кö эськö, сэки нин Васьос сиктсöветын юралысьөн бөрйисны да, колöкö, талун эськö сийö уездын нин вöли... Но ничего, Зильган Петыр Вась разберитчас ськөд...

Кык лун мысти партячейкаса выль секретарь, босьтис сёрсыыс сийос секретарөн бөрйöм йылысь сёрни гижöдсö, да ветлис уездö. Та пöрийö верзьöмөн. Вежонысь дырджык ветлис. А бөр локтис нöшта на тшаджык: веськыд бокас кобураын наган нин öшалис, а гимнастёрка воротникас петлицаяс вурьштöмаось. А петлицаясас куим пельöса шыльыд көртторьяс крепитöмаось — уездын Васьлы сетöмаось старшöй милиционерлысь чин.

...

Изъядорса коммунистъяс да вöвлöм гөрд партизанъяс "Гөрд партизан" нима коммунасö вежөрöнджык нин котыртисны: öтувтисны сöмын видзяссö-муяссö, вöвъяссö-мөсьяссö да мукöд скöтина, уджалан көлуйсö, но мужик-бабаясöс да челядьнысö Нямöдын моз öтгудырö эз гудыртны. Быд мужик, вöли кö, дерт, сийö, а эз Сöвет власьт вöсна ловсö сет, аслас бабакöд да челядькöд олисны асланыс керкаын. А вот муяс гөрисны-көдзисны, да воём урожайсö вундисны-вартисны öтувъя вынөн. И видзяс пуктисны сидз жö. Унджык коммунарыслы кажитчис татшöм уджыд: ёна гажаджык. Дерт, эз быдөн öткодя уджав: кодкö зильджыка, кодкö сюсьджыка мукöд дорысь... Абу, дерт, öткодьöсь йöзыд: кодкö ёнджык, кодкö вежöраджык да сюсьджык, кодкö дышджык... Мый вöчан, сэтшöмөн йöзыд чужöны да. Сийөн на, гашкö, коммунаръяс и эз удитны кулакъяслысь налы сетöм мусö да видзсö ставсö гөрны-көдзны да турунсö зорöдъясöдз воодны. Пиля Педотлысь Дзоля шор сайысь пöшти куим десятина му во кежлö шойчыны колисны. И Чер ю пöлөн Спира Васьлөн видзясыс эндисны. Ытшкыныс джынсö эськö удитисны на, но куртнысö да чөвтнысö поवादьяс эз нин лэдз: еджыд гугъяс нин сэни пуктысысыясос суисны. Да ёнасö та вöсна коммунаръяс эз и майшасыны: кыпид лолөн уджалан гажыс сулалö сы доныс. Сэсся вед ассыныс öтувтöм видз-муяс вылас став уджсö ас кадö вöчисны, да содтöд ещö кулачитöмаяслысь унджыксö вермисны öдöлитны. Слабог, урожай чукöртисны, и эз лёкös.

Урожайсö юклигөн нин руыс кодсюрöлөн торксылис. Мый артмö коммунаад: шуам, Иван Матренлөн, Опонь Митрей дөвалөн, **куим верстьö** уджалысь, урожайыс воö **вит пай**; Вась Надьöлөн, Опонь Вась дөвалөн **нель верстьö** уджалысь, воис **квайт пай**; сийö жö Ёгор Косьталөн **кык верстьö** уджалысь, да Лизаыс ещö эз на и быд лун петав

коммуна удж вылад дзоля кагаяс вѳснаыс, а урожайыс налы воѳ **квайт пай** жѳ. Дерт, эськѳ сы ради бытѳѳ и коммунаас ѳтувтѳѳмыс — уна посни челядя семьяяслы кокнѳѳдыштны олѳмсѳ. Челядьыд вед быдмѳны, а верстьѳ уджалысь йѳзыд пѳрысьмѳны, да челядьыд водзѳсалѳм пайтѳ бергѳдасны коркѳ. Но сйѳ вед коркѳ на. Тайѳ абу на ставѳ бура думыштлѳма. Кѳтъ кодлы на, гашкѳ, абу зѳв окота код вылѳ кѳ уджавны. Но та йылысь ас костас сѳрнийѳн на и колис. А ѳнй тавояс, первой тулыс да гожѳм-арся ѳтувья уджсѳ шуисны пасйыны празникѳн. ѳтувья удж — и празникыс мед лоѳ ѳтувья жѳ. И мед став сиктыс аддзылас налысь ѳтувья гажсѳ, шуисны вѳчны сйѳс вичкодорса эжа вылын. Сѳтчѳ сувтѳѳдыны пызаньяс да лабичскамьяяс, сѳнй жѳ ыджыд пѳртьясын пуны чѳскыд яя шыд, чѳскыд рок. Пызан-лабичьяссѳ да тасьтй-паньяссѳ быд семья ассьыныс ваясны. Кодй вермѳ паньсѳ кутны да ачыс панясыны, сйѳѳ и вермас пукавны празник пызан сайын. Тадзи шуисны. Коммунистьяс вѳзйѳм серти сйѳѳ ѳтувья празниксѳ шуисны вѳчны Великѳй Октябрь революция лунѳ. Сѳтчѳдз видз-му уджьяс, куйѳд петкѳѳѳмысь ѳддор, эштасны нин. Сѳк кежлѳ жѳ шуисны шутны лагун-мѳд чѳскыд сур: празник кѳ — и мед лоас медся гажа да мича празникѳн. Чѳскыд сѳян-юанѳн, сьылѳмѳн да йѳктѳмѳн.

...

Великѳй Октябрь революциялы дас ѳтй во тыран лунѳ празникыс бѳрья воясѳ моз жѳ заводитчис сиктсѳвет керка дорын митингѳн. Тѳв йылас дѳлалисны керка пельѳсас да кильчѳ сюрьяас крепитѳм гѳрд плагьяс. Керка стенмас ѳшиньяс весьтас ѳшалѳс гѳрд дѳра вылѳ гырысь еджыд шыпасьясѳн гижѳм плакат: "Мед олас Великѳй Октябрьскѳй революциялѳн 11-ѳд годовщина!" Кильчѳ вылас сулалисны сиктсѳветын юралысь Тима Вань, партячейкаса секретарь Зильган Петыр Вась, "Гѳрд партизан" коммунаѳн веськѳдлысь Ёгор Вась да том велѳдысь, сиктса комсомолѳн веськѳдлысь Анатолий Федорович. Кильчѳ вылын сулалысьяслѳн ставныслѳн шуйга морѳс вылас мича ломалисны гѳрд бангьяс. Улиас геждѳ чукѳрѳн сулалисны морт комыне-лямын, кызыныс мужикьяс: коммунистьяс, комсомолечьяс, коммунарьяс. Куим-ѳ-нѳль ныв тыдалисны жѳ том зоньяс дорын — дерт, кѳнкѳ, тайѳ Анатолий Федоровичлѳн комсомолкаясыс. Найѳ кутисны кианыс гѳрд плагьяс жѳ да кык бедь йылын дѳра вылѳ гижѳм плакатьяс: "Мед олас большевикьяслѳн партия!" да "Мед олас комсомол!" И тайѳ плакатьясыс да гѳрд плагьясыс ѳна мичмѳдисны йѳз чукѳрсѳ. Митингсѳ восьтйс Тима Вань — сйѳѳ гора лыддис бумага вылѳ гижѳм кывьяс:

— Великѳй Октябрьскѳй социалистическѳй революциялы дас ѳтиѳд во тыран лунлы сйѳм митинг шуа вѳсьтѳмѳн. Кыв сетсьѳ партячейкаса секретарьлы... — и суйыштйс бумагасѳ зѳптас, видзѳдлйс Зильган Петыр Вась вылѳ да бумагатѳг нин содтйс. — Василий Петрович Шомысовлы.

Василий Петрович ѳна мыктаѳмѳн, но тшапа висьталѳс Октябрьскѳй революция да большевистскѳй партия йылысь. Но эз дыр. Регыд и веськыд кисѳ вылѳ лѳптылѳмѳн горѳдис:

— Мед олас Великѳй Октябрьскѳй социалистическѳй революция! Ур-ра-а!

Гѳрд плагьясѳн да плакатьясѳн сулалысь том войтыр чукѳрсянь вочавидзисны гора "ур-р-ра-а!"-ѳн жѳ.

— А ѳнй ставѳн ветламѳй Ыджыд ниа дорѳ, Сѳвет власьт вѳсна юр пуктысь гѳрд партизаньясѳс казьтылан пас дорѳ, — корис Зильган Вась.

И ачыс медводз лѳччис кильчѳ вывсьыс да мѳдѳдчис сиктсьыс петан туйлань. Сы бѳрся вѳтчисны и мукѳдыс. Сѳмын Анатолий Федорович сувтйс том войтыр дорѳ да топыд, гѳрд плагьясѳн да плакатьясѳн мичмѳдѳм чукѳрѳн мѳдѳдчисны сиктса веськѳдлысьяс бѳрся. Анатолий Федорович пыр жѳ и горѳдис сьывны:

Наш па-ро-во-оз вперёд лети-и,
В комму-уне остановка.
Иного не-ет у нас пути —
В руках у нас вин-тов-ка!..

Том гёлёсьясд горалисны кыпыда, мукдос чуксалана, да сидз сыылигтырйи и петисны сиктысь.

Но таво сылысьяскод отшотш ношта и вичко дор эжа вылын праздник жё дасьтисны: яра оэйысь кык бипур весьтын гирысь, кочан пуан съод портьяс ошалисны. Сэтчө жө пызанъяс да кузь скамьяс гортъяссыныс ваялисны да кузь визьон сувтөдалисны орччон. И челядьос босьтома жө кыпыд праздник руыс: окотапырысь котралисны-отсасисны мамысьяслы, гирысьджык чойясныслы. Вичко дор эжа ки вомлос кызта еджыд лым эшкынөн нин вөлі вевттьысьома, но регыд бипуръяс да пызан-скамьяс гөгөрыс таялисны-топөдисны да шыльыд еджыд джодж кодь лоис.

Тавося вель праздникыс Изъядорын вөвлытөм дивө кодь вөлі: коммунаръяс гирысь челядясныскөд тшөтш, медсясө катыдпомсаяс, пуксялисны вичко дор эжа вылө отлаө сувтөдалөм пызанъяс сайө. Кулакъяс, кодъясос эз на удитны вөтлыны чужан сиктсьыныс, да зажиточной лыдө суйөмаяс майшасяна видзөдисны ошинь пырыс бипуръяс да пызанъяс гөгөрыс жөдзысь кыпыд лола коммунаръяс вылө. Но унджык изъядорсаяс петалисны жө керкаяссыныс да видзөдисны праздничайтысьяс вылө на дорө матыстчывтөг. А шыд пуысьяс заводитисны гөститөдны нин: Иван Матрен кык ыджыд тазыысь юклис пызан сайысь матыстчылысьяслы яй торъяс, а Митрей Анна ыджыд дарйөн гумлалис пөсь шыдсө да тыртис налысь тасьтияссө. А Вась Надьө да Ёгор Огаш бипур дорын жө матын скамья вылын сулалысь лагунъяссысь кистьалисны сюра яндөваясө сур да мөдөдчисны пызанъяс пөлоньыс да отар-мөдарсяныс гирысьяслы кружкаясө, чашкаясө, стөканъясө кистьалисны кода сур.

Сурсө ставыслы кистьалөм бөрын сувтис пызан помас гөстьяскод орччон пукалысь Ёгор Вась чолөмалан кыв шуны.

— Коммунар ёртъяс! Первой во ми уджалім отувъя вынөн. Эгө лёка уджалөй. Дышөдчытөг уджалім. Ставным. Первойысь жө тадз вот и праздник вылө чукөртчим. Миян пызан вылын мавтөм пирөг-шаньгаяс, пөсь яя шыд, тонө ыджыд пөрт тыр чөскыд, вия проса рок миянөс виччысьө. И чөскыд сур танө. Мед и водзө миян тадз лоө. Сөйөй, юөй, гажөдчөй, — и ачыс тэрмасьтөг куштис сур кружкасө, шуйга кинас чышкыштис усьяссө отар-мөдар бан боксяныс, и пуксис. Отлаө йитлөм пызанъяс сайын сувтлис чөв-лөнъ. Вель праздник праздуитысьяс кушталисны сур тыра кружка-чашкаяснысө, панялыштисны-ырскисны пөсь шыд, да бөр на пукталисны паньяснысө пызан вылас. Пызан саяс эз на чуж варовлуныс, коть пукалысьяслөн вирын визьялыштны нин кутис сурыслөн ышөдан выныс. Содтөд на кольштө, мед паськөдны пельпомтө и морөстө да кокниа, кыпыда лолыштны. И дыр виччысьны Вась Надьөос да Ёгор Огашөс эз ковмы — найө выльысь кистьалисны пукалысьяслы лов шонтысь да ру кыпөдысьторсө.

Кыв шуны сэсся сувтис гөстьяс пиысь том велөдысь Анатолий Федорович.

— Дона ёртъяс коммунаръяс! Талун абу вичко праздник, а уджалысь йөзлөн ыджыд Октябрь праздник. Вель кыпыд праздник. И ме тиянлы веськыда, гора шуа: биа пөсь чолөм тиянлы, ёртъяс! Ти социализм туй кузя водзын мунысьяс, пионеръяс. Вель ног олөм тэчысьяс! И ме көсья чолөмавны тиянөс кывбуръясөн.

Анатолий Федорович зепсьыс перйис тетрадь, восьтис сийөс, да шуйга кинас ас водзас тетрадьсө кутөмөн да сэтчө видзөдавлөмөн, а веськыд кинас өвтчөмөн кутис лыддыны тэрмасьтөг, гораа, тшапа гөлөсьяссө велжалөмөн.

— "Вель ногөн праздуитам". Тадзи шусьө менам кывбурыс.

Рөштво да ыджыд лун важ пөра праздуитім —
Попъяслысь тыртылывлім зеп.

Вина-сур бучкывлім, чой-вокос кучкывлім —

Пемыдось вoлiм ми сэк.

Онi рoштво лунo вoрьсь гортьясo ог муно.

Вичко праздник мянoс оз падмoд,

Уджалам — абу грек.

А талун мянн праздник —

Дас oти Гoрд Октябрлы лет!

— Вот. Кырымасьoма улас Педь Толь. Тайo ме ачым. Ур-ра Гoрд Октябрлы! Юыштамoй.

Анатолий Федорович кыпoдліс ассыс сур. тыра чашкасo, юис да бoр пуктiс сийoс пызан вылас.

— А Октябрьскoй революциялoн вoждьыс мянн Ленин. Сылы и сии ме мoд кывбурсo. Шусьo: "Казьтылам пыр. Ленин ёртoс казьтылiг кежлo". Кывзoй.

Ленин ёрт!

Тэнад ним мянны дoна.

Ми тoдiм! Тэ уджалысь йoз пoнда

Нэм чoжыд мырсьылім ёна

Да индiн туй.

Мед кызкo вaж oлoмысь петны,

Мед эськo эз жo дзикoдз вий

Миянoс лeк буржуй.

Ми казьтылам тэнo:

Тэ чoрыда пырин

Быд уджалысь юр вемo.

Кoть тэ и бырин,

Ми тэнсьыд удж

Нуам на ылo... Вoдзo.

Оз вунлы нем,

Мый мянн вoдзын

Зэв ыджыд удж на эм.

Мый тшoктiн — вoчам,

Ми oлoм выль ног тэчам!

— Вай бара "ура" гoрoдамoй, — корис Анатолий Федорович, да ачыс медгoра и гoрoдiс: — Ур-р-р-ра-а!!!

Та пoрийo пызан сайын пукалысь выль ног oлoм тэчысьяс oкoта-пырысь нин oтсалiсны кывбурьяс гижысь да лыддьысь том велoдысь-лы "урасo" гoрoдны. И сёрниыс пызан сайын вoчасoн кутiс гoраммыны. Да и Вась Надьo да Ёгор Oгаш лoсьыда жo пукалысьясoс гoститo-дiсны дай, эз манитчыны, ни эз жалитны сурсo. И Анатолий Федoрoвичлoн руыс вoдзo кыптiс: том велoдысь пepвoйысь лыддiс ассыс кывбурьяссo уна йoзлы, и найo кывзiсны, и чужoмьяс сepтиныс вoлi тыдалo — сьoлoм выланыс вoис налы сьoн кывбурьясыс! И тайo ызьoдiс том пoэтoс: сийo вoсьтiс eщo oтик лист бoк да кутiс лыддьыны выль кывбур, пpамoя нин гoраммoм сёрни зыксo аслас гoлoсoн вeнны зильмoн.

— Eщo oти кывбур, ёртьяс! "Ас вынoн врагьясoс пoдтам."

Кoн кылo шум,

Кoн кылo кам,

Дерт, быдсoн, кoнкo, тайoс тoдo

Кутшoм шы ми кылам тан!

Кор артмo фабрик — зым!

Кор эштo завод — грым!

Быд кирпич, быд кoрт тор,

Быд татшoм гoр

Капиталлысь чинтo вын —

Миянысь сийo бурoн оз мын.

Кор сиктын кoлхоз лoб,

Кор быд пельoсo газет-нига вoё,

Кор том мoрт, пoрьсь, ныв и баба —

Кор велoдчaсны ставoн найo,

Сэк: поп, кулак —

Быд пoлoс мянн враг

Зэв oдйo пoдo.

И сэки ми нем вoвтoм oдoн

Тыpтамo вит вoся план...

Но празднуйтысьясёс, буракё, сэсся этша нин кутіс интересуйтны, кызди "шум-кам" да "зым-грым" фабрик-заводьяс кыпөдчисны. Налён асланыс вөлі мый висьтавны, и быдён вед кёйсис висьтавныджык кывзём дорысь... И Педь Толь суйыштіс тетрадьсё зептас да пуксис пызан саяс. Чашкаас сылы кисьтлөмаоьс нин, да сьёлөмяньыс веськөдіс горшсё, панялыштіс көдзалөм шыдсё. А пусьысьяс проса роксё нин, коді воліс тасьтён, сеталісны. Но том велөдысьлөн вирыс ворсіс, эз нин сідз прөстё пукавсьы пызан саяс. Мөдарладорас пөшти шөрас пукаліс гудөкасьыс Клим Микита, но гудөксё эз на восьтыв. Сы дорё и муніс Анатолий Федорович.

— Мый нө гудөктө он восьтыв, Микита? Вай няжнитлы шондібанөйтө, мед бабаяс чечыштласны. А ме налы частушкаяс сыла.

— Эг на тай-а, сөйёны-юёны да. Час, сідзкө...

Микита скамья вылас орчён сулалыс гудөксё босьтис пидзөс вылас, көвъяліс веськыд пельпом саяс и кузя да гора няжнитис: ии-э-эк! да кутіс басьяснас няжйөдлыны, сяркөдны кизьяснас шондібанөйтө! А Педь Толь бара перйис асьыс тетрадьсё, восьтис колана лист бок, видзөдліс, өвтыштис кинас да горөдіс сьывны, кыпыда, Ышөдана зымнитис гын сапөга кокнас лым джоджас.

— И-ээк! Отка олөм, важ ног олөм
Важөн шыбитны нин кад.
Отув олөм миян сьёлөм
Важөн лөсьөдны зэв рад.

Бабаяс гудөкыслыс няжнитөмсө вөлөм и виччысьёны — пөшти өтшөтш чечышталісны-петалісны пызан сайсьыс йөктыны, и первой зымнитөмяньыс жө и горөдіс кодкө сьывны том велөдысьлөн частушка помасьём бөрын.

Гудөкась, гудөкась,
Гудөкась гораджыка,
Мед жө миян праздникьясным
Колясны гажаджыка. Ик-ук! Ик-ук!

Изъядорса аняяс, олөмаяс и томъяс, мичаа лайкьялісны, кияснаны, пельпомьяснаныс — коді кызди кужис, ворсөдчисны, кодсюрө став тушанас улөдз копыртчылөмөн да тшапа бөр гоньгөдчылөмөн. И сьылісны. Став сьёлөмяньыс, кыпыда, гажаа. Отик кодикө босьтас первойя кывьяссө, и сразу сы бөрся горөдасны сьывны йөктысьяс ставныс.

Лөсьыда, лөсьыда, лөсьыда гудөкасьө.
Толькө сійө абу лөсьыд — уна нывкөд гуляйтө.

Ии-ик-ук! Ии-ик!

А том велөдысь мудера лөсьөдчис: сөмын йөктысьяс помалөны частушкасө да ик-укайтөмсө, сійө асьыс частушкасө горөдө:

Сиктын миянлөн том войтыр
Уджалө зэв бура.
Сөмын кулак Яков Петыр
Сералө зэв гора.

Изъядорса аняяс: Мамө, узь, мамө, узь,
Ме тэнө шебрөдышта.
Ошинь улын гудөк кылө,
Ме пета да йөктышта. Ик-ук! Ик-ук!

Педь Толь: Отув овны вывті лөсьыд,
Майбыр, верман быдся сьёкыд.
Машина кө колө — воас.
Отувйөннад быдтор лоас.

Ик-ук! Ик-ук! Милөйөй, тэ, кузь тушаөй,
Сөмын корось чегьявны.
Кымын во нин кольбөдчам да,
Окасьны эн велавлы. Ик-ук! Ик-ук!

Регыд, регыд кулак овмөс
Татысь дзикөдз бырө.
Сиктын миян йөзид збоймө —
Коммунаө пырө.

Том велөдысьлы частушкаяссө помавны йөктысь-сьылысьяс ик-укайтөмөн жө отсалісны да асьыныс вьлөс горөдлісны...

Ок, улөсөй, виж улөсөй.
Пуксыла ме тэ вылө.
Ок, милөйөй, бесстыжөйөй,
Надейтча ме тэ вылө.
Ик-ук! Ик-ук!

Педь Толь эз на вермы синсыны частушкаястө сьылөмөн изьядорса аняьскөд: та мында вөлі сьлөн и гижөма. Сійө бара суюыштіс тетрадьсө да кокнас зымйөдлігтырйи да кинас гудөк шы улө өвтчиг-ворсөдчигмоз муніс аслас местаө. А изьядорса аняьс вед тайө сьылантө коть аски асылөдзис сьыласны, сьлөн помьс абу.

И-ик-ук! Ик-ук! Ыштыси да ыштыси,
Да полать вылө лыбөдчи.
Ме чайті кө милөйөй,
А, вөлөмакө, пызь мешөк!
Ии-ик-ук! ик-ук!

Гудөклөн гора, мыла, ышөдана горыс кьдзи визув төв бипур пөльтіс өтувья гажсө. Ёгор Көсьта важөн жө нин кокнас зымөдчыштис гудөк да сьылөм шы улас, нимкодясис и том велөдысьөн — кужө тай, морөй, кывьястө бөрийны да тэчны, со кутшөм сьөлөм изйөдана сьлөн артмө, и изьядорса бабаясөн. Ок и, зі-ильө-өсь жө сьывны да йөктынытө изьядорса бабаяс! И сьөлөм вылас Ёгор Көсьталөн вөлі кыпыд: эз прөста ло партизан отрадса ёртьяслөн ловсө сетөмыс. И сьлөн сьөлөм доймалөмьясыс эз жө прөстө лоны. Татшөм олөм йылысь, буракө, коркө и висьтавліс Роза Люсенбур, и ачыс думайталіс. Виль ногөн олөм йылысь: өтувья гажа удж, өтувья кыпыд гаж. Вот кьдзи талун. И Ёгор Көсьта сувтіс жө, зымнитіс шуйга кокнас, веськьднас, сесся кькнаннас зымгиг да кьяснас гудөк шы улө өвтчигтырйи сетчис бабаяс чукөрө. Сэні некымын мужик сы моз педзисны жө нин. Эк-ма, Кузьма! Вор-йыс потөма... Кыз Маланьлөн... потөма!..

Эз, эз на, көнкө, куш сурыс Көсьтаөс чеччөд скамья вьвсьыд. Öтувья кыпыд гажөдчан руыс сійөс гартыштіс бабаяс чукөрө...

Э-э-эк, он вед төд, другө, кор, көні да кьтчө крукасян. Шуласны, эськө идзас вольсыштін. Кыпыд сьөлөма Ёгор Көсьта крукасис сэтшөм жө кыпыд сьөлөмаяскөд йөктігөн... Бара Степан Öгрөө крукасис...

Öгрө, көрөм коска дженьыдник шоньд жакета, мича турунвиж көрөм сарапана, небыда лайкьяліс буретш Ёгор Көсьта водзын. Бекьяссө мичаа вежньөдлөмысь сьлөн сарапаныс дэльөдчана плавьяліс Көсьта син водзын. "А-а, кужө вед, трасичаьд, мичаа вежнясьнытө... Мужикьяслөн дульыд петас", — меліа аслыс думыштіс Öгрө йылысь Көсьта, матыстчис бердөдзис да небыдика шлопкис ки пыдөснас лайкьялысь небыд местаас ещө ёнджыка ышөдөм ради.

— Э-эк, Аграпена, давай, ещө гажаджыка!

Степан Öгрө бергөдчис: сы водзын кьк кок йылас чеччыштавөмөн да пельпом весьтөдзис лэптөм кьясөн чуньяснас ворсөдчис... йөктіс жө... и нюмьяліс Ёгор Көсьта.

— Но-о, тэ-э... Киьдлы вөлятө эн сет... Мед кузьось кө... Пиньястө тан жерйөдлан... А миян верөсьяс көнөсь?! Тэ найөс вузалін!.. Предатель! — лөкысь горзіс кодзөм Степан Öгрө. Синьясыс өзйисны лөгөн. И дзик нин виччысьтөг мый вынсьыс кькнан кинас тойыштіс Ёгор Көсьтаөс морөсас. Сійө воськов кьк бөрөн кутчысис на кок йылас, но крукасис кодкө кокө да гатшөн шняпкысис-нюжаліс кьн му вылас.

Көсьтаөс сійөс морөсас тойыштөмыс шемөсмөдіс, но кор кок йывсьыс турбыльгчис, гуысь вөтлөм ош моз друг ярмис. Сійөс, мужикөс, кыйсьысьөс, баба йөз син водзын кок йывсьыс уськөдіс лөкысь! Да ещө лысьтө горзыны, сійөс мыжавны! И Көсьта звирк чеччыштіс да уськөдчис Öгрө вылө, чорьд кабырьяснас кватитіс сійөс жакет морөсөдыс да скөрысь лют-лет тракнитіс.

— Тэ, стерва, код вылө китө лэптан? Гөрд партизан вылө!.. И лысьтан суклясьны!.. Да ме тэнө таысь...

— Караул!.. Отсалөй!.. Дорйөй! Ёгор Көсьта менө виас!.. — кутіс чарзыны Степан Öгрө.

— Ме час тэныд отсала да велёда чөвтчыны киясьомысь да суклясьомысь... — пинь пырыс сөдзөдіс Ёгор Косьта.

Но на дорё чепөйсйсны дорйысьсыяс. Ёгор Косьтаос кодкө боксяныс кулакөн бан бокас чорыда швачкис, да сылы ковмис лэдзчысьны Степан Огрөысь, чышкыштіс кинас вом дорьяссө — кийс гырдоьс. Дзикөдз звермөм Ёгор Косьта видзөдіс, коді вартіс — сулаліс усьөм гөрд партизан Опонь Митрейлөн мөд пиыс, Васыс, лөсьөдчөма мөдысь вартны.

— Ак, тэ, зы-ырым бе-эдь! — равөстіс Ёгор Косьта да сэтшөма сөтыштіс сылы ныр-вомас, мый том Митрей Вась эз жө вермы кок йылас кутчысьны.

Дорйысьны котөрөн локтісны гөрд партизан Опонь Васьлөн куим чоя-вока: Гришаыс, Онисыс да Таттяныс. Куимнанныс уськөдчисны Косьта вылө да кутісны нөшавны кулакьяснаныс, чужьявны. Ёгор Косьта водзсасис кулакьяснас жө, мый вермис.

Ольөш Микол вештыштіс пызан вывсыс тасьтіяссө да пызан вывсянныс веськыда чеччыштіс тышкасьысыяс дінө, кутіс шыблавны Опонь Васьлысь нывьяссө, зутшнитіс щөка улас налөн воклы, Гришалы. И Ёгор Огаш котөрөн жө локтіс воксө дорйыны, да шашаритчисны юрсиясаныс Степан Огрөкөд.

Савельев первой быттө чуймыліс, мыйла друг татшөм кыпыда гажөдчысыяс пиын зык кыптіс, сэсся, видзөдө да, и тышкөдз воисны, пыр унджык йөзөс кутіс гартны тыш гөгөрыс зыкыс. Савельевөс майшасьөм босьтіс да өдйө пырис тышкасьысыяс чукөрө, заводитіс кияснас и гора гөлөсөн разөдны-янсөдны найөс. Но өдйө гөгөрвоис, мый сійө сөрмөма — тышкасьысыяс сэтшөма ярмөмаөсь, мый сөмын чорыд кулак да ёсь гыжьяс нин кылісны. И Савельев кобурасыс нагансө нетшыштіс да вылө лэптөмөн школгис-луйис сынөдас: өтчыд, мөдысь, коймөдысь...

— Ма-ать твою-уяс! Дугдөй! Разөдчөй, арестуйта ставнытө!

И Зильган, старшөй милиционер, вөлисти гөгөрвоис, мый сылы, буракө, колө жө суитчылыны. Сійө пызан дорсянныс на тышкасьысыяс дорө матыстчигмозыс кутіс вылө лыйсьыны нагансьыс: школл! Школл!..

Пиля Педот петаліс жө аслас пывсяннысь улича вывсянныс видзөддыны выль ног гажөдчысь коммунарьяс вылө. Первойсө быттө Пиля Педот сьөлөмө весиг завидькодө пыравліс: со кымынөн сөрнитчөмаөсь да өтув чукөртчөмаөсь, өтлаын сөйөны-юөны, гажөдчөны. Позьө тай, сідзкө, мортлы өта-мөд вылө лөкавтөг овны. Но кор сэни кутісны тышкасьны, да лыйсьөмөдз воисны, повзис.

— Свят, свят... Ас костаныс кутісны пурсыны... Асьныс вед өта-мөднысө сэсся виаласны. Божйө наказанньө тайө... Енмыс оз вермы прөститны став лөксыс, грексыс... Господи, прөсти, Господи, прөсти, — юрбитігтырйи Пиля Педот тэрмасьөмөн бөр муніс пывсян-гортас.

Ёгор Косьтаос, гырда да коль, коммунарьяслөн гажөдчанінысь киняулөдыс кутөмөн нуөдісны гортас Огаш чойыс да Ольөш Микол зятьыс. Налы воча котөрөн, лолыс тырөма, локтіс Косьталөн Опонь вокыс.

— Коді?! Көні!? — повзьөдчана юаліс кашкысь Опонь.

— Епим Опонь чукөр... Сэни найө унаөнөсь... И кык милиционер. Эн сэтчө мун, и тэно нөйтасны да арестуйтасны. На, Миколайкөд Косьтаос батьбясө нуөдлөй мыссыны, — стрөга тшөктіс вокыслы Огаш. — А ме Лиза дорө ветла... Водзвыв висьтала, мед оз ползы...

Тадзи вот лөка и помасис коммунарьяслөн первойя өтувья гажөдчөмыс, и дыр кежлө чужтіс Изьядорын гөрд партизаньяс, и непартизаньяс костын выль лөгалөм.



Эдуард ТИМУШЕВ

Ывлайыс ыларалө нора

ПОЭТ

Оліс-выліс Поэт, оліс-выліс,
Йібзлысь шудсө и шоглунсө кыліс.
Гижис, радейтіс, палявліс, юліс,
Эз и тōдлыны, кыдзи-мый куліс.
Мича гижōдъяс, гашкō на, сиис,
Откалуныс тай йирис да виис.
Зэв тай этшаник му вылас оліс,
Кōть и бур кылыс йōзыслы коліс.
Эгō кужой ми видзны Поэтōс.
Йывмысь войтырысь выль гижысь петас,
Сōмын сы кодъыс оз сэсся чукты.
Ветла гу вылас, дзоридзъяс пукта,
Кōні куйлō Поэт, коді сьыліс...
Оліс-выліс Поэт, оліс-выліс.

БАБА ГОЖОМ

Асья шондїыс лысвасō лакис,
Арай виддзыс дзик сōстōм да веж.
Муса рас пытшкын мыччысьōм тшакыс,
Он кōть кōйы да, петкōдлō веж.

Черань везъясōн юрсийōй гартчис,
Вомō — намыр, а чуманō — гоб.
Зэра кунōрттор юр весьтōд варччис,
Буретш сикт дорō вотōдз эз коб.

* * *

Пожōм пу дорō ляскыся чужōмōн,
Юмов ли вылас синвайōй доршасьō.
Олōм джынсō нин лой кōть вуджōма,
Онōдз восьлала водзō да корсьыся.

От нин кōйы, да бара на ышмывла,
От нин эскы, да выльысь на ылавла.
Вида ачымōс сэки, кор мыжмывла,
Катчōс сына, а горовсō кылавла.

Вода пу дорас шойччыштны, мудза да,
Кодкō гарыштас: "Бара нин юсьōма..."
Мōвпōн мусалы кодзувъяс судзōда,
Сōмын шудаыс важōн нин усьōма.

Катшашыдөсөн енэжыс койис,
 Кынмём му вылас шарөдіс дыр.
 Арся луньясас чукөрмём дойыс,
 Ёна көсья коть, некыз оз быр.

Быттё дзимбырөн ниртыштё, сотё
 Тёлыс бандзибёс. Мыйсяма вын!
 Мыйла шогысла сьёлёмой потё?
 Мыйла муслунй арланьыс кын?

Медым кодлыкё арыс и дона,
 Быд поэтлөн эм мусаджык кад.
 Сёмын менё тай шогөдлө ёна,
 Дзикөдз торксьывлө сьыланлөн лад.

Дженьыд гожёмсё сьёлёмөн видза,
 И пыр виччыся — бергөдчас бёр.
 Сийё Войвылад том ныв кодь мича,
 Код эз төдлы на радейтчан көр.

Кор көсий сьывны, сьыланкывйыс вуні,
 Кор көсий юны, винамыс эз пыр,
 Кор көсий тэныд мелі кывъяс шуны,
 Сэк майшасьёмой сідзи и эз быр.

Сэк сьыланкывсё кывъястөгыс сьылі,
 И ютөгыс нин вөлі код и пөт.
 Ме сьёлём дойён воча кывсё кылі,
 Мый тэнад важён кодкё эм нин мөд.

Ме тэнсьыд шудтё некорсё ог сконъяв,
 И мырдён сорён тэнё ог жё босьт.
 Но менсьым муслун лёк кылён эн донъяв,
 И сьёлём дойёс мөд водзын эн восьт...

Ывлаыс ымралё нора,
 Чездөдө палялысь юр.
 Мамё, ме бөръяысь кора,
 Кисьт меным көш тырыд сур.

Юа да кокныдджык лоас,
 Тода коть, шогй оз быр.
 Асылыс бара на воас,
 Лэбачьяс дзользясны дыр.

Юа да сыла на, гашкё,
 Дивитны таысь оз ков.
 Сьёлёмой гирскёмөн вашкё,
 Регыд мый көдзалас лов.

Шулёны: олёмыс — ворсём,
 Көсьян коть, шудтё он чөж.
 Сыла, а кажитчө — горза,
 Дждж шёрын — кымыньтчём көш.

СЫВ, ГУДӨКӨЙ, СЫВ

Ыбъяслөн вежодысь моросын
Дзордало льом пуа сён.
Нывъясөс визув ю доросын
Виччысьо гудока зон.

“Сыв, шоныд гудөкөй, сыв,
Кыв менө, Лизукөй, кыв.
Сыв, рыгтя колипөй, сыв
Сьблөмшөр сьланкыв”.

Сяльдчө-ворсөдчө кодзулөн,
Сералө-гыалө ю.
Кызди нө, кызди нө коддзымөн
Енэжа васө он ю.

“Сыв, шоныд гудөкөй, сыв,
Кыв менө, Лизукөй, кыв.
Сыв, рыгтя колипөй, сыв
Сьблөмшөр сьланкыв”.

Ныв чукөр шунгө ва визулөн,
Йөлаыс — нор сьланкыв.
Сьлан гор абу сэн Лизалөн,
Пемдөма зоны му выв.

“Сыв, шоныд гудөкөй, сыв,
Кыв менө, Лизукөй, кыв.
Сыв, рыгтя колипөй, сыв
Сьблөмшөр сьланкыв”.

МЕ ТЭНӨ РАДЕЙТА

Эм Коми муын өти коми сикт,
Ю сайын видъяс, орччөн коз да пожом.
Ме олөм тайö сиктыскөд эг йит,
Но тані олө менам югыд гожөм.

Ме тэнö радейта, ак, мича коми ныв,
Ме тэнö радейта, кызд вермө мелі сьблөм.
Тэ — менам шудлуной, тэ — менам сьланкыв,
Тэ менö шонтан гожся небыдик лун төлөн.

Мед дзоридзалө гажөн му да видз,
Мед дзользьö Коми парма пөтка горөн,
Мед гөгөр ловтө кыпөдана мич,
Но ог кө аддзыв тэнö, сыввсьо нора.

Быд коми сиктлөн аслас мелілун,
Сөдз ю кодь сөстөм вежөраоьсь йөзыс.
Но тэнад өшинь увті ог кө мун,
Мен пемдö югыд лунö енэж лөзыс.

Ме тэнö радейта, ак, мича коми ныв,
Ме тэнö радейта, кызд вермө мелі сьблөм.
Тэ — менам шудлуной, тэ — менам сьланкыв,
Тэ менö шонтан гожся небыдик лун төлөн.

Кула кӧ эськӧ

ИЧӖТИК ДРАМА

Ворсысьяс:

ӦНДРЕЙ
 МАНЕПА
 САНЯ

} — оломӧась

Ӧндрей да Манепа пукалӧны пызан сайын, чай юӧны, сѣянсӧ абу на идралӧма пызан вывсьяс.

МАНЕПА. Вугрӧдлӧ нин... коньӧрӧс.

ӦНДРЕЙ. Лешмӧдін да. Дыш и вӧрзьынытӧ.

МАНЕПА. А зэр улӧ он коль кос турунсӧ. Сѣ майбыр, зорӧдӧ на воис.

ӦНДРЕЙ. Воис. Мися, оз нин эштыв-а.

МАНЕПА. А вод! Кытчӧ водан? Ме дінӧ али торйӧн?

ӦНДРЕЙ. Ме ог тӧд. Тэ чужъясян да.

МАНЕПА. А быдгорсӧ тай вӧтасян. Мый водзын кӧ.

ӦНДРЕЙ. Лӧк водзын нӧ?

МАНЕПА. Код тӧдас.

ӦНДРЕЙ. Олам тай со. Кымын во нин.

МАНЕПА. А ог жӧ ӧд тай и гижасьӧмӧн.

ӦНДРЕЙ. Эсы понда жӧ ӧд. Пышйис да оз юксьы ни, оз волы ни.

МАНЕПА. Ачыл тай он жӧ юксьы ськӧд. Судӧ сетін дай.

ӦНДРЕЙ. А сідз овсяс! Лӧкала нӧ тэ вылын? Вӧтла?

МАНЕПА. Он. Зэв на и морт. Ӧндреюшко.

ӦНДРЕЙ. Тэ тай менӧ дзескӧдлан. Манепаыс.

МАНЕПА. Ме? Мыйӧнкӧ?

ӦНДРЕЙ. Но... талун эськӧ и позьӧ вӧлі да... ичӧтикатӧ... Куш чайылды быгтьӧ...

МАНЕПА. Да-а, мед веськавлас тэныд... ичӧтикаылды. Эштылас сѣки турун пуктӧмыд!

ӦНДРЕЙ. Сійӧн жӧ ӧд тай ог и дзайгы. Тӧда нин ачымӧс да.

МАНЕПА. А вод, веськӧд мудзтӧ. Час, вольсала диван вылас. (Чеччӧ.) Ой, аслам нин гӧгӧр рудзалӧма. (Нюжмасьӧ.) Но, кодкӧ и локтӧ на, кылӧ.

Пырӧ Саня, ыджыкодъ сумкаа.

ӦНДРЕЙ (чуймӧ). Саньӧ, едритвойӧныд!

САНЯ. Ме. Лысьта кӧ?

ӦНДРЕЙ. Пырин нин да?

САНЯ. Пета бӧр, шуан кӧ.

ӦНДРЕЙ. Некод оз шу.

САНЯ. Сійӧ и бур. (Пуктӧ сумкасӧ.)

МАНЕПА. Лок водзлань. Со идравтӧм на пызанӧй.

САНЯ. Ме абу тшыг. Дыр-ӧ автобуснад?!)

МАНЕПА. Чай стӧканыд тӧрас на.

САНЯ. Но, инӧ. (Пуксьӧ пызан помӧ.)

МАНЕПА (вайӧ чай). Пыдӧджык.

Авторыслысь юавтӧг пуктыны оз позь.

САНЯ. Судза. (Юыштö чайсö.)

ӨНДРЕЙ. Вежсьöмьд жö тай.

САНЯ. Вежсян öд... сы дыранад.

МАНЕПА. Öдйöджык на бабаыд. (Пуксьö.)

ӨНДРЕЙ. Во дас вит, буракö, эн петкöдчыв.

САНЯ. Аслад нин вунöма.

ӨНДРЕЙ. А кымын во нö?

САНЯ. Дас сизим.

ӨНДРЕЙ. Но, пышйöмсянныд.

САНЯ. Пышйис кодкö!

ӨНДРЕЙ. А мый нö вöчин?

САНЯ. Муні.

ӨНДРЕЙ. Сідзи нö мунлöны? Палялі, а некön абу. Бöрыннас кывсис, Зеленечын пö, порсь комплексас, уджалö.

САНЯ. Эн тай волы да бöр вайöд.

ӨНДРЕЙ. Вайöдан кызкö пышйöмтö?!

САНЯ. А-а... (Тапкö пызанас.) А ме нö öтнам пышйи? Эг кык челядьöн? Öтиыс моздорын, мöдыс сой пöлын. Ноп на мышку сайын дай. Мед Манепаыд шуö, коді мыжаыс.

МАНЕПА. Ме татчö нинöм ог лысьт шуны.

САНЯ. А эг нö öтнам сэсся быдтысь? Нинöмö вошті кыкнансö?

МАНЕПА. Ен ськөдөн. Сьölöма на вölöмыд.

САНЯ. А öнi нö сьölöмтöм?

МАНЕПА. Некод оз шу. Öндрей тай мыйкö ланьгис-а.

ӨНДРЕЙ. Он öд асьтö лэпты, юсьöма нин и вöлі да. Эз кö Манепа дугöд, важөн нин гуын куйлі. Кымынөн тай нин бырины. А бара на со морт олысь. Чайтан, этша сылы шогыс да нокыс сюри?

САНЯ. А ме нö дивита сійöс? Юсьöматö кутны... сы мында вотö... сьölöм жö колö!

ӨНДРЕЙ. Но кыкнанныд и бурöсь, сідзтö кö. Водзöсö кызди-а?
КОСТ.

МАНЕПА. Саня, эн чöv ов.

ӨНДРЕЙ. Мыйлакö öд локтін жö... сы ыжда сумканас?

САНЯ. Видлыны.

ӨНДРЕЙ. Эн ручась.

МАНЕПА. Мися, вöтасы помала... Со и, вölөм! (Няргыштö.)

ӨНДРЕЙ. Вöгла нö ме... коньöранöс... тэ понда?

САНЯ. Ме ог суйсы тиян костö.

МАНЕПА. А мыйла нö эськö?

САНЯ. Сідзи. Сёрниөн.

ӨНДРЕЙ. Кутшöм сёрниөн? Коді öнi тэ меным?

САНЯ. Воддза гöтырыд. А закон серти кö, и öнi на.

ӨНДРЕЙ. Закон вылад тэ эн ыстысь.

САНЯ. Но?! Керка джыйыд на менам, законыд серти кö. Сöмын сетлы судад!

ӨНДРЕЙ. Но и сет. Юксы и. Кызд кужан.

САНЯ. Ме ог.

МАНЕПА. Ме эськö мед муна? Мейсь Öндрейтö кодзöдан?

САНЯ. Олöй, Криста ради.

ӨНДРЕЙ. А ачыд нö он олөм вылö лок?

САНЯ. Олөм вылö.

ӨНДРЕЙ. Кытөн? Татөн? (Зымкнитö гжогжас.)

САНЯ. Ог, мöд керкаад. Тi асылас, ме рытылас.

ӨНДРЕЙ. Сэсся... ö-öти посводзөн?

САНЯ. А мый нö, торийөн быть?

МАНЕПА. Сыысь öд, Саня, оз жö сьölöмыд бурмы.

САНЯ. Мед, оз кö.

ӨНДРЕЙ. А мыйла либö и вöрзян Зеленечсыд? Патера и быдөн, буракö, да. Эн кут тöрны?

САНЯ. Эг и кут. Нылыд нин гозья да, пиыд нин гозья да... Некытчö и воднытö аслад.

ӨНДРЕЙ. А мед лосьодоны патерасо, гозийдчыны ко кужоны.
САНЯ. Ньоб кодныслыко. Копейка тай эн ыстыв, быдмисны да.
ӨНДРЕЙ. Эн гыжъяв, кыти доя.
САНЯ. А менам но оз некыт доймы? (*Боргдзыло.*)

КОСТ.

МАНЕПА. Дона-о но они шиперыс?

ӨНДРЕЙ. Мыйко... вошласян ко-а?! Шипер сэтчо ковмис?!
МАНЕПА. Конко од сулало на аслам керка шойой. Вевттам да, ви-

дзас на. (*Чеччо.*)

ӨНДРЕЙ. Эн шопъяв! (*Пуксьодо.*)

МАНЕПА. А ме и муна. Некод жо татон-а.

ӨНДРЕЙ. Коді шуо?

МАНЕПА. Шуом оз ков. Саня, он лысыт ме выло логавны-а. Эг ме тэнсыд мырдабыв сийос.

САНЯ. Ог и логав. Ачыд ко ме выло он?

МАНЕПА. А мед! Йоз мужикыд по тай... дыр-о келло ко. Со, бор ставнас! (*Тувкышто Ондрейлы пельомас.*)

ӨНДРЕЙ. Эн матькод пызан саяс!

МАНЕПА. А шу кодароко.

ӨНДРЕЙ. Мый?

МАНЕПА. Кодкод сэссия олан?

ӨНДРЕЙ. Вой узны но волін? Ньоти нин садьос ог тод? Сыкод бор и кольчча, локтис да?

МАНЕПА. А оти посводзон но косьян овны?

ӨНДРЕЙ. Олоны тай, висьталоны, карын. Воддза готырыс по и модыс. Оти патераас.

МАНЕПА. Мун, сэтшом пон оломыд!

ӨНДРЕЙ. А кытысь ме они бурсо босьта? Ачым пышъя кытчоко?
Ылоджык тиянысь?

МАНЕПА. Эн и кут либо мено. (*Косйыло чеччыны.*)

ӨНДРЕЙ (*куто*). Куга! Зэв на мато пукта и.

МАНЕПА. А Санятно но он? Веськодь? Со на кутшоми да?

САНЯ. Кутшом?

МАНЕПА. Азь гум кодь тай. Покъя, кыти колло.

САНЯ. А тэ но се чукурось? Ен сыкодон на.

МАНЕПА. Да од тэно корко любитлис! (*Ондрейлы.*) Эн но?

ӨНДРЕЙ. Мый сийо коркото?!

МАНЕПА. А бара и кыскас! Оти посводзнад!

ӨНДРЕЙ. Оз. Абу юрпола.

МАНЕПА. А абу и кодзома. Шусяс, мый оз ковсо.

САНЯ. Он од сибод дай.

МАНЕПА. Он, дерт, ыркалом съоломнад. Каньлы дорысь на баба-ыды шоньд кыд колло. Тода од. (*Ыросто.*)

ӨНДРЕЙ. Бара и юсян татчо! Оти олом и усло мортыды, да сийос он вермы лючки овны.

САНЯ. Эн тай ов. Кутшома позис да.

ӨНДРЕЙ. А пондылі нин... выльысьон... да вайодис кодко тэно.

САНЯ. А меным и важысьоныс на дона.

ӨНДРЕЙ. Мыйонко? Бордолли сомын да?

САНЯ. Водзсо од эн. Мустом сайо но петали?

ӨНДРЕЙ. А шориаала но сэссия ачымос?

МАНЕПА. Ме муна, ме!

ӨНДРЕЙ. Он!

МАНЕПА. А мый но, йоз серам вочан? Кык готырон по оло?!

САНЯ. Йбыд эсько мый оз лосьоддыны да?

МАНЕПА. А сидзи на оз бурон помась татшом грековойтчомьд. Одай на пурсьомо воан.

ӨНДРЕЙ. А тэ ко муна, и бурон помасяс?

МАНЕПА. Тияны и бурон... важ гозьялы.

ӨНДРЕЙ. А сэки, чайтан, и нином оз шуны йозыд? Оз мено кыс-

кавны кутны быд кывйын? Оліс-оліс пö да бөр коньбөрös... (Öвтыштö кигугыс.) Важ гөтырсö на пö и любитлöма.

МАНЕПА. А он нö?

ÖНДРЕЙ (шöйöвошлö, мурöстö). А тэнö мед вошта? Тыр вежөрөн? Быттö эн и вöвлы?

МАНЕПА. Быттöкö.

ÖНДРЕЙ. Ланьт! (Чöv усылöм бöрын.) Саньö, гашкö...

САНЯ. Мый?

ÖНДРЕЙ. Ыстыны абу лöсьыд-а... Он на, гашкö, нетшкы менö... Манепа дорсьыс?

САНЯ. Сідз шедан. (Чеччö да босьтö сумкасö.)

МАНЕПА (чеччö). Бөр али кытчö?

САНЯ. Мöдарас. (Петö.)

МАНЕПА. Вот и олім тэа-меа.

ÖНДРЕЙ (чеччö). Кула кö эськö!

МАНЕПА. Кув! Этшаджык шог! (Лигышмунö.) Ой, пеж вомыд тай эм! (Пернапасасьö.). Водан али, мый али?

ÖНДРЕЙ. Ме ог тöд. Син водзын гудыр и.

МАНЕПА (бöргöмөн). А лок, водтöда медбөрьяыс! (Кутö Öндрейöс сойöдыс да нуöдö.)

ПОМ.

Шутöгыс олас

ичöтик теш

Ворсысьяс:

ЗИНА } — ар 30-öсь.
МИШКА }

Вадор кыр. Пуксьылан сэтөн, пуяс улас. Локтöны Зина да Мишка, лэдзöм юрабсь.

МИШКА (гузьялана). Лок, пуксьылам. (Пуксьö.)

ЗИНА. Пуксьылам. Колö кö тэныд.

МИШКА. А тэныд и оз?

ЗИНА. Öткодь.

МИШКА. Мый öткодь?

ЗИНА. Пуксьыла ог.

МИШКА. Эн скöрмöдчы! Овны кö кöсьян!

ЗИНА. Мый нö, виан?

МИШКА. Виас тэнö кодкö! Овны кö мекöд кöсьян!

ЗИНА (гзугыла). Ме ог тöд.

МИШКА. Он тöд?! (Ышлалö.) Сідзкö и, воим!

ЗИНА (полöмпырысь). Кытчö воим?

МИШКА. Кытчö оз ков! Вöрын тай пöрöмö веськавлан-а.

ЗИНА. А, Мишка, он тэ менö любит! (Пуксьö.)

МИШКА. Коді шуö?

ЗИНА. Ачым аддза.

МИШКА. Мый аддзан?

ЗИНА. Ньöти абу мелілуныд.

МИШКА. Абу?! Кутлан и быдтор да?!

ЗИНА. А пыр тай сэсья и бöж улö пыран.

МИШКА. А кытчö нö колö, дась верма на да? Гожöмбыд нин ма- ласьöма и.

ЗИНА. Позьö öд морт ногөн.

МИШКА. Кыдзи?!

ЗИНА. Кутыштлыны асытö. Сёрнион да кыз да. Мед ме ачым сетчи.
МИШКА. Кутчысян кызкө, юрад и кокад пондас жуныгыны да. А
сетчөм пыддыд тайыштан дай. Яй сьолөмыд да, оз на пот-а.

ЗИНА. А тойышттөгыс нө тэ өвсян?

МИШКА. А эн и сибөд либө. Отнад и ов!

ЗИНА. Отнам тай со и ола.

МИШКА. Зина, шусяс өд!

ЗИНА. Мый шусяс?

МИШКА. Со керкайд, да кокөн сэсся ог пырав.

ЗИНА. Эн, садьтө кө он төд.

МИШКА. А буретш да садяс и вои! Тырмас, йөйтөддін нин менө.

ЗИНА. Ме тэно йөйтөдлі? Ачыс... лавкаысь локтигөн... туй шөрас...
сэтшөма топөдліс-а!

МИШКА. А мыйла нө сэки эн тойышт?

ЗИНА. А эг тай вот, босьті да.

МИШКА. Но вот! А он нө сэсся ылав мортыд?

ЗИНА. Ылалін на кытчөкө!

МИШКА. А эг нө? Мися, лючки нин гөтрася, да ог-ө инасьлы, и
со, колөкө!

ЗИНА. Мый со?

МИШКА. Век на некод тэныд. Кок шонтысь ни, верөс ни. Сідзи
и шу, некод пө нин оз ков меным.

ЗИНА. Оз и ков эськө да.

МИШКА. Оз кө, и мун. Син вежөмысь.

ЗИНА. А тэ нө кытчө?

МИШКА. Отнад нө тан өткаыс? Мыйкө дорө кө сибөдчылі, важөн
нин узылі ськөд.

ЗИНА. Кодкөд?

МИШКА. Төдтөгыс олан!

ЗИНА. Кодкөд?

МИШКА. Сідзи шуи.

ЗИНА. Эн сідз шу. Вожалис кывйыд. Сьолөмыд вожа и! Мисьтөм-
лөн! (*Ырөстө да мунө.*)

МИШКА (*чөв олыштө*). Мичаыс ветлө! Бытьтө ме дом йылө нин
сылы шеді. Ог өд вөтчы.

Здук-мөд мысти Зина бөр локтө.

ЗИНА. Чайтан, муні нин?

МИШКА. Бөр тай кодкө вайөдіс!

ЗИНА. Кокөй.

МИШКА. А синмыд? Мисьтөм дінас?

ЗИНА. Синмөй и.

МИШКА. Сэсся мый?

ЗИНА. Нинөм. (*Пуксьө.*)

МИШКА. Нинөмтө и корсь, кытчө уськөдін. Татчө эн-а.

ЗИНА. Шуан тай вөлі...

МИШКА. Мый?

ЗИНА. Колө пө партук вурны... клеёнкаысь ли мый ли... мед гачыд
оз көтась ботанасигад.

МИШКА (*нерыштө*). Отө-тө-тө-тө! Сюсь абу асланьыс!

ЗИНА. Оз нө нин ков?

МИШКА. Мед эськө ме небзя. Ог небзьи!

ЗИНА. Мыйла он?

МИШКА. Энөвтчөма лои тэысь.

ЗИНА. Кор?

МИШКА. Дзик өні.

ЗИНА. Сідзтө кө өд, ме энөвтча жө дай. Тэысь.

МИШКА. Медся и бур! Кыкнаннымлы.

ЗИНА. Сэтшөм бурыд... паныдасьлігад. Он өд карын ов.

МИШКА. А бөрө ни водзө да! Дугдыны кө, и дугдыны!

ЗИНА. Дугды.

МИШКА (*ырскөбтө*). А коды и видзан асьтө, ог гөгөрво?! Вод-
дзаыды, код сайө тай петавлін?

ЗИНА. Мун сэсь!

МИШКА. А коды нө?

ЗИНА. Некоды. Аслым кө овсяс и.

МИШКА. Муна да бөрөзда коды. Карта сайө. Ваыс пукалөмысь.

ЗИНА. Мун, кодко и кутө?!

МИШКА. А тані жөвьялөм дорысь. (*Мунө.*)

ЗИНА. Йөй комиыд тай эм! Быттө куш верөс сайө и петан. Он
мусаыдла-а. Юрас оз волы мелі кывйыд. Мед, абу кө нин ныв. Абу
на и... йөз серам.

Мишка бөр локтө.

МИШКА. А-а, Зина... (*Зина оз шыась.*) Öдйө öд лөгасяс. Сэсся ов
татшөмыдкөд!

ЗИНА. Овлы да сэки шу.

МИШКА. А вай, видлам!

ЗИНА. Ланьт, видласьөмнад.

МИШКА. А кызди нө сэсся... öтлаасьлытөгыс?

ЗИНА. Некидыз. Сідзи нин овсяс.

КОСТ.

МИШКА. А оз нө овлы?

ЗИНА. Мый?

МИШКА. Кор öтнад керкаад. Некодөс и малыштнытө.

ЗИНА. Понтө.

МИШКА. Понсыд и бурмас сьөлөмыд.

ЗИНА. Гөтрасьлін тай. Чаня-вөлаөс на кыськө вайөдлін.

МИШКА. Жаль лои да. Öні на жаль и... кагаыс.

ЗИНА. А мамыс и абу?

МИШКА. Сэтшөм мамыд, вина бобувыд!

ЗИНА. Но, бурөс аддзан.

МИШКА. А эг нө аддзы?

ЗИНА. Меысь öтдор.

МИШКА. Эн öтдорась!

ЗИНА. А бурыд öд, Мишукөй, этша на жө. Колө на и, мед нөбөдіс
сы дінө.

МИШКА. Оз нө, чайтан, нөбөдды? Туй шөрад сэки синтөг и зурасьлі
тэ? Асьтө на сирөд мырйөс моз нинөмөн он вөрзьөд.

ЗИНА. А мырьяд öд пöран.

МИШКА. Ловьяыс?! Нюмяялө на сэтөн и! Энлы!

ЗИНА. Мый энлы?

МИШКА. Босьтас öтнадтө шуштөмыд, и нюкыртас этаті, сьылі
увтыд, да ачыд ме дінө игөдчан.

ЗИНА. Гашкө.

МИШКА. А мый нө менө мучитан?

ЗИНА. Эн лөсьөдды.

МИШКА. Да öд мыйкө көсьян на, он кө на шедөдчы? Мед пидзөс-
чаняси... коми мортыс?!

ЗИНА. Оз и ков.

МИШКА. А мый нө колө?

ЗИНА (*оз гзык. пыр*). Ныв туйө на менө пукты дай.

МИШКА. Кутшөм ныв туйө?

ЗИНА. Томиникө. Асьтө и... томиник зонмө. Быттө полан на меысь,
а ме тэысь.

МИШКА. Комын арөснас?

ЗИНА. Мый нө көть? Топөдчылін и водін нө?

МИШКА. Сөысь нин топөдчылөма!

ЗИНА. Сійө и эм. Кывйыд абу-а.

МИШКА. Кутшөм кыв?

ЗИНА. Сьөкыд нө шунытө, любита пө?

МИШКА. Шуөм нө колө?

ЗИНА. А меным и колө! Өтчүд и кывла мед нэмөн.
 МИШКА. Сэссия и бурасян?
 ЗИНА. Бурася. Лыстан кө шунытө.
 МИШКА (*пагьялө*). Оз нө ворсөм ло тадзтө?
 ЗИНА. А тэ збыльысь шу. Мед ме вериті.
 МИШКА. Шуан кызкө... водзвывтө чуйдөмнад. Эськө аслам кө шусяс-а. Төдлытөг.
 ЗИНА. А мед аслад и шусяс.
 МИШКА. Ме ог төд... өнитө. (*Пондө Зина гинө.*)
 ЗИНА. Энлы на понды. Шу да вөлись.
 МИШКА. А пондывтөгыз оз и шусы.
 Кутчысьлөны да окасыны. Зина сэссия мездысьбө.
 ЗИНА. Но?! Пондылін да?!
 МИШКА. А ме тэныд шулі нин.
 ЗИНА. Эн сөр!
 МИШКА. Шулі. Овны кө, мися, мекөд көсьян!
 ЗИНА. Овнытө өд... Мукөдыс тай пурсьоны да олоны да. На вылө и видзөдны?
 МИШКА. А ме нө лёкысь тэкөд? Китө пеславлі?
 ЗИНА. Эн.
 МИШКА. А гортад локтан да пызан дорыштө дась йирны. (*Тильо синсө.*) Этша на тэныд?
 ЗИНА. Но лок, шутөгыз олас. (*Ачыс кулө Мишкаөс.*)

ПОМ.

Вөтлы, вөтлы

ИЧӨТИК ТЕШ

Ворсысьяс:

РОЗА
 КЛАНЬӨ } — ар 30-өсь
 ВОЛОДЬ

Йөр да дзирья. Локтө Роза да пырө йөрө, игналө бөр дзирьясө. Ышловзбө да вөрзбө, и сэки мыччысьбө Кланьө, кияс ыджыд сумкаа.
 КЛАНЬӨ. Роза, энлы, энлы!
 РОЗА. Мый нө?
 КЛАНЬӨ. Сідзи, сөрнийөн. Кытчө нө ветлін?
 РОЗА. Картагысь на. Йөв машинаыс дыр эз лок, да манитчим. А тэ нө кытысь?
 КЛАНЬӨ. Лавкаысь, кытысь сэссия? Няньтөг он ов. Порсылы да, аслым да...
 РОЗА. Мыйкө... ог эшты, Кланыя. Менам песласян вөлі көтөдлөма. Тайө кө и сөрнийыд?
 КЛАНЬӨ. Абу.
 РОЗА. А мый нө?
 КЛАНЬӨ. Меным эськө веськодь да... Тэныд и?!
 РОЗА (*полөмпырысь*). Мый меным?
 КЛАНЬӨ. Бара тай нин тани... Володьыд.
 РОЗА (*бытьё оз төг*). Кутшөм Володь?
 КЛАНЬӨ. Кодкөд овлін но! Бурводсыд али кытысь. Паныд лои, петі нин лавкасыс да.
 РОЗА. Мый нө лывкьялө?
 КЛАНЬӨ. Тэно тай юалис, гортын абу пө.
 РОЗА. Мыйлакө?

КЛАНЬО. Вёзыйсыны кё бөр кёсий-а.
РОЗА. Лэдза ме сійос!
КЛАНЬО. Оз и ков! Эськё гижасьёмаось кё вёлінныд-а. Быдтысин сысянь ли.
РОЗА. А код вёлі?
КЛАНЬО. Эз эськё да... Оз нё бара ылөдды? Олыштас и пышгяс!
Сы мында бара и босьтан!
РОЗА (*тапикась*). Ачым эськё абу жё нёти мыжтём да. Ог и соссы.
КЛАНЬО. Мыйонкё?
РОЗА. Вомыд өд эм, оз тай топавлы. А любө нё мужикыдды быд лунтө зыргөмыд? Мед, юыштавлө кё. Сідзи тай и олоны со, коді гозьяыс.
КЛАНЬО. Бөр сибөдан?
РОЗА. Ме ог! Мед эз жергөдды сэки пиньсө!
КЛАНЬО. Но! А то бара мунөмөн и кутас повзёддыны. И кынөмөн на, гашкө, колян.
РОЗА. Колө сысянь кынөмыд... мустөмсяньыд!
КЛАНЬО. А локтас кё? Колөкө, локтө нин! (*Кыйкнитлө.*) Некөн на эськё оз тыдав да.
РОЗА. Вөтла!
КЛАНЬО. Вөтлы, вөтлы!
РОЗА. Скөрмөдас кё, чужья на.
КЛАНЬО. Чужйы, чужйы! Мед бөр и мунө, кытөн оло.
РОЗА. Мыйкөын... карө вотөдз тай гидьяс кодыс. Балок али кызд шусьё сэтшөмыс. Зывөк и пырнытө.
КЛАНЬО. Вот сэтөн мед и кольө нэмыс!
РОЗА. Кытөнкө өд оз! Патератө өні, ачыд кё он нёб... А мый вылө нёбас?!
КЛАНЬО. Сійөн и бара либө... он-ө лэдз дінад.
РОЗА. Колантор!
КЛАНЬО. А игнась да эн и восьты. А йиркөдчыны кё кутас, зорьялін дай.
РОЗА. Зорйыд өд кильчө помын.
КЛАНЬО. Но вот! (*Кыйкнитлө.*) А со, буракө, локтө нин. Сійө, сійө, мисьтём чужөмыд!
РОЗА. Сэтшөм эськө... абу на мисьтём да.
КЛАНЬО. Шунытө он лысьт! Ачыд на сылань, тадзтө кё. Гусьөн мейсь!
РОЗА. Нёти абу сылань. Синмөн ог аддзы.
КЛАНЬО. Он кё и... зев өдийө гортад да игнась!
РОЗА. А тэ?
КЛАНЬО. Гортө жө. Тан ог сулав.
Роза падьялыштө да котөртө йөр пыдидө. Кланьө чөвтө сумкасө мышку саяс да мунө, но оз ылө, сөмын сайөдчө. Сайөдсьыс сэсся и мыччасьлө да кывзысьө. Локтө Володь, сувтовкерлө дзирья дорө да пырө йөрө, нёджьялө, сэсся нёжйөнник тувччалө, вошө син улысь. Недыр мысти кылө сылөн гольөдчөмыс да йиркөдчөмыс.

Володьлөн гөдөс: Роза! Восьтыв но! Оз өд бытгтө кыв, ачыс пытшкөссияныс игнасьёма-а. Роза, ме тайө, эн кё төд, Володя, Распопов. Но, скөрав, ме тэ динө бурн-а. Гашкө, мися, выльысь! Уволитчи и. Сэсся ог нин сідзтө, коркөя мозыд. Овны кё, и овны. Öтнад жө-а! А, Роза?

Гольөдчө и йиркөдчө на, кылө, Володь да дугдө, локтө дзирья дорө. И Кланьө сэки сайөдсьыс петө, сумкатөм.

КЛАНЬО. Мый нө, эз лэдз Розаыд?
ВОЛОДЬ. Колө тэныд төдны, кывзысян сэтөн!
КЛАНЬО. Абу өд пельтөм. Муна тай вөлі да, ывла тырнас горзан. Асьтө уськөдан, нинөм дон он пукты.
ВОЛОДЬ. Мыйла ог?

КЛАНЬӦ. Мусман нӧ вӧзйысьӧмнад? Оз кӧ лэдз, и мед оз. Вӧр-
сьыд пӧ тай сюрӧ на пуыд. Кутшӧм колӧ!

ВОЛОДЬ. Овлі нин ськӧд да... сӧкӧд он ов.

КЛАНЬӦ. Он и сӧкӧд! Аддзин кодӧскӧ бур сьӧлӧмаӧс и домасин.
Гижасьӧмӧн и быдӧн.

ВОЛОДЬ. Он на зэв и аддзы.

КЛАНЬӦ. Он мыйкӧ, синмыд кӧ эм.

ВОЛОДЬ. Асьтӧ шуан?

КЛАНЬӦ (*янгысьӧмӧн*). Лысьта ме тэныд ачымӧс шуны! Тэныд,
гашкӧ, кутшӧм колӧ-а!

ВОЛОДЬ. Мый торъя кутшӧмыс? Аньтуя кӧ и!

КЛАНЬӦ. Медся бур... сідзитӧ. (*Сьылыштӧ йӧктігмос.*)

Визув юӧ петӧ ёль,

Петӧ ёль, петӧ ёль.

Быдмӧ сэтӧн марьямоль,

Марьямоль, марьямоль.

Марьямоль да марьямоль!

Марьямоль да марьямоль!

ВОЛОДЬ. Тэкӧд зськӧ оз босьт гажтӧмыд да.

КЛАНЬӦ. Оз и босьт!

ВОЛОДЬ. Абу лӧсьыд-а.

КЛАНЬӦ. Мыйысь?

ВОЛОДЬ. Роза водзас. (*Довкнитӧ юрнас йӧр пыгілань.*) Сы дінӧ
быттӧ локті, а мӧд дінӧ...

КЛАНЬӦ. Лэдзис нӧ Розаыд?

ВОЛОДЬ. Абу и колӧма, либӧ, игӧдчыны.

КЛАНЬӦ. Мед, сы пондаыд!

ВОЛОДЬ. Кланя жӧ зськӧ да!

КЛАНЬӦ. Кланя.

ВОЛОДЬ. Автобуссыс коли и.

КЛАНЬӦ. Колин.

ВОЛОДЬ. А ывлаын ӧд он узь.

КЛАНЬӦ. Он, дерт. Абу ӧд пышгьялысь. Лок, локтысь кӧ!

ВОЛОДЬ. Локтысь. (*Петӧ йӧрысь, игналӧ дзирьясӧ.*)

Котӧрӧн мыччысьӧ Роза, киас зорья.

РОЗА. Сюсь абу?! Сюсь абу асланысь?!

КЛАНЬӦ (*мыкталӧ*). К-коді?

РОЗА. Асьтӧ и зорьяла, шедлан кӧ! (*Дыр оз вермы восьтыны дзирь-
ясӧ, и Кланьӧ удитӧ пышйыны.*)

ВОЛОДЬ (*видзчысьӧ кучкӧмысь*). Сэсся менӧ?

РОЗА. Колӧ жӧ зськӧ да! (*Врыштчылӧ.*) Пыр керкаас!

ВОЛОДЬ. Мыйла пыра?

РОЗА. Овны!

ВОЛОДЬ. Ачыд эн лэдз, а сэсся и...

РОЗА. Этійӧ тай гудрӧдліс! Муртса кӧ, и сьӧлӧмӧй потіс! (*Бӧрг-
дзылӧ да небыда.*) Пыр бурӧн, а, Володя?!

ВОЛОДЬ. Пыра бурнад.

Пырӧны йӧрӧ, да Роза игналӧ дзирьясӧ.

РОЗА. Сета кодлыкӧ ас видзанӧс! Мед, кутшӧм эм! (*Вӧтӧгӧ Володьӧс.*)

ПОМ.

Лок, пырав

ИЧОТИК ТЕШ

Ворсысьяс:

НАДЯ } — ар 35-ось
ГРИША }

Ывлаын. Надя вала петалёма да вайо, а Гриша лавкаысь локто. Пакет
сылон киас, куштысьом ныв серпаса.

НАДЯ (чезыртчылө). Кыськө тай эм! (Пуктө ведрасө.)

ГРИША. Мый... кыськө?

НАДЯ. Видзодлы... кысьыд.

ГРИША. Пакетсö шуан? (Лэптылө.)

НАДЯ. Мун, пачо сую.

ГРИША. Мед оз вузавны дай.

НАДЯ. Мый эськө öни оз вузавны да. Быдлао тай куш ситан и öшлёма.

ГРИША. Но вот. А ме мыжа.

НАДЯ. А асьтö на ыкшаыд новлөдлө.

ГРИША. Кутшöм ыкша?

НАДЯ. Томö на пуксян. Зонмö. Ме пö и эм.

ГРИША. Нылö нö пöри?

НАДЯ. Зон кутшöмкö... комын арöс бöрад.

ГРИША. А тэ и том, тадзтö кö?

НАДЯ. Ог и шу. Менам нылойлы нин дас öти.

ГРИША. Сийön и ышнясян?

НАДЯ. А тэ серти тöда на садьтö. Татшöм мыйкöнад ог на ветлөдлы.

Нянь кöрыш на, буракö, сэтöни дай.

ГРИША. Мый нö сылы лоö?

НАДЯ. Вомад оз пыр.

ГРИША. Дугды лöсьöдлыныгö.

НАДЯ. А мун, эн сулав.

ГРИША. Ачыд тай сувтöдин. Муна и вöли, да шыасин.

НАДЯ. Ланьтi нин. Мун, дась садь на.

ГРИША. Тэныд эськө мед лясъял!

НАДЯ. Войдöрлун на вöли потшöсысь потшöсö локтан. (Петкöглö.)

ГРИША. А талун и ог. Ньöти видлыгöм. Гашкö, и дугдыла на.

НАДЯ. Эн öмöй ньöб лавкасыд?

ГРИША. Эг. Наросьнö эг.

НАДЯ. Ылөдлы кодöскö!

ГРИША. Со! Кытöни? (Паськöглö пакетсö.)

НАДЯ. Мый водзын нин?

ГРИША. Мый... мый водзын?

НАДЯ. Кослуналан?

ГРИША. Аслым дышöдiс.

НАДЯ. Чöv, винаысь дышöдас! Юысьтö!

ГРИША. А оз нö, гудыр-гадыр кö и лоö... ывлаыс и, олöмыд и?

Лыйся нö?

НАДЯ. Эн урсась! Он шу, овны пö на босьтчыла!

ГРИША. Овны и босьтчыла. Талун лючки нин уджалi.

НАДЯ. Сё майбыр!

ГРИША. А вот он жö юав, мый уджалi. Веськодь тэныд!

НАДЯ. Мый нö уджалiн?

ГРИША. Бөр аслам трактор вылын. Прессуйтчи. Эстысь уна вся
турунсö. Видзöдлы, кымын рулон!

НАДЯ. Аддза ме тасынь мыйкö.

ГРИША. Сувтлы потшöс вылад.

НАДЯ. Сiдз верита.

ГРИША. Он. Тэ менсьым лөксö куш и аддзан. Ньötчыд на морт но-
гön эн шыасьлы, век дэльбдчöмөн. Видзöдлы дай пырт, колөкö, ватö!

НАДЯ. Да верита, верита!
 ГРИША. Он. Ог сідзтö лэдз. Ачым лыбöдла. (Чöвтö пакетсö муö да кутö Надяöс, лыбöдö мөзгорас.)
 НАДЯ (вөрö-мөздысьö). Абу кө тыр сюсь-а?!
 ГРИША. Лыдды, кымын рулон!
 НАДЯ. Сё кымын.
 ГРИША. Абу сё. Эн содтав.
 НАДЯ. Тырыс тай-а.
 ГРИША. Көкъямысдас куим. Сэсся артав.
 НАДЯ. Мый артала?
 ГРИША. Кымын тонна лö.
 НАДЯ. Ме тöдä?!
 ГРИША. Тöдан. Куимсё килограмм быдын.
 НАДЯ. Кута ме тэныд артасьны! (Нетшкысьö.)
 ГРИША. А ог на лэдз.
 НАДЯ. Мый нö вöчан?
 ГРИША. Сідз кутышта.
 НАДЯ. Кут. Ме öд юрситö нетшка жö. (Някыртö.)
 ГРИША. Надя, колöкö! (Лэгзö.)
 НАДЯ (шешъялö). Öдйö тай нимөн шуин! Мися, вунöдöмыд нин-а.
 ГРИША. Коркö на шулі. Регыдөн.
 НАДЯ. Кор?
 ГРИША. Кор тай удждысьнытö волі.
 НАДЯ. Сідзтö, дерт. Аслыд доз вылад колö да. А бур кузяыд?
 ГРИША. А тэ менö... бур кузяыд? Кытысь он аддзы, сэтысь и дöж-
 налан.
 НАДЯ. Дöжналанасö эн ов дай.
 ГРИША. А талун?
 НАДЯ. Ен сыкöдөн. Гришаон и шуа.
 ГРИША. Но. (Босьтö пакетсö.) А сэсся мед гортö муна?
 НАДЯ. Ме ог тöдä, кытчö. Коді кытөн виччысьö.
 ГРИША. Некод оз и виччысь. Он шу, пырав пö.
 НАДЯ. Мыйлакö?
 ГРИША. Сідз, пукавны.
 НАДЯ. А сэсся? Водзö вылö кө?
 ГРИША. Ачыд тöдан. Кодар берегас.
 НАДЯ (педзикасьö). Öнi тайö юрад воис?!
 ГРИША. Эз, унаысь нин воліс. Öнi вомысь петіс-а.
 НАДЯ. Шеванад? (Кутö серамсö.)
 ГРИША. Шева тэныд... лов гөрöдыд! Кодöс тадзтö йöйтöдлан-а?
 НАДЯ. А он нö весьöпөр? Босьтi да шыаси.
 ГРИША. Сійö и бур. Тыра со ведраыд и. Эськö тыртöм ведраон кө паныдасин-а! Он и вомдзассы.
 НАДЯ. Код тöдас.
 ГРИША (ыззьылö). А гозъя костö нö суйся? Ловъя мужик дінсыд нетшка?
 НАДЯ. Он эськö да. Öтнам нö ме, ог быдтысь?
 ГРИША. Мед, сійö и бур! Сэсся мясянь ваян.
 НАДЯ. Зэв öд тэрыб. Пыжö на пуксьытöм, а мöдлапöлын нин.
 ГРИША. А мый нö, он и думыштлы мед? Он и лысьт?
 НАДЯ. Лысьтан, мыйла он?
 ГРИША. А он тай шу, пырав пö.
 НАДЯ. Ме ог на талун.
 ГРИША. А кор нö?
 НАДЯ. Коркö, гашкö.
 ГРИША. Полан мөысь?
 НАДЯ. А повтöг нö тэ көсьян?
 ГРИША. Ог öд пондыны кут. Пукалышта и муна. Пызан оз ков ни. Чай ли мый ли кө.
 НАДЯ. Сыысьтö полöмыд... (Öвтыштö кинас.) Öдйö на бөр петан!

ГРИША. А мыйысы нө... полан?

НАДЯ. Талун өд садь-а. Йирыштас вина гагйыд, и бара...

ГРИША. А тадзтө нө оз йирышт? Вот бөр на ветла лавкаас!

НАДЯ. Ветлы. Некод оз кут.

ГРИША. А он верит?

НАДЯ. Мый?

ГРИША. Мый дугдыны верма?

НАДЯ. Верита. Мыйтакө.

ГРИША. Энлы, петкөдлас тэныд гожомыс! Арыс и! Юсыла ог!

НАДЯ. Оз и ков.

ГРИША. А мед эськө матө ог и сибавлы... сы дыранас? Сёрниөн тайө ставыс и кольө?

НАДЯ. Медлы на. Ог и вунөд да.

ГРИША. А вай пырта ватө!

НАДЯ. Эн ышмы! *(Оз лэгз босытны ведрасө.)*

ГРИША. Но кутшөмкө удж либө, мый ачыд он вермы. Телевизорыд петкөдлө?

НАДЯ *(пагьялө)*. Оз бура. Вошласьлө.

ГРИША. Сидкө, строчечной трансформаторыс.

НАДЯ. А тэ нө кужан... төдан?

ГРИША. Куш трактор өд ог төд. Лок, видзөдла.

НАДЯ. Да-а... сэсса тэ зэв дыр он мун.

ГРИША *(гөзмө)*. Мед эськө вот эг и пырав!

НАДЯ. Мөдысыджык.


ГРИША. Тшаква тэнад мөдысыджыкыд! Ачыд на көдзыдасян. Йиа синма.

НАДЯ *(тильыштө синсө)*. Йиаыслөн нө петалө синваыс?

ГРИША. Либө и шу. Пырав пө.

НАДЯ. Но лок, пырав.

ПОМ.



Төгылтчөм шонди

* * *

Лымйыс пушыд. Лымйыс гырысь.

Усьё лымйыс.

Кокнипырысь.

Ылысь. Вылысь. Енэж шорьсыс.

Лөня.

Өта-мөдныс бөрся

усьё өти, мөд да коймөд,

дасөд, сөдә —

киён коймён.

Усьё, усьё —

абу лыдыс.

Югыд, сөстөм —

ставныс, быдён.

Усьё, кокнипырысь усьё —

сэсся оз нин кыпав мусьыс.

Южмөм лымйыс, изөм чирйыс

дзуртө —

бытьтө сёмөм дзирья.

* * *

Өвсьы, өвсьы вай, өвсьы.

Эн нин, эн нин вай төвззы.

Мед көть вына да повтөм,

муртса шойчөдышт ловтө.

Мед көть эбөсыд судзтөм,

колө веськөдны мудзтө.

Помся — лун и вой — пессян.

Колө шойччыштны сэсся.

Кадыс — бордьястө кынтө,

мырддьө эбөстө, вынтө...

* * *

Орччөн сулалысь ортыс

вөтлө, бедялө мортөс

нюрын мөвкьялысь руө,

увлань кымыньтөм муө,

войө, пемыдө, лёкө,

олөм югыдсьыс —

бокө.

Синьяс

Гөгылтчө шондыс,

гөгылтчө донөдөм гөгыль.

Сынөдыс онялө,

сынөдыс чөскыд да нөгыль.

Эжваыс дзирдалө,

Эжваыс дэбыдсьыс-дэбыд.

Пөлясьө төвруыс,

төвруыс сибыд да небыд.

Верстьёөн лоа да —

синьясөс куня.

Синьясөс куня да —

петкөдчө онялысь юныс.

Синъясӧс тупка да —
 быттьӧкӧ чужсьӧма выльысь,
 быттьӧкӧ шондіа гожӧмыс
 воӧма збыльысь.

Синъясӧс куня да —
 асывнас садьмыссьӧ вонийн,
 шондіыс петігӧн, лысьясысь вӧчыштӧм чомийн.
 Сьӧлӧмӧй шуда
 и асылыс югыд да мича.

Онялысь олӧмыс ыджыд,
 а шогсьӧмыс — ичӧт.

Синъясӧс куня да видзӧда:
 куима-нӧля —
 кӧмтӧм да дӧрӧмтӧм,
 дзолясыс-дзоля —
 шонділань котӧрта,
 гожйӧдча,
 Эжваӧ суна.

Синваыс этша да,
 серамыс — уна.

Синъясӧс куня да —
 помӧдыс видзӧдны кӧсья:
 югдӧма, дзользьӧны пышкайяс, баксӧны мӧсьяс.
 Тӧвруыс дурӧ
 да котралӧ потшӧсьяс пӧлӧн.

Пӧльыштас —
 ӧвтыштӧ турунӧн, тшынӧн да йӧлӧн.

Синъясӧс куня да,
 кадыс и олӧмыс сувтӧ:
 овнысӧ позьӧ мӧй — помасьтӧг,
 мортыслы — кувтӧг?

Вежнысӧ позьӧ мӧй
 мортыслысь олӧмсӧ, нэмсӧ —
 лоӧмсӧ, бырӧмсӧ, индӧмсӧ, абусӧ, эмсӧ...

Висьтасьӧм

Кыз нӧ он шогсьы да
 кыз нӧ он бӧрд?
 Мортыдлӧн сьӧлӧмыс
 абу тай кӧрт.

Сетӧма сьӧлӧм да
 сетӧма лов.
 Шуӧма Енмыс да —
 Кыдзи он ов?

Индӧма уджсӧ да,
 кыз нӧ он берт?
 Ныв-питӧ чужтін да,
 сӧсся тай верд.

Олӧмыс сьӧкыд да —
 кыззи он ёр.
 Овлывлӧ мелі да,
 кыззи он кор.

Сьӧлӧмыд скӧрмас да,
 кыззи он шу?
 Сӧсся тай пиньяс да
 шогысла ю.

Кыз нӧ он эскы да
 бурсӧ он чайт,
 кыз нӧ он кевмы да
 кыз нӧ он кайт?

Юр выв тыр уджыс да —
 кыыд оз судз:
 кыз нӧ он дзормы да
 кыз нӧ он музз?

Кулан да дзевасны,
 мортыд тай жеб.
 Шуӧма ловлы да,
 кыззи он лӧб?

Таладор югыдас
 эштӧма удж.
 Мӧдарас колӧ да,
 кыззи он вудж?

Кыз нӧ он шогсьы да
 кыз нӧ он бӧрд?
 Мортыдлӧн сьӧлӧмыс
 абу тай кӧрт.

* * *

Арыс — воӧма.
 Зарни лоӧма.
 Пельыс гӧрдӧдӧ,
 сьӧлӧм бӧрдӧдӧ.

Лымйыс — водӧма.
 Дойй — содӧма.
 Абу бырӧма,
 лымйӧн тырӧма.



Нина КУРАТОВА

Челядьлы висьтъяс

Жу-у! Жу-у!

Шуриклөн дедöйс да ыджыдджык вокыс, Васьö, мөдiсны вөр видз выlö турун ытшкыны. Шурик пондiс вöзйисьны:

— Ме тшöтш кöсья ытшкыныыд ветлыны.

— Ытшкысь! — серöктiс Васьö вокыс. — Босьтiм эськö, да вед верст-мöд лоö сэтчöдз, мудзан. Дай номйöсь...

— Ме ог пов номъясьсыд, ме найöс этадзи вачöдны кута! И ог мудз! Тöданныд, кызди ме котрала!

— Но, сiдз кö... Мунам! — сöглас сетiс дедыс. — Миянлы тшай кöть пузьöдан.

Восьлалiсны вөр трöпатi. Тани ыркыд, но төвру оз веськав, сы вöсна и номъяджык. Да нöшта и пу вужляясыс сконйöдлöны ичöтик зонкаöс. Мудзыштiс, дерт. Но места вылас воисны, да пыр и вöзйис:

— Дедö, бипуртö öзты. Ме пузьöда тшайтö!

— Нөрöвитлы, — паныдалiс дедыс. — Дзык пыр огö жö пондöй чайöвайтны. Уджалыштам первой. Пажын кежлö и пузьöдан. А öнi пока мун, со эстөн чöскöдышт вомтö. Видз пölöныс зэв уна оз овлö. Дедыслы на, колöкö, кабырад ваян дай.

— Васьöлы вая и! — пöслукман зонкаыд пыр и уськöдчис видз пölöныс быдмысь вөрлань, сэтысянь нин дугдывтöг пондiс чуксасыны да горавны. — Дедук! Ме аддзи, аддзи! Пев пом кодьöсь! Ой, мыйта-а-а!

— Кокась! — воча горöдлiс дедыс да шарскöдiс лэчыд косанас небыд корья вөр турунсö. Кадысь кадö сувтовкерлiс да ловсö шойччö-дiгмозыс видзöдлывлiс ыджыдджык внукус выlö. Сийö со кужтöг песьсьö-вöтчö покоснас дедыс бöрся.

Муртса удитiсны ытшкысьяс покос-мöд вöчны, вөр дорсянь кылiс лёк горшöн чилöстöм, сэсся и ачыс чилзысьыд мыччысис сэтөр кустьяс сайсяньыс. Шенасигтыр сийö вартöдiс ытшкытöм турун вывтыiс веськыда дедыслань.

Ытшкысьяслы ковмис энöвтны покоссö, уськöдчыны чилзысьлы паныд.

— Мый нö лоис?

— Жу-у! Жу-у! Жу-у! — сöмын и артмис зонкалөн.

Васьöлөн петiс серамыс, кор аддзис ичöt вокыслысь пыктöм синсö да гөрд морковь кодь льöбсö. А чушкысь зiыс сы гөгөр сiдзи и гартчö. Гашкö, сёөн!

Дедыс чирыштiс Васьöос, сералан пö сэн! Кватитiс ичöt внуксö, ляскис му бердас. Ачыс лажыньтчис сы весьтö.

Васьö эз и удит пöттöдзыс серавны. Пуля моз мыйкö сатплiс пель бокас, сотыштiс биөн син дорсö. Скөрмöм ош моз равöстiс сийö

да паськыд дора шляпанас өвтчитыр мөдiс места вылас бергавны. Аддзывлан тай телевизорсьыд, кызди шаманъяс йөктöны!

Регыд чушкыльяс эновтiсны найöс. Разöдчисны. Дедыс вайöдiс ым-зусь внучоксö кыз пу дорö, кытчö öшöдлiсңы көлуйсö да пажын сумкасö, такöдыштiс:

— Энлы, энлы, бурдöдам, корсьлам волшебнöй турун да ляскам чушканинас, и дзик пыр бурдан. Первой делö на юышты юмов чайсö, дэбыдкодъ на. А свеча листыд сюрас... Важөн менö пöчö быд висьöмысь свеча листнас бурдöдлiс: чирей петас — ляскö, чуньыд вундыяс — бара жö свеча листөн көртыштас. Кынöмыд кө висьö — пуодас да васö юктöдас. Босьтö став дöйсö...

Дедыс видз вывсьыс, тальöм трöпа дорсьыс и нетшкис кутшöмкö турунъяс да лясöдiс Шуриклы дояинъясас, кайтiс-варовитiс:

— Бабö эськö и мыйкö шуалö на вöли, да миян и сiдз бурдас! Локтiс на дорö и Васьö, кодi пышйылис шор мөдпöлөдзыс. Сийö ниралис пыктöм синсö да броткис-пинялис ичöt воксö:

— Дур-ракыд... Кытысь и вайис та мында паразитсö?

— Да-а... Кухöмкö хар, мач кодъ, öхалö хетөр ху-устын... — пыктöм льöбсö чургöдöмөн висьталiс Шурик.

— А-а, позсö, инö, аддзин да вөрзьöдiн? — тöдчöдыштiс дедыс. — Правильнö вöчисны, молодеच्याс! Бура дорйисны асьыныс оланiнсö! Тöданныд, мыйта кад зiяссылы колö песьялыны, медым артмас налөн шоньд позйыс? Найö первой сiсь пу ноньялöны ичöтик вомнас. Дуль сорнас сэсся артмö налөн мыйкö руд кабала кодъ. А сийöс вед нöшта на колö клеитны, лöсьöдны дай артавны, мед артмис позйыс. Вот, пиукъяс! Колöкö, тöлысьясөн ноксьöны-вöчöны позсö, а Шурик миян öти здукөн раснитiс дай!

Васьö эскытöма кывзiс дедсö да медбöрын серöктiс:

— А тэ, дедö, кысь тайöс тöдан? Миянös, наперво, эз велöдлыны школаын-а.

— Тайös ме лыддылы кыськö, — воча кыв сетiс дедыс да ышлов-зьöмөн содтiс: — Школаад, пиукö, ставсö он велöд. Менам дед на меным шулис: "Олöмыс велöдас. Олöмыс ачыс школа!" Да вед, Шурикö-Жужурикö? Жу-жуясыс велöдыштiсны тэнö талун?

Шурик тiлис пыктöм синсö. А дедыс Васьöлы моз шуис, кодi пуксис уна тöдысьö:

— Тэ, пöдикö, чайтан: древнöй Китайын медводз кабалатö лöсьöд-лисны? Школаад, шу, сiдз велöдiсны? Да öд!.. А сөрöны. Эз китаечьяс, а этайö жужуясыс и думышталöмаось. Гашкö нин му пуксьöмсяныыс...

Васьö лöньöма, кывзö дедсö. Оз нин серав, и ичөтджык вок вылас оз скöрав...

Ортсö колькъялысь чипан

Асывнас тэрыба нюм-нямкерöм бöрын Василёк көсйис нин уйкнитны ывлаö, да мамыс чукöстiс. Энлы на пö пышйы, көнтусь сера чипаныд вежон нин оз колькъяв позъяс, тшук бокö вайö. Кыйöдны пö ковмас тэныд, пиукö.

Чушкöдiс парсö Василёк, да ыджыд вокыс сэтчö суитчис:

— Васёк! Ыждадан тай нö. Рытнас мотоциклөн гурийöдыштны көсйи-а.

— Мотоциклөн? Ур-р-ра!

Öнi Василёклы мый котъ тшöкты — ставсö вöчас. Мамыс тöдö нин тайös да уна сёрнитöг и сетiс наказсö:

— Чипанъясыд кильчö помынöсь на, босьт шыдöстор да вердышт. А сэсся видзöдывлы сера чипан бёрсяыс. Гашкö, бара пöжсьыны көсйö. Мöйму льöм пу йөрö вöли поздысьöма-а.

Василёк кватитiс мам кысьыс шыдöс гырничсö, чепösйис кильчö помас чипанъяссö вердны. Найö öдийö чукöртчисны, котсöны да ко-касьöны öта-мöдныслы вежмөн.

Быри сёяныс, пондiсны разодчыны кодi кытчö. Кымынкö курöг со куйод чукöрлань мöдiсны, а көнтусь сераыс кольчис, туй выв бус пиас пондiс пуркйисьны. "Мед пуркйисьö", — бурасис Василёк.

Здук кежлö и ылавлiс, кильчö помас энöвтöм мачöн ворсыштiс Василёк, кватитчис, а сера чипаныд некөн оз тыдав. Вошöма кытчöккö...

Но и корсыштiс жö! Став йöрсö кытшовтiс: лём пу садьяс пыралiс, звöз вывтис сараяс кайлис, град костьястi ветлис — некөн абу. Бөрти сэсся амбара-көбрега костас видзöдлiс. Сэни и вөлöма мудер позйыд! Небось, аддзöма местасö! Весът куим пасьта и эм костыс, бёрсяныс и водзяныс пöвьясөн на тупкöма. Некод нин сэтчö пырны оз вермы! Мамыс жытника-көбрега костас тулыснас пакля шыбитлис, сэтчö и тейöма колькьяссö. Сизим еджыд гöгыль тыдалö. Но и көнтусь сера чипан!..

Рыгнас мамыс ошкыштiс Василёкös, а чипансö пондiс пинявны, быд во пö пöжсян...

— Но, мамö, мед! Сильöпиян лöоны!

— Дерт. Кыдзи сэтись колькьяссö судзöдан? Мед лоас тэ ног. — Быттьö пиыс ставсыс мыжаыс, да öни сыкөд и бурасис мамыс. — Петасны сильöясыс да тэныд жö ковмас чередитны, вердны и юктавны. Быдтам да уна кольк сёйны кутам.

Сералö мамыс. И Василёклөн серамыс петö.

Но, вөлöмкö, оз на и дзик пыр чужны сильöпияныд. Вежон кык-ö-куим виччысьны ковмис. Василёк весиг вунöдлiс нин на йылысь. Но öти асылö мамыс чукöстiс сийöс, видзöдлы пö. Василёк кыз тай горöдiс:

— Мамö, мамö, эмось! Кыкөн! Ичöтикöсь!

Мамыс свйыштiс Василёкös:

— Лöнышт. Повзöдан чипансö. Мед ставыс петасны.

Василёк гажаа, йöктигырийи горзiс:

— Мамö, а ме сыланкыв нин лöсьöдi! Кывзы!

Сера чипан бёрся

Сизим сильöпи,

Котöртöны ме дорö,

Со пö — тайö ми!

"Лöсьыд, лöсьыд", — кайтiс мамыс.

А Василёк мöдысь на сылансö нюжöдiс: "Сера чипан бёрся..."

Часi, Барабан да Кöза

Борялы батыс карысь вайис зэв дона козин — кийн новлан часi. Радыс сылөн! Ошйисьöмыс! Сиктын быд паныдасьысьлы юөртö, со пö менам мый эм!

Тадз вежон-мöд нимлун сёйысь туйын олiс Боря. А сэсся дöзмыны кутiс. Урок вылас оз учительницасö кывзы, а часi точкöмсö: мунö-ö? Кымын минут нин колiс урок помöдзыс? Нöшта и ёртьясыс тувкöдöны бокас, юасьöны сийöс жö.

Анна Алексеевнаыс сёйысь нин öлöдлiс, Горинов Борис пö, двойка вед пукта поведениесьыд. "А збыль кö пуктас? — мөвпалiс Боря. — Тайö часинад и быдөн! Босьта да вежся Майбуров Шуриккöд. Сийö барабан көсийö сетны..."

Шуöма — вöчöма. Дыр падъявны Боря оз радейт. Урокьяс бёрас и мунiсны барабанысла. И со нин Боря восьлалö гортланьыс — во-мыс пась. Морöс бердас топöдöма барабансö.

— Пöчö, пöчö! Видзöдды! — ылысянь на горзö Боря.

— Но-о, тайö нö нин кытысь? Эн-ö школасьыд гусяв? — шензыштiс пöчыс.

— Мый тэ, пöчукö? Шуриккöд вежсим. Часiöс та вылö сетi сылы!

— Часiтö? — шлапкерис пöчыс. — Батыд мый шуас? Кучиктö öд куляс?

— Да ми эг пыр кежлö... — ыджыд морт моз доньялис Боря. — Эн пов! Бурджык, ме тэныд ворсышта.

— Ворсышт, инö, — сетчис пöчыс да пуксис кильчö пос вылас ворсöм кывзыны.

Ок и шызьöдiс чöв-лөнсьö барабан шыыд! Чипан-петук кодi кытчö гузьöбтiсны, куканьныс дiвзö да бöжсö лэптöмөн чеччалö йöр пась-талаыс.

— Аминь, аминь! — öвтчö кинас пöчыс. — Öвсьы, пиук, öвсьы! Пыр гортö, сэн таркöдчы...

Ок и пессыштiс Боря, ок и тотшкöдiс барабанас. Дждж шöртiыс öтарö-мöдарö маршируйтöмөн...

— Но-о, сьöлöмыд эз на бурмы? — шыясис пöчыс, час мысти кымын пырис да. — Вай энöвты. Кынöмыд, пöди, сямалö?

— Артмыштны нин кутiс, да торкин! — дöзмис Боря пöчыс вылö, но сэсся бурасис жö. — Ладнö! Сёйышта, да выль вынөн босьтчыла...

Эз на удитны пызан саяс пуксьыны, бабыс видзöддiс öшиняс да сöткигыр чепöсийс öдзöсланьыс:

— Господи, Кузьмалөн кöзаяс абу пемöс, а сöтана! Муртса на вöтлi град вылысь, бара пырöма!

— Часлы, ме сылы петкöдла пуж! — кватитiс Боря барабансö да вöтчис пöчыс бöрся.

Первойсö, повзьöмысла, буракö, кöзаяд кынмылiс места вылас. А сэсся тай лыйыштiс градъяс вомöныс да потшöс сайö. Боря кольöдiс сiйöс потшöс дорöдзыс да нöшта на йöр гöгöрыс кытшовтiс барабанас сизьдiгыр. Со пö көн границаыс!

А тайö кадас кöзалөн кöзяиныс, Кузьма пöль, буретш пывсян кöджас петöма ыркöдчыштны. Кылöма да пасьтöгыс и ырс петiс ывла вылö. Война пö ли мый заводитчöма, пулемётыс тай лыйсьöны! Аддзис барабаннад таркöдчысьтö, матькыштiс:

— Едритвой! Тайö тэ, Борыс, тадз пулиганитан? Петшöр колö гач пытшкад суйны!

— Мыйысь, дедунь? Ме кöзатö, йөрö пырöма да, вöтлi.

— А-а, Миляös, шуан? Йöлөн вердысьöс менсьым? Сiйö, биа бугыль, быдлаö пырас! Талун асыв пывсян вевт вылысь аддзи, тру-басö люкалö. Лои ноксьыштны трубанас, да öти сайысь и ломтi. Тэ тай, чирукö, пывсьыны эн сет-а, — нюмсермунлiс Кузьма пöль. — Петшöртö, Борыс, коркö ме тэныд гач тырыд сюявла на. А Миляös чеп йылö пуксьöда-а...

Боря мөдöдчис гортланыс. Пöчыс дорö матыстчигөн небыдика нин тотшöдiс барабанас да сьылис:

Но и кö-за Кузь-ма пöль-лөн,

Абу пе-мös — сö-та-на...

Сö-мын вöт-лан сi-йös йö-рысь,

Чöр-тыд, ба-ра пы-рö-ма-а,

Став ка-пус-та йи-рö-ма-а...

Пöчук, пöчук, артмыны кутiс! Да вед?

— Артмö, артмö...

— Бабö, а кöсьян, ме тэныд тайö барабансö козьнала? — ловзис Боря. — Кöзаяс кö нöштаысь пырас йöрад, тэ сöмын босьт барабансö да таркнит!

— Лок пырам, барабанштшык! — пыригмозыс нин шуыштiс пöчыс. — Шыдным кöдзалас...

Боня-Бонифаций

Йвла вылысь Серёжа аддзис няйт понпиös, да пыртiс гортас:

— Мамö, видзöдлы, мем кычипи сюри!

— Мукöдыс шыбайтöны, а тэ гортö ваялан! — дöзмыштiс мамыс, но водзö эз жö кут пинясьны, аддзис коньöр кодь ёкмыльтö да. Жальыс на петiс. — Оль-оль-оль! Чожа вай шоныд ва, мыськыш-там да йöлөн юктöдам...

Купайтём да шоныд позйын узтьодём бёрын, аскинас понпиыд збоякодь нин варгылясис джодж кузяыс. Серёжалён радыс!

— Быдта да кыйсыны кутам ветлыны, — кайтис сийё да майшасис, кутшём ним пуктыны. — Мамё, а вай Бонифацийён шуамё. Мультикад тай Бонифаций жё вёлі.

— Ме пондаысь... Бони көть Патей. Мед, колёкё, тэ ног лоё.

Одйё сөвмис Серёжалён быдтасыс. Но ичёт рёд вёлёма, явё абу вёралысь пон. А сідзсё зэв визув да төлка лои. Мыччыв кампеттё — кызд служитас!

Отчыд Бонифаций вошис кытчөкё. Лун-мөд эз мыччысьлы. Ыш-лолалё, шогсьё Серёжа, гашкё пё и абу нин ловъя? Ловъя вёлёма! Локтис гортас коймөд луннас. Никсё, нюлө Серёжаос, тшөтш гаж-төмтчөма. Сэссия регыд и кынөмыс быдмыны кутис.

— А сё лешакё, Патейыд тэнад нөбасьё да! — понсё малалём-вид-лалём бёрын юөртис мамыс. — Вот козыналас тэнад гоз-мөд ичөт Бонифацийёс, төдлан сэк! Он кут ыждавны да конлет корны!

Серёжа чөв оліс. А кор Бонифаций чужтис, лөнөдыштис мамсё:

— Мамё, эн пинясь. Оверин Шурикъясыл сетам. Сийё корё вөлі...

Но Оверинъяслөн мамыс паныд сувтис, кор зонъяс вайисны пон-питё. Ог пё лэдз гортё и ставыс! Пон кө пё көсьян, ачыл, пиукё, пет понйыскөд, кильчө пос улын ов!

— А вай нуам базар вылө либё козыналам кодлыкё, — вөзйис мед-бёрын Серёжа.

— Збыль, вай базар вылө и нуам, — сөгласитчис другыскөд Шурик, но стөчмөдіс. — Ог козыналө, а вузалам. Татшөм мусаниктё быдөн ньөбас.

И со кык друг базарынөсь. Одйё и кытшалісны найөс челядя мамыс да зонпосни. Любуйтчөны мусаник понпинад, а босьтны некод оз көсьы. Жугыльмылісны нин зонъяс, да друг кыськё өчкаиа дядьё воис. Ква-титис понпитё, гажа гөлөсөн юаліс:

— Вузаланнды? Ух, меным татшөмыс и колө! Пөнимайтанныд... Внук менам... Нимлун талун сылөн! Корё понпиөс! Кутшөм пөрөда нө эськө понйыд?

Зонкаяс видзөдлісны өта-мөд выланыс. Мый вочавидзны, оз төдны.

— Но, ай-мамыс кодьяс? — эз чөвтчы дядьыд юасьёмсыс.

Серёжа шуан кывсё эз на аддзы, Шурик ляпнитис:

— Зэв бур пөрөда, дядьё, зэв бур! Служитны и быдөн кужё! Со Серёжаяслөн Бонифацийыс вайис!

Дядьыс гөрөктөмөн сералө:

— Збыль тай бур пөрөда! Бонифаций кө вайис... Но, вокьяс... Уна-ө нө коранныд?

Воча кыв сетны бара на Шурик водзмөстчис:

— Мыйта абу жаль, дядя. А каитчыны он кутөй, кажитчас внук-ыды. Кутшөм на ещө артист лоё ичөтик Бонифацийным!

Дядьыд кыскис гач зепсыс даса, мыччис Шуриклы, сэссия ква-титчис: "Ах, ті кыкөнөсь!" Мөд даса на мыччис Серёжалы.

— Но мый, зонъяс, в расчёте? — рочалыштис медбёрын дядьыд, суйис питшөгас понпитё дай муніс.

— Тэнад Бонифацийыд најөтка на пондас сетны! — шмонитис Шу-рик, кор зонъяс петісны базар вылысь.

— А тэныд абу жаль ичөтик Боняыс? — Шурик дінө шыасис Се-рёжа. — Эсийё зонкаыс оз кут өбижайтны?

— Да мый тэ... Оз, дерт! Татшөм мусаниксё!

— Ме сідз жё чайта. Мамыслы висьталам, мый бур семьяё веськаліс...



Каллистрат ЖАКОВ

Зарни мойд

Өти сиктын овліс вывті голь морт. Та вöсна сьлөн эз вöвны ни ёртгяс, ни вөрөггяс. Ёна шогёдіс морттö татшөм олөмсьыс. Матö воис өткэлунсьыс, гольлунсьыс: некодлы сьодз абу некутшөм мог. Вий-сис-майшасис тадзи, дөзмис шудтөм олөм вылас да и муніс чужан-оланінсьыс, мед сэсся сійөс некод оз аддзыв. Муніс да муніс уна лун да вой — зэв паськыд восьсаинө воис, некөн ни өти морт оз тыдав. Сувтіс эрд шөрас, чатөртіс юрсө енэжлань да синва сорөн кутіс норасьны кодзувьяслы аслас курыд, некодлы ковтөм олөм вылас: "Кодзувьясөй, югыд кодзувьясөй! Мыйла ті меным сетінныд му выв олөмсө, а эн сетөй ни ёртгясөс, ни весиг лёк вөчысьясөс, эн вичмөдыштөй некутшөм сям ни озырлун? Некодлы ме таладор югыдас ог ков!" — шуис тайөс да видзөдліс асыввылань, кытысянь шондыс садьмө да кыпөдчө. И аддзис ылысь, көні помтөм-дортөм эрдыс енэжыскөд өтлаасьө, зэв джуджыд мусюр. Кокньыдик руөн тубыртчөма енэжсө люкалысь мусюрыс.

"Ветла сэтчө, кайла мусюр йылас, — шуис аслыс бөбыль, некодлы ковтөм морт, — ог-ө мыйкө сэтысь аддзы, оз-ө шудаджык ло курыд олөмөй".

Шуис тадзи, муніс мусюр дінө да и кутіс кавшасьны вывлань. Вывті сьөкыд вөлі вильсьялан изьяс вывті катгысьны вывлань. Помасьлытөм кузьөн кажитчис изьяс да кустгяс костті кытшалалысь туйыс. Кымөргяс пыр матыстчөны, а мусюрлөн йылыс некөн оз тыдав — енэж пыдөсөдзис сатшкысьөма. Но мортыс та вылө эз элясь, кавшасис пыр вылөджык и вылөджык. Катгысяс-катгысяс, усьө эбөссьыс, тшыгьялас — шойччыштны пуксьылас, вотөсөн пөткөдчыштас и бара водзө, вывлань да вывлань. Косьмыны кутас горшыс — юыштас изьяс костөд дзольган ключысь сөстөм кодзыд васө, содыштас выныс и бара водзө кавшасьө. Дыр-ө, регыд-ө тадзи мурталіс мортыс кузь, сьөкыд туйсө — некод оз куж висьтавыны. Мойдад тай ставыс өдйө и кокниа артмө, а збыль вылас быд сыв, быд воськов зэв уна вын босьтө, ки-кокьясыс мудзысла рудзалөмаөсь нин, укшальмөма дзикөдз мортыс.

Дыр-ө катгысис-кавшасис мусюр боктыс мортыс, сійө и ачыс оз төд, но коркө-некоркө воис жө йывланьыс. Зэв пөрысь пөльөс аддзис, юрсиыс, ус-тошыс лымйысь еджыдджык. Пукалө нитшсялөм из вылын дедушыс, веськыд киас эзысь чарла кодь төлысь кутө.

— Дыр-ө, висьтав, дедушө, мөдан кутны киад чарла-төлысьсө, дыр-ө нөшта кутан югөдны пемыд войяснас му вывсө? — юаліс пөльысь.

— Дыр на, — вочавидзис дзормөм пөль. — Төлысьовса мирыслөн

вояс лыдыс эз на тыр, — шуис тайӧс да ӧвтыштӧс кинас водзлань, висьталӧс тайӧн, мед мортыс водзӧ мунас.

Мортыд бара водзӧ кутӧс мунны. Изйысь изйӧ, пыр вывлань и вывлань каттысьсӧ. Со нин дугдӧс тыдавны зысы чарла кодъ тӧлысьсӧ кутысь пӧлыс. Зэв нин вылӧ сэтгысян мортыд кайис. Видзӧдӧ: хрустальной двореч дорӧ воис. Пырыс тыдалана стенъясыс лӧза-вижа-гӧрда рӧмӧн лун югыд водзас ворсӧдчӧны.

Сувтӧс двореч водзӧ мусюр йылӧ кайысь, видзӧдӧ чуймӧмӧн аддзывлытӧм двореч вылас. Петӧс сӧки дворечысь зэв мича ныв. Киас шондӧ кутӧ. Локтысь вылӧ видзӧдлытӧг нылыд юсь моз, зэв ичӧтик воськовъясӧн кытшовтӧс хрустальной двореч гӧгӧрыс, югдӧдӧс мусюрсӧ йывсяныс подулӧдзыс да тшӧтш и му вывсӧ ставнас, кӧнӧ йӧзыс олӧны.

— Дыр-ӧ на, мича нылӧй, кутан югдӧдны шондӧнас мусюрсӧ да му вывсӧ, кӧнӧ йӧзыс олӧны? — юалӧ мортыд.

— Дыр на, — вочавидзис мича ныв. — Шондӧувса мирыслӧн вояс лыдыс эз на тыр, — шуис тайӧс, ӧвтыштӧс кинас, мед му вылысь локтӧм морт водзӧ мунӧс, а ачыс пырис хрустальной дворечас.

И мортыд мӧдӧдчис водзӧ, гӧра йывлань. Дыр кавшасис-каттысис да петӧс джодж кодъ шылыд веж луд вылӧ. Турун пӧвстас быд пӧлӧс дзоридзыс быдмӧ. Гажа эрд вылас посни челядь ворсӧны. Быд нывкалӧн и быд зонкалӧн киас, бытгӧ мича тувсов дзоридз, алмаз мӧз ярьюгыд кодзув югъялӧ.

— Ӧмидз нывкаяс, оз тусь зонкаяс, дыр-ӧ на нӧшта коли тӧянлы котравны веж луд вывтӧыс кодзувъяснас? — юалӧ му вылысь локтӧм морт.

— Дыр на! — ӧтгшӧтш гораа вочавидзисны нывкаяс да зонкаяс. — Кодзувъясувса мирыслӧн вояс лыдыс эз на тыр!

Вочавидзисны тадзи дай ӧвтыштӧсны кияснаныс, висьталӧсны тадзи мортыслы, мед сийӧ водзӧ аслас туйӧд мунӧс.

И бара вывлань да вывлань кутӧс кайны му вылысь локтӧм морт. Мунӧс-мунӧс изыяс гӧгӧр кытшлалӧмӧн, а кытӧ позыӧ, и веськыда кавшасьӧс, да воис зэв ыджыд двореч дорӧ. Стенъясыс дзик мусюр до-рышӧдыс кыпалӧны, некугӧ кытшовтны ни ордйыны оз позы.

— Лэдзӧй! Лэдзӧй менӧ! Петкӧдлӧй, кӧнӧ ӧдзӧсныд! Восгӧй! — кутӧс горзыны коньӧр дядьӧ.

— Морты татчӧ пырны оз позы! — кыліс двореч пытшкӧссян гӧлӧс. — Виччысьышт, сулалышт недыр стен дорас да видзӧдышт, мый водзӧ лоӧ...

Видзӧдӧ морт да аддзӧ: энэж вылас друг уси ыджыд сьӧд вуджӧр да кутӧс нӧбжӧйник, гӧвкъялӧгыр кывтны лӧзалысь саридз вывтӧыс.

— Кодлӧн нӧ тайӧ вуджӧрыс? — юалӧ морт.

— Сылӧн, кодӧс быдӧн корсьӧны, но некод оз вермы аддзыны Сийӧс, — вочавидзисны двореч пытшкӧссян.

Кор вуджӧрыс кытшовтӧс ставнас энэж саридзсӧ, востисны дворечысь лыдтӧм посныдик ӧшиньяс да сэтшӧма югдӧдӧсны став мусюрсӧ, Ен ув му вывсӧ, бытгӧ ӧтпырӧ ломзисны некымын сюрс шондӧ.

Морт вывтӧ ена повзис да усыкӧдчис двореч водзӧ кымынь. И бура вӧчис. Видзӧдыштӧс кӧ эськӧ кӧть звук ярьюгыд шондӧслӧн югӧръяс вылӧ, нэм кежлас эськӧ коли синтӧг. Кор дворечысь ӧшиньясыс бӧр пӧдлассисны, мортыд сувтӧс да юалӧс двореч пытшкӧссалысь:

— Кодӧ ӧзтыліс татшӧм югыд бияссӧ?

— Тайӧ биыс Сылӧн, кодӧс быдӧн корсьӧны, но оз вермыны аддзыны. А ӧнӧ, мортӧй, бӧр лӧччы му вылад, сӧсся таысь ӧтдор нинӧм нин татысь он аддзыв, мусюр йылӧ тӧныд туйыс ӧнӧ пӧдса на: Мирыслӧн вояс лыдыс эз на тыр.

Морт бергӧдчис да кутӧс бӧр лӧччыны мусюр боктӧ му вылӧ. Лӧччынысӧ, казяліс, вӧлӧма кайӧм дорсьыс нӧшта на сьӧкыдджык, но дырӧн коркӧ воис и кодзувъясӧн ворсысь нывкаяс да зонкаяс дорӧ. Ӧти зонка матыстчыліс морт дорӧ да сетӧс козин пыдди югыд кодзув.

Шондiн двореч гiгiрыс кытшовтысь мича ныв сетiс мортлы чiс-кыд вотiсьяса пулысь чальсi.

Медбiрын воис сiйi лым еджыдiдз дзормiм, веськыд киас эзысь чарла кодь тiлысь кутысь пiль дiнiдз. Сiйi, сетiс мортлы нейджыд куа.

Коркi-некоркi, висътавны регыд, а мусюр вывтi лiччыны сьiкыд да дыр, но морт бiр воис му вылi. Восьлалi сiйi важ туйiдыс, гортланьыс веськiдчiма. Дыр мунiс, пуксис шойччыштны. Окота лои видзiдлыны, мый сетiс эзысь тiлысь кутысь пiль. Восьтiс кудсi — сы водзi зым сувтiс двореч. Пырис дворечi мортыд. Видзiдi да, зiв мича, сiстiм жырьяс сiтiнi. Жырьясас пызаньяс. Быдсяма сiян-юаныс. Пiттiдзыс сiйсiн-юис мортыд да iна и аттьiалис дзор пiльiс татшiм бур козинсьыс.

Петiс морт дворечысь, босьтiс вотiса чальсi, кодiс шондi новлiдлысь мича нылыс сетiс, тшукiдiс муi, и сiйi жi здукi двореч гiгiр кутiсны кышакивны чiскыд вотiсьяса да фруктыяса пуяс. Садыслiн помыс оз тыдав, сiтшiм сiйi ыджыд, паськыд да кузь. Видзiдi морт, а садьяс, пуяс костiдыс, зiв мича ныв ветлiдлi.

Морт аттьiалис шондiлiн дворечын олысь нылiс татшiм озыр сайдысь да матыстчис пуяс костiд ветлiдлысь мича ныв дорi.

— Кытысь, кодлiн нi тi татшiм мича нылыс? — юалi.

— Ме шондi нывлiн нылыс, а талунсянь лоа тiнад гiтырiн, — вочавидзис мича ныв.

Шензi морт, оз тiд кыдзи нимкодясьнысi, татшiм ыджыд шудыс сылы уси да. Веськiдiс сiйi кабырсi, кiнi ичiтик зонкалысь козинсi, югыд кодзувсi вiлi кутi. Кодзув гiгыльтчис ки пидiс вывтiыс, но эз му вылi усь, а кыпiдчис двореч весьтi да медся джуджыд зiб йылас iшiiс. Быдладорi югiрьяссi койi, быд ордым югiдi.

Озыр да шуда лоис мортыс. Дворечын олi шондi бана мича том гiтырыскiд. Озыр, но зiв лышкыд морттi быдiн кутiсны радейтны, пиди пуктыны — уна iртьяс сылiн лоисны. Но кодсюрiас и завидь-тiсны сылiн озыра да бура олiм вылi. Сiтшiмьясыслiн iти мiвп: кутшiмкi лiктор эськi вiчны.

Но бурсi сиысьяс iна унджыкiнiс, да та вiсна дворечас быд лун унаiн гiститiны. А лiк мiвпiн олысь войтыр ылiтi кытшлалiны.

Дворечлiн медся джуджыд башнявывса iсь зiб йылын пемыд войясын ярьюгыда ломалi мусюр вылысь лiччiдiм кодзув, мудзiм, тшыг да гiль iйзлы туй индалi. Морт вердас-юкталас, шойччiдас найiс да мунiганыс велiдас: "Мунi мусюр дiнi, кайлi йылiдыс, кiнi олi Сiйi, кодiс быдiн корсьiны, но некод оз аддзы. Сiйi ордын мортлiн шудыс и став озырлуны Сiйiлiн жi".

Эзысь мойд

Грездын олiс iти зон. Ыкша, тшав, весиг некодкiд оз сiрнит, некодiс весиг синнас оз кiсiы аддзыны. Мунас кытчiкi вiрi либi ю дорi, сайiдчас-пуксяс куст улi да мiвпалi, кыдзи эськi сылы лоны му вылас медыджыдiн, мед быдiн сылысь кывзысисны; лоны му вылас медся нималанаiн, пиди пуктанаiн; лоны му вылас медся озырiн, мед мый кiсiис, сiйiс и вермис ньiбны, — кiтъ став му шар вывсьыс эмбурсi. Гажтiм зонлы лоис чужан сиктас, чукiртыштiс ноп и мiдiдчис шудсi корсьны. Мунi, кытчi синмыс видзiдi, кодарлань кокьясыс нуiдiны. Лун, мiд дай коймiд, сiсся вежон дай мiдiс мунi. Тшыгьялас-мудзас, кутшiмкi шор дорын разьлас ноп кiвсi, нурьясьыштас, юыштас кiдзыд васi, шойччыштас да бара водзi мунi. Iбз оланiньясi оз кежавлы, сьiд вiр пыр писькiдчi, сиктьяс-грездьяс кытшовтi.

I со петiс зонмыд эрд вылi. Видзiдi: неылын зiв ыджыд ыргiн двореч сулалi. Сы гiгiрын пуяс быдмiны, статуяас сулалiны, вiвьяс

и мукод пемосьяс видз вылас, йоз быдлаын тыдалоны — и ставыс ыргонысь. Измөмаось быттьо, оти местаын сулалоны. Төвру абу, пуяс вылын вöснисыс-вöсни ыргон корьяс, оз шародчыны.

Пырис зонмьд двореч пытшкас, ветлөдлө жырийсь-жырийө, вездөдалө быдтор, шензьö: пызанъяс, дозмукъяс, стенъясын мича серпасъяс — ставыс ыргонысь. Оти пызан вылысь аддзис зэв ыджыд ыргон шар. Гижод сы вылысь аддзис, лыддис: "Коді босьтас менö да нуас сьорсьыс, сийö став му вылас кутас ыджыдавын, ставсö ас улас кутны".

"Тайö меным и колö!" — шуис аслыс зон.

Одва и кыпöдис ыргон шарсö, кызкө-мыйкө суйис-төрөдис мешöкас, нопъяс, петис ыргон дворечысь да водзö мөдöдчис.

Дыр-ö, регыд-ö мунис тшем парма пыр — Енмыс төдö, но коркө и бара петис югыд эрд вылө. Эзысьон гөгөр дзирдалö. А неылын, эрд шöрас, зэв ыджыд эзысь двореч сулалö. Сы гөгөр ставыс жö эзысь — пуяс, пемосьяс, лэбачьяс, йоз. Йирсьоны, лэбоны, кытчöкө мунöны, но быттьо измөмаось кутшöмкө здукö. Весиг төвруыс абу.

Пырис зонмьд двореч пытшкас, ветлөдлө жырийсь-жырийö, эзысь серпасъясон нимкодясьö. Эзысь статуяяс — пöрысь и том йоз. На пöвстысь мортыд аддзис бордъя зэв ичотик эзысь зонкаос. Сылон бордьяс вылас гижöма: "Коді менö босьтас сьорсьыс да ас ордас кутас видзны, сылы вичмас муывса став славаыс, вöльной свет вылас, мирас öтнас кутас нимавны".

"А тайос öд ме и корся!" — нимкодясьыштис зон.

Босьтис сийö бордъя эзысь зонкаос. Ноп пытшкас аддзöмторйыс эз нин төр, да мешök юрйылас кызкө-мыйкө көртыштис, петис дворечысь да водзö аслас туйöд мөдöдчис.

Тшем парма пыр мунö зонмьд лун, мөд дай коймөдос, вежон дай мөдос. Нопйыс зэв сьöкыд, пельпомъяссö вольтысыс вундöны. Пуяс подулөдз көть шондi югөръясыс и оз воны, но зонмыс пöсяöма. Ныльöмыс чужом кузяыс шорон лэччö, но аддзöмторьяссö — ыргон шар да бордъя эзысь зонкаос — оз шыбит, сьорсьыс нуö.

Дыр тадзи парматi мунис да коркө сэсся эрд вылө петис, и чуй-мөмөн-чуймис: эрд шöрас зэв ыджыд зарни двореч сулалö. Сы дiнын зарни пуяс сулалöны. На вылын корьясыс и лыскыс зарниысь жö. Подулас зарни турун быдмö. Зарни луд вылас зарни вöвъяс да мукод пемосьяс йирсьоны, сынöдын зарни лэбачьяс. Двореч дорын том и пöрысь войтыр — ставыс зарниысь, мича гөрдов бион быттьо öзийны. Но ставныс измөмаось, некод оз вöрзышт. Төвру оз пöльышт ни...

Зон пырис двореч пытшкө, ветлөдлө жырийсь жырийö, нимкодясьö зарни серпасъясон да статуясон. Оти пызан вылысь аддзис ичотик зарни пöвтор, а сы вылын гижöд: "Коді менö босьтас да аскöдыс кутас вöдитны, му шар вылас сийö лоö медся озыр мортон, вöльной светсö ставнас вермас ньöбны".

"Но, ставсö, мый вöли меным колö, аддзи!" — нимкодясьыштис зон.

Босьтис сийö зарни пöвторсö, кызкө-мыйкө көрталис ноп бердас вөн-торийон, петис дворечысь да бара туйö петис. Синмыс кытчö видзöдö, сэтчö и кокъясыс нуöны. А нопйыс сэтшöм сьöкыд — ныльöмыс чужом кузяыс куим шорон нин лэччö. Ноп көвъясыс пельпомъяссö зыртисны — нитш да кок ув турун вылас вир войталö, но аддзöмторьяссö — ыргон шар, бордъя эзысь зонкаос да зарни пöвтор — оз шыбит. Куим кусыньö крукыльтчöма, нырнас мусö люкалö, пиньсö мурч курччöма, мунö и мунö аслас туйöд. Кор нин дзыкөдз жуялас, кокъясыс дугдасны кывзысьны, сэки недыр шойччыштас, и — бара водзö.

Коркө зон петис сьöд вöрысь паськыд ыб вылө. Видзöдö — мужикъяс вөлөн гөрöны, нывбабаяс сылы выланыс падъянъяс öшöдöмаось — көдзöны, а вöвъяс динö сибалысь нин зонкаяс агсалöны-пинөвтöны көдзöм мусö. Борйын, наысь неуна бокинджык, ичот челядь ворсöны, пузчужом кагаясöс видзöны.

"Шензьöданатор тай нö ставыс! Ыргон дворечын ставыс мича, эзысь

дворечын и сысы на мича да гажа, а зарни дворечын ставыс югъя-лө — аддзывлытөм мич, гөгөр быттё öзйө алёй-гөрд биөн, мичлунсьыс юрыд кольмө... Но сэнi став мичлуныс измөма, оз вөрзыштны весиг пу вылын коръясыс, сынөдын оз пöльышт төвру, а танi со ставыс ловъя! Кутшөма, вөлөм, нимкодъмөдө, гажөдө му выв олөмсө ловъяыс, шонтө сёлөмтө! Ловъя ловыс, лолалысь вөр-ваыс мортыды зарниысь на мичаджыкөн, вөлөм, кажитчө!"

Зон чөвтiс пельпомъяс вывсьыс сьөкыд мешөксө, разис көртөдъяссө, перийс нопсьыс ыргөн шар, сы дорө пуктiс бордъя эзысь зонкаөс, зарни пөвтор, а сэсся гөрөм му помө кодйис джуджыд гу, мед сысысь кындзи некодды оз сюрны вайөмторъясыс, ставсө лэдзис гуас да тыртiс муөн — быттё сэтчө немтор абу и дзөбөма. Оз тыдав, а сiдзкө и корсьны некод нинөм оз кут.

Ставсө тайөс вөчөм бөрын зон мунiс грездас, пырис өти керкаө, шойччыштiс. Верстё нин ныв вердыштiс туй выв мортөс, висьтасис:

— Ола зэв нин пöрысь пöлькөд. Уджыс горт гөгөрын и му-видз вылын уна, а мужичөй кияс семьяын абу. Сьөкыда лоө өтнамлы ыджыд овмөссө нуөдны. Вот эськө верөс кө аддзысис?..

— А ме сайө мунан? — юалис зон.

— Муна! — ньöти падъявтөг веськыда вочавидзис ныв.

Гөтрасис зон, овмөдчис грездын. Гожөмын му-видз вылын уджалө, төлын скөтлы көрым вөлөн ваялө, пес кыскалө... И нимкодъ сылы.

"Ставыс танi ловъя! — дивуйтчө ас кежсьыс. — А мичлуныс ловъя-яддөн вөлөм медся на тыдалана да сьөлөм вылө воана! Он өткодяв ловъя мичлунтө ыргөн, эзысь да зарни царствоясса измөм, кын мич-лункөд!"


Уджалө мортыс шондi петөмсянь сөр рытөдз, мудзөм оз төд, уджсьыс пөтны оз вермы. Йөзкөд зэв варов, гөтырсө ёна радейтө. Нылыс зонмөс зэв жө пыдди пуктө.

"Оз ков меным ни слава, ни став му вылас нималөм, ни власть, мед быдөн вылын ыджыдавыны; оз ков озырлун, мый вылө позьё вольнөй светсө ставнас ньөбны, — ас кежас мөвпалө зон. — Аслам мыш вылын кыски-вайи ме и славасө, и властьсө, и некытчө видзны-таргайтны вермытөм озырлунсө, но аддзи сэтысь сөмын шорөн лэччысь вир сора нылөм, а танi, грездын, сэтшөм шудаа, гажаа олөны! Шудаөн лыддя ачымөс гөр вороп кутiгөн. Гөрсис-көдзис — градъяс гөнсялисны, муяс вежөдiсны. Менам да вөвлөн, кодөс медбур отсасьысьөн лыддя, уджным эз весьшөрө вош. Кыкнанным шудаөсь: менам и сьлөн — пөтөса олөм лоө и көдзыд төлын, и тулысын, кор град вылын и видз вылын нинөм на оз быдмы".

Зонлөн туй помыс тайө грездас и вөлөма. Аддзис сийө шудсө бур нывлөн гөлиник овмөсө пырөм бөрын, уджын ёна зильөмөн. Водзтi сийө вөли ыкша, асьсө кындзи некодөс эз пуктыв пыдди, көсийс лоны озырөн, вылө пуксис. А грездө овмөдчөм бөрын сьлөн керкаыс лоис быдөнлы пырны позянаөн. Зон ачыс кутiс корсьны варовджык йөзөс, кодкөд эськө позис сёрнитыштны водзө вылө нөшта на бурджыка олөм лөсьөдөм йылысь.

Дыр да шудаа олiсны гозъя, вөдитiсны видз-му, видзисны гид тырныс гырысь и посни скөтөс, быдтiсны челядьөс. А аслас дзөбөмторъяс йылысь — ыргөн шар, бордъяса эзысь зонка да зарни пөвтор йылысь, — зон быд лунъя уджнас-төжднас да семьякостса шуда олөмнас дзикөдз вунөдiс, быттё сэтшөмторйыс эз и вөвлы сьлөн олөмын.

Зэв важөн эжсьөм кыз му улын куйлөны зонлы өни ковтөм нин став му шар вылын помтөм власть, нималөм да некытчө воштыны вермытөм озырлун вайысь аддзөмторъясыс.



В. П. Кунгинлөн гижодъяс

1996 вося рака (март) төлысьö "Войвыв кодзув" журналын петалисны нин Василий Прокопьевич Кунгинлөн кык неыджыд гижод — "Коми ёбича" да "Котъем кывтыг". Вöлины и гижысь йывсьыс пасйодъяс. Казьтыштам сöмын, мый В. П. Кунгин — роч морт, чужломä Чергин каргорса Покча сиктын. Но том кадсянь став оломысь сылөн йитчöма Коми мукöд. И дзёбломäось-гуавломäось Вьльгортса шойна вылö.

Василий Прокопьевич вöломä сюсь вежöра, пискöс, унатор төдлом мортөн. Сылөн гижодъясыс зэв аслысьямäось, востöны лыддьысьысы Коми му да коми йöз олөм йылысь уна вьльтор. Вöзъям тияны В. П. Кунгинлысь нöшта некымын гижод.

Печораті бурлакалөм

Со и воис сийö кадыс, кор меным тыри 20 арöс. Айö и мам важөн нин мөвпавалисны, кор позяс инавны Печора кузя купечьяслы каюк кыскалысьөн — бурлакавны. Ме и ачим вöли рад, кутшöмкö көзяин медалас кö быттьö. Кывлі, мый Печора — ыджыд ю, каюк кыскалысь бурлакъясöс пö вель бура вердöны чериён и яйөн.

Пуксис тулыс. Айö иналіс менö купеч Сокотов ордö. Олөма нин купеч кывломä, мый ме пельк том морт, эбöса — öкмыс пудъя пызь мешöкъястö верма новлыны. Буретш татшöмъяс и колöны Печора кузя ветлігад — жебиникъястö оз босыны.

Мыйён сöмын Колва мездысис йи улысь, миянöс пырысь-пыр мөдöдисны пыжён Печора вывса Якша пристаньö: амбаръясын төвийдöм пызь да мукöд сёян сөвтны каюкъясö (гырысь пыжъясö). Аслас Пётр пиыслы купеч Сокотов тшöктіс, мед меным, том мортлы на, сетаवलіс кокниджык уджъяс. Пётр Иванович лыддис менö грамотаа зонмөн да индіс артавны пызь мешöкъяссö, быд кульö пасйыны мешöк лыдсö, сьöктасö и купечлысь пас: "И. Сокотов".

Татшöм службаыд мем зэв сьёлөм серти. Чукйöдз сөвтөм каюкөн петім туйö, Печора кывтыд. Көзяин, Сокотов, тшöктіс меным сетавны нянь — коды уна-ö урчитас.

Якша пристаньясьянь увланы, Ылыдз ю усянинöдз, Печора матö сё верст зэв изйöсь да визув. Ытва дырйи изьясыс оз тыдавны, найöс тырглö ыджыд ванас, а визувыс оз чин. Кывтім зэв öдийö. Мылдинöдз некыгчö эг сувтлөй. Дай сэні сулалім регыдик — Печора катыдын Сокотовлөн эз вöвны задатокөн нянь босьтысьясыс. Сувтлім дзик сымогысь, медем мылдинса поп служитіс молебен. Манитчим ёнджыкасö попöс да дякөнöс чöсмөдлөм понда. Поп сэтчöдз гөститіс, мый муртса верним петкөдны берегöдз көзяин каютаысь.

Ме аддзылі, кутшöм сюся да уна вузасыöны няньён Никола Алинлөн каюксянь — миянкöд орччөн сулаліс сийö. Тайö көзяиныс, Алин, кутö Печора кузяла задатокөн медся уна нянь босьтысьöс. Сийö буретш и урчитö дон и нянь вылö, и сов вылö, и мукöд төвар вылö. Ичөтджык вузасысьяс эз вермыны сыкөд венласыны да вузасисны, стöчджыка кö — сетавалисны няньсö чери вылö водзöсөн, сэтшöм донъяс серти, кутшöмöс пуктыліс купеч Алин.

Мылдинысь ми петім сöмын мөд луннас и сувтлытөг кывтім Савинборöдз (коми ногөн — Сава-Ягöдз). Сулалім сэні кык час гөгөр...

Аскинас воим Щугөр сиктöдз. Тані Печора ёна матыстчö Урал-Изланы. Каюксянь бура тыдалöны лымъя из йывъяс, торъя нин Сабля из. Щугөр ю сöмын на рыгтянас мездмөма йи улысь, шочиник палакъяс кыв-

тісны на. Та понда ва туй индалысь өлөдіс көзьяинөс, мед водзё кыв-
төмнас оз тэрмась. И Щугөрын ми сулалім сутки чөж.

Тайё сиктас мян каюкө воліс сибырса купеч А. М. Сибиряковлөн
дөверенной морт — Аркадий Яковлевич Кузнецов. Висьталіс көзьяинлы,
мый лөсьөдчө жө кывтны Печора горув Обь юсянь вайөм няньөн. Вич-
чысьё Якшаын стрөйтөм каюк. Миян көзьяинлы эз вөв окота сёрнитны
купеч Сибиряковлөн дөверенной морткөд — сійө өд лөсьөдчө вен-
ласьны няньөн вузасьөмнас. Та вөсна Пётр Иванович Сокотов эз ёна
и гөститөд кортөм гөстятө, да-й кывсьыліс, мый Кузнецов сійө каднас
ышмылөма юөмнас. Менам көзьяин шуис, мый купеч Сибиряков регыд
"сотчас" татшөм отсасысьяснас.

Мөд луннас ми петігм Щугөрысь. Ю веськыдладорсө, сиктсьянысь
улынджык, мичмөдісныгырысьысь-гырысь, выльөн на кыпөдөм
складъяс. Найөс лөсьөдөмаөсь Сибырысь вайөм нянь улө. Дөверенной
Кузнецов сулаліс берегас шапкатөг, дыр өвтчис мянлы еджыд ныр
чышкөднас. А мян көзьяин пырис аслас каютаө да эз и петав. Куз-
нецовлы воча өвтчыштіс картузнас ва туй индалысьным.

Куим лун мысти ми воим Усвавомө. Усваын йи сулаліс на. Да и
ачыс Печора, Усвасьыс увтіджык, вөлі йи улын. Ковмис виччысьны,
сулавны якөр вылын дзонь дас лун. Миян бөрся кутісны воавны и
мукөд каюкъяс. Медбөрын выль пароход вайөдіс некымын каюк Си-
биряковлөн няньөн.

Суслов вокъяслөн "Печора" пароход ветлө сөмын мөд тулыс на.
Печора вылын тайё вөлі медводдза пароход, коді пондіс вежны
бурлакъяслысь уджсө. А видлы гез помысь кыскыны каюктө Печора
вомсянь Якша пристаньөдз — кык сюрс верст өд!

Сэсья Усваын йи вөрзис. Пондіс мунны и Печораысьгырысьысь-
гырысь палакъясөн. Йи бөрся вөрзисны туйё каюкъяс. Миян каюк-
ным сувтис Изьва вомө, Красноборө. Тані ми сулалім быдса вежон,
виччысым пароход, кодөс медалөмаөсь катөдны некымын каюк Изьва
сиктөдз. Ю вомсянысь сэтчөдз вөлі сизимдас верст.

"Печора" пароход кылөдіс Сибиряковлысь каравансө Чилимдінөдз
да воис Красноборө — катөдны куим көзьяинлысь каюкъяс Изьваөдз.
Тані мян путешествуйтөмным эштис.

Көзьяин Сокотов зіля босьтчис вузасьны. Төлысь мысти нянь тыра
каюкным рекмис. Ме ставсьыс бура өтчитайтчи Пётр Иванович во-
дзын и бөр мөдөдчи гортлань.

А гортө веськөдчыны ковмис медводз Изьва ю катыд, Уквавом сикт
пыр Роздінөдз (Изьва-йив). Сэсянь Чера юөд петны Эжва вылө, Вөльдін
сиктө. Вөльдінсянь трактөд пыськөдчыны Печора юывса Мыдінөдз.
Водзө бара ю кузя катны Якша пристаньөдз, а сэсянь нин пыськөдчыны
Чердін карөдз. Сокотов көзьяинкөд каюк вылын ветлөмным кыссис стөч
куим төлысь. Печора ю кузя бурлакалан татшөм службаыс менам вөлі
кык гождөм.

Пармаын

Аслам чужанінын, Покча сиктын, менө бөрийлісны вөлөстъяс стар-
шинаөн. 1890 во вөлі тайё чинас служитан медбөръя воөн. Гожса
каднад вөлөстяд уджыс этша — мужикулов абу гортасөсь, тышкасьны-
зычитны некодлы. И вөлөстъяс писар шойччө. Вөлөстъяс правленньөө
көть эн и пырав.

И вот, помнита, сора (июль) медводдза лунө исправник корө менө
пырысь-пыр локны Чердін карө. Воис татшөм кабалаыд да, писар
Юдинкөд ми жуглам юрнымөс: мый могысь вөлөстъяс старшина ков-
мис исправниклы? И "пырысь-пыр"! Ме пасьтаси, босьті старшина
пасөс и петі туйө. И пыр мөвпала: мыйла ковми?

Сувті "Его сиятельство" Миллер водзө. Исправник горш тырнас
пондіс горзыны: "Николай Иванович! Со сійө, со, воис!" Чапыштис

менё сойбордйод, котөрөн пыртөдiс ыджыд вежөсө, вайөдiс штатскөй паськөма морт дорө. Очкаи морт сибөдчис матөджык, видзаасис киа-сьөмөн. Лөз рөма өчки пырыс видзөдөмөн висьтасис:

— Ме лоа көрт туйяс кузя инженерөн, Кончевский. Мөдөдiсны Петербургсянь корсьны Эжва вывса Керчем (Керчомъя) сиктө көрт туй пьськөданiн. Мем колө туй петкөддысь. Висьталiсны, мый тi, Кунгин, бура төданнды зырыналань нуөдысь туйяс. Верманныд лоны меным отсасьысьөн?

Вочавидзи, мый көть эськө и көйи, но ме служба вылын. Ставыс сы сайын, кызди видзөдлас та вылө начальство. Инженер чөвтлiс синъяссө исправниклань да шуис: "Зэв бур! Та йылысь верманныд не майшасьны. Менам эм Пермьса губернаторсянь восьса гижөд — властьяс мед отсалiсны меным!" Исправник зумыштчылiс эськө, но шуис: "Да, да. Меным губернаторсянь татшөм гижөд воис жө. Тiянөс, Кунгин, ми командируйтам господин инженеркөд, збыль кө төданнды зырыналань ветлан туйяс".

Инженер Кончевский корис менө пуксьыны пызан дорө, тшөктiс вайны сылы бумага да пондiс гижны. Гижөдсө мыччис меным, пер-йис зепсьыс 25 шайта сьөм да сетiс меным жө. Тшөктiс ньобавны туйө петгөдз ставсө, мый пасьялiс. Шуис, мый кык лун мысти локтас ме дорө Покчаө. Сзк кежлө пө мед вөли лөсьөдөма кык пара вөв, медым нюжмасьтөг петны туйө зыряна крайө.

Исправник Миллер коли дөвөлен, мый сюрис инженерлы татшөм туй индалысь. Пондыс весиг мекөд морт ногөн сёрнитны, прөщайтчис быттьө ас коддьөмыскөд и.

Вои гортө да висьталi, мый лөсьөдча ветлыны зыряна ордө. А мам пыр тiралөма, думайтөма, мый исправник чукөктiс менө татшөм тэ-рыбасө, мед чижовкаө пуксьөдны. Локтiс вөлөстьса писар, сёрнитi ськөд, ветлiгкостi ассьым могьясөс тшөктi нуөдны старөсталөн отса-сьысьы да вот чукөртысьы.

Ньобалi ставсө, мый вөли пасьялөма инженер, пондi дасьтысьны туйө петiгкежлө. Кык лун мысти миян керка дорө воисны немыын пара вөлаөн. Локтысьяс лыдын вөли и исправниклөн гөтырыс, код бөрся кыскасис Кончевский. Воисны куим лесничөй, полякьяс лыдысь, буракө... Регыд вайөдiсны миянлы вөвьясөс. Кык полицейскөй чинлы исправник тшөктiс колльөдны Кончевскийөс ветлiгчөжыс. Кор инженер прөщайтчис колльөдысьяскөд, ми петiм туйө. Телегаяс гөгөр йөз чу-көрмис тырыс. Быдөнлы окота төдны, мыйла да кытчө мунам. Но сөмын нин миян мунөм бөрын мам висьтавлөма бабаяслы, мый лөсьөдчөны пьськөдны көрт туй зыряна оланiнъясөдз. Регыд тайө юөрыс пась-калөма и сиктын, и матысса деревнясын да грездьясын.

Вөвьясөн миянлы удайтчис мунны сөмын комын верст — Кишко-ноговөй слөбөдаөдз. Тасянь зырянаөдз вөвлi гожся векньыдик ордым, но этшаөн кодi ветльвлiс сэтi.

Инженер Николай Иванович Кончевскийөс Петербургас на пов-зьөдлөмаөсь, мый өдвакө воас бөр ловйөн — ошгьяс пө сөясны. Татшөм сёрниастө кывлөм бөрад сийө медалiс нуны миянлысь көлуйнымөс сизим мужикөс. Кыкыслы на пиысь тшөктiс мунны водзвылын да ка-дысь кадө лыйлыны пищальысь, мед повзьөдны ошгьясөс. Мужикьяс, дерт, ёна шензисны, но первой луннас дугдывтөг лыйлiсны пуля-дрөбтөм патроньясөн.

Поводья сулалiс жар. Номйөн да лөддзөн тырөма гөгөр — луннас ни войнас покы аз сетны. Бур, мый ме, ветлөм-мунөм морт нин, босьтi сьөрись вон. Сэни и мездысьлим кутшөмакө.

Кончевский мунiс надзөн, зэв нин верст куим часнас. И миянлы ковмис кыссьыны сы өдөн жө. Вөлөк шөрас, Лопью дорын, вөли ыджыд-кодь казарма. Тшыналiм сийөс номьясысь да шойччим. Пётр Сидорович, татчөс стөрөжыс, чөсмөдлiс ставнымөс свежөй чериөн. Содтөд вузалiс Кончевскийлы өти шайтысь номйысь мездысян чышгьянсө.

Мөд луннас, сёрөнкодь нин, петiм водзө туйө. Зөридз нюр, Екате-

рина каналодз, ковмис вуджны кык лун. А каналодыс, кодлөн кузьятыс 18 верст, ми кывтім нин пыжён. Канава деревняын бара шойччим войколөн, и мододчим кывтны Котьем ю кузя. Канава деревнясян Керчомьяодз 160 верст. Татшом туйкостсö вуджим куим лунөн.

Помнита, Котьем ю вомö ми воим важ ногөн июль дасöд лунö. Тани ми паныдасим инженер-генерал Ухтомскийлөн экспедицияса йöзкöд. Налы урчитöмаось видлавны Эжва кузя ва туй — позьö-ö ветлыны Керчомьяодз пароходьясөн. Паныдасисны кык инженер, кодьяслы сетöмаось öти и сийö жö мог: корсьны Эжваодз көрт туй писькөданін. Кончевский виддаліс-видзöдаліс Керчомья гөгöрса местаяс да öтилаö сувтöдіс гижöда сюръя: "Тан лоас көрт туй вокзал".

Генерал Ухтомский аслас отсасьсысьяскöд виддаліс Керчомья гөгöрса курьяяс — көні позьö эськö лöсьöдны пароходьяслы да баржаяслы сулаланінъяс. Кончевскийкöд сёрниясын Ухтомский шуис, мый сы видзöдлас серти Эжва öдвакö туйö гырысь суднояслы ветлём вылö, көть эськö тани, Керчомья гөгöрын, эмось джуджыдиньяс, медым сулöдны суднояссö.

Узим генерал Ухтомскийлөн ыджыд пыж дорын. Асывнас бөр петім гортлань туйö. Миян пыж бöрся Котьем катыд мододчис и Ухтомскийлөн баркасыс. Куим лун мысти бара воим Канава деревняö, войков бöрын кывтім нин Лунвыв Котьемöд. Кама вывса Бондюг сиктсаян Чердинöдз 30 верста вöлök вуджим вöвьясөн. Гортö, Покча сиктö, ме бөр вои сора (июль) тöлысса 17 лунö. Керчомьяодз öтарö-мöдарö ветлём вылö муніс 16 лун.

Чердін карын Кончевский гөститіс вежон и муніс Пермьö. Менö тшöтш босьтис аскöдыс. Висьталіс, мый Пермьö воис ачыс туйяс кузя императорскöй министр Хилков. Сылы пö и юöртам зырянаö ветлём йылысь. Висьталам, шуö, кызди сэні "ошгьяс" курчалісны миянös. Кончевский чужöм вылын ном да öвад курчалём туйясыс тöдчисны на.

Пермьö воим сора (июль) 28 лунö. Аскинас нуöдісны ичöтик казеннöй пароход вылö, көні чукöртöма ассьыс комиссиясö министр Хилков. Сэн жö вöлі и пермьса сэкся губернатор Богданович.

Кончевский висьтасис зыряна крайö ветлём йылысь. И эз ошкы тати көрт туй писькөдöмсö. Подулаліс сийөн, мый, генерал Ухтомский серти, Эжва катыдса ва туйяс ляпкыдось, оз лыбöдны гырысь суднояс.

Чердін кар пыр Эжва вылö көрт туй нюжөдöм йылысь сёрни водзö вылö сэсса эз кыптыв. Панисны Эжва вомö, Котлас сиктö, көрт туй писькөдöм могысь корсьысьöмьяс...

Кутшöмкö кадö пошта пыр мем воис "Новое время" газет. Сэні вöлі печатайтöма Н. И. Кончевскийлысь фельетон сяма вель ыджыд гижöд — кызди коркö путешествуйтлім Эжва вывса Керчомья сиктöдз. Кончевский гижö, кызди миянös ульөн моз сёйисны номгьяс да öвад, кодьясöс сийö нимтö "ошгьясөн"...

“Пантазья”

Помöсдінын олігөн нин 1898 вося мартын миянö воисны изьваса купечьяс. Найö вайисны вöчöм көр ку — няр. Ассьыныс тöварсö найö вузавлісны Мöскуаö. Нярсö вайисны квайтсё гөгöр пуд. И суис рöспута. Тöвся туй тшыки. Няр вайысь көзяиньяс шуисны ректыны куяссö амбарö, а ва туй вощьöм бöрын кылöдны пыжьясөн Усть-Сысольскöдз, сэсянь сэсса водзö Вөлөгдаöдз пароходөн, а водзö Мöскуаöдз көрт туй кузя.

Изьвасакöд ме бура нин вöлі тöдса. И найö корисны, мед нярсö Мöскуабдз нуи ме, бура мынтысьöмөн, дерт. Няр ме налысь примиті да ва вощьытöдз видзи аслам амбарын. А мыйөн Эжва мездысис йи улысь, сөвті ставсö кык пыжö, и мододчим кывтны Усть-Сысольскöдз. Сэсянь пароходөн нин муні Вөлөгдаöдз. Сэні сдайті тöварös көрт туйлы — нуны ичöт öдөн Мöскуабдз. Ачым муні пассажирскöйөн.

Мёскуаын ковмис виччысыны дзонь вежон. Овмодчи ме сэнэ "Зарядя" вузасын подворьеын изьваса ордё жё — Ювеналий Прокопьевич Канев примитис аслас нумерё.

Медбёрын няр менам воис, иналі ставсё — кодлы кызди тшөкты-лісны изьваса купечьяс. Рощётайтисны стөча и бура.

А няр виччысигөн изьвасаяс тёмдодисны менё унакөд, на лыдын и еврей Якобсонкөд, коді вөлі өти иностранной фирмаса агентён. Могыс да уджыс сылөн ёна шензёдіс менё. Якобсон ньобё да ыстё Парижө... лэбач гөн: бордьяс, бөжьяс, медым мичмөдны наён парижа модничаяслысь шляпаяссё. Корис менё аслас нумерё да петкөдліс, кутшөм лэбач гөн, бордьяс да бөжьяс колёны. Пызан вылас куйлісны катшалён, чавканлөн, еджыд байдөглөн кучикьяс. Сэн жё вөліны дозмөр да ур бөжьяс. Ме чуймөмөн видзөді тайё лөп-өг вылас, кодос зыряна-вөралысьяс прөстё шыблавлісны, сөмын кутшөмскюрё пөткәлөн бордыс стөдитчыліс чышкыны пач под либё нянь мавтны. А Мёскуаын ньобёны со веськыда весьопөртан донысь: катша — 25 көпейкаөн гоз, байдөг гоз — 30 көпейкаысь, байдөглөн өти бордысь Якобсон мынтё 5 көпейка; дозмөр бөжысь — 70 көпейка, а өти пунт ур бөж инасьё 500 шайтысь (өти бөжыс — 10 көпейкаысь).

Ме висьталі Якобсонлы, мый Войвылын, көні ме ола, татшөм "добраыд" тулясьё быдлаын, некод грөшысь оз ньоб.

— Да, збыль тайё. Эска. Весиг чайта, мый первой каднас аслыд тэд некод оз эскы. Меным и аслым ковмылө водзвыв мынтысьны лэбач кыйысьясыслы. Но Мёскуаын унджык лэбачсё куталісны да виалісны нин...

Якобсон велөдіс, кызди кульны лэбачьяссё, мед гёныс да бордьясыс колины дзоньён. А кор мөдөдчи гортлань, сетіс меным 200 шайт — мынтысьны водзвыв вөралысьяслы, лэбач кыйысьяслы. Ассыс төварсё Якобсон нимтыліс "фантазияён". Корис мөдөдавны лэбач куяссё да бөж-бордьяссё пошта пыр, пөсылкаясөн. И быд пөсылка бёрын көсийсыс вуджөдны меным сьём.

Кышад лолөн вои ме Мёскуасынь гортё. И воёмөн тшөтш сеталі сьём вөралысьяслы, мед чукөртасыны меным дозмөр бөжьяс. Мужикьяс вак-вакөн сералёны менам "йөйталөм" вылын — быд кык бөжысь ме өд урчиті вештысьны 50 көпейкаөн. Найё шуёны, ми пө дзоньнас дозмөрсё ог вермөй инавны татшөм донсыс.

Висьталі кыйсысьяслы, мый төвар ньобысьыс, мёскуаса еврей Якобсон, нимтё сійөс "фантазияён". Тадзи пө шуёны Парижын, кытчө ыстёны лэбач бөж-бордсё шляпаяс мичмөдөм могысь. "Но-о, зэв тай бур лачаа пантазья, — шуёны вөралысьяс. — Аттьё кобсон-еврейдылы".

Выль пөлөс кыйсьём йылысь юөр паськаліс өдйө. Арнас мем пондісны ваявны дозмөр бөжьястё мөздорьясөн. Весиг сьёмөй эз понды тырмыны мынтысьнысё. "Фантазияыд" Якобсонлөн, тыдалё, инасьё вөлі бура и сійө зэв стөча ыстывліс мем сьём, корскюрё өтпырйө 500 шайтөдз.

"Пантазья", кызд шулісны миян коми мужикьяс, сетіс меным позянлун овмөдчыны бурджыка, судзсьөмөнджык. Но 1912 восянь небыд "фантазия" вылө доньяс пондісны усыны, 1914 воын усыны нин кык пөв. Модаыс Парижын вежсьёма пө. А сэсса ставсё пузувтис война.

Өти кадө ёна өддзөдчылісны ньобавны ниа пу вылын быдысь тшак. Ньобысьнас вөлі Мёскуаысь жё Мейерлөн химическөй завод. 1910 воын ниа тшаксё ме чукөрті 200 пуд. Нуи Мёскуаө да иналі Мейерлөн заводө 10 шайтөн пуд. Заводас ниа тшаксыс вөчөны вөлі сулема сяма яд.

Война кадө, а сэсса и революция бёрын, Мёскуаын эз кольны якобсоньяс да мейерьяс. Некод нин эз ньобав коми вөралысьяслысь небыд "пантазья" да ниа пуяс вылын быдысь тшак. Шуштөммис и аслам да менам семьялөн олөм...

Синтём вузасьысьяс

Комиын олан медводдза воясö ме уна ветлі Печора катыдса сикт-грездъясті — вузаси быдсяма шылльö-мыльöөн. Лэчывлі Щугөрöдз. Гөгөр ставыс вöлі тöдса. И пыр зильлі тöдмавны мыйкö вьлитор зыряналöн олöмысь, öбичаысь.

Якша пристанын рöштво дырйи быд төв мунлісны ярмангаяс. Вольвлісны быддасянь. Комияс вайлісны сэтчö кыйдöс, чери, мöс вуй. Вежлавлісны чердінса купечьяслысь нянь, сов, мукöд сёян да кутшöмсюрö көлуй вылö. Быд коми деревнясынь вöлі торъя морт — "прасол". Сійö и инавліс да вежлавліс аслас деревнясалысь чукöртöм кыйдöс, чери да мукöдтор "чердакъяскöд" (чердінса купечьяскöд).

Татшöм "прасол" лыдас вöлі кык синтём: öтисö шулісны Павелöн, а мöдсö Ёгорöн. Кыкнанныс Скаляпысь — Печора кузя Мылдинсянь 70 верстөн улысьджык. Тайö синтём кык вузасьысьыс ветлісны инавны чери да кыйдöс и Эжва вылö, Помöсдинö, көні вöвліны жö ярмангаяс. Ме адзывлі, кызди синтём вузасьысьяс олöны асланыс деревняын. Налöн вöліны ичöтик керкаяс, сёсянь вузасьлісны жö мыйсюрöөн. Ньöбасыны на ордö воylvлісны и матысаджык мукöд сикт-грездса олысьяс. Эжва вылö найö ветывлісны аръясö — лука да капустала. Печора вылын быд пунт лукысь мынтылісны кык пунт чери. Бура инасыліс и капуста. Шуам, синтём Павел вайліс кө Эжва вылысь дас пуд лук, бöрсö нуліс сэтчö вузавны кызь пуд чери.

А синтём Ёгор вузасьліс вöвъясөн. Печора вылын вöвъясыд вöліны донтёмось, торъя нин сэк, кор сэні вөр пөрöдöм абу на вöлі паськалöма. И вот Ёгор ветлö сикт-грездъясті, чукöртö вöвъяс вузалöм вылö. Сьöмтöг и сетöны, шуасны сöмын — вай миянлы лук да капуста.

Öтчыд Помöсдинса ярманга вылö Ёгор вайис дас бердö вöв — бöжъясöдыс öта-мöдыскöд көртавлöмөн. Дерт, эз öтнас. Вöліны отасьысь ныв-зонъяс. Кык лунöн и ньöбалісны став вöвъяссö. Сьöм шедіс уна. Ёгор сюсь вöлі артавнысö, чуньяснас виддалöмөн рубатö куим шайтакöд некор эз соравлы. Синтём-синтём, а он на ылöдлы! И ньöбасьліс зэв жö сюся, некор эз вунöдлы, коді мый сылысь корліс.

Синтём вузасьысьяс, Павел да Ёгор, олісны öти деревняын, но öта-мöдыскöд некор эз волысьлыны, вöліны вузасьöмнас венынöсь. Ёгор радейтліс юыштны, а Павел вöлі скуп, вина эз юлы, пасьтасьліс сöстöма, купеч моз. И сьöмсö новліс зептас кучик папушаын. Сійö ветліс вузасынь-ньöбасыны нылыскöд. А Ёгорлөн челядь, тыдалö, эз вöвны. Ветліс медалöм ямщиккöд.

Ёгор радейтліс висьтасыны Печора вывса коми йылысь. Висьтавліс и, кызди ачыс кыйö чими чери ветельöн. Чимиыс ветеляс сылы пыравліс сы вöсна, мый Ёгор тöдö вöлі керана кывъяс. Чими чери кыйны петтöдз унаöн шыасьлыны Ёгор дорö, мед шуас керана кывъяс. Шуавліс сійö ассыс керана кывъяссö шöпкөмөн, та вöсна некод эз тöд, кызди да мый колö шуавны. Но Ёгорöн шуалöм кывъясö зэв ёна эскылісны. Та могысь сы дорö воylvлісны весиг ылі сикт-грездъясысь, весиг Пöдчеремсянь. Чери шедан кывъяс шуалöмсыс Ёгорлы вайлісны и чаньяс, и куканьяс. И сійö сэсся нуліс найöс вузавны Эжва вылö.

Ёгор висьтавліс, мый асьсö сійöс тшыкöдісны. Чердінса öти олысь пыртіс сылы тшыкöдан шевасö винаөн. "И öнöдз тайö шеваыс, — висьтасьліс Ёгор, — корö асьсö чöсмöдлыны винаөн, шуалö сэтшöм кывъяс, кодъяс серти чими чери пырö ветельö. А ог кө чöсмöдлы шевасö, сійö лөгасыö!"

Синтём Ёгор аслас кывъясөн бурдöдліс и висьысьясöс. Торъя нин öдйö вермыліс мездыны пинь висьöмысь. Сійöс новлöдісны деревня-грездъясті, козынавлісны бурдöдчөмсыс чери да яй, кодöс сэсся бара нуліс вузавны Помöсдинса ярманга вылö.

Коркö öтчыд Дутов деревняса ям керка кутысь висьтавліс меным,

кыдзи синтөм Ёгор бурдодлома важ ногон Енлы эскысьос рөдимечөн усьласьомысь. Рөдимеч висьомыс ёна сэки вөлі паськалома Печора кузяла. А старOVERЪяс эз эскывны велөдчөм лекарьяслы. Да и татшөм бурдодчысьыс вөлі зэв шоч — куим вөлөсть вылө өти фельдшер. А Печора вылын куим вөлөсть — тайө витсө верст! Со и шыөдчылсны отсөгла төдысьяс дорө.

Рөдимечөн шыблөдлысь старOVER ордын Ёгор оліс вежон. Бурдодчан кывъяссө шуавліс пөсь пывсянын. И мужик бурдіс! Аттьоалис Ёгорөс вөв козыаломөн. Та бөрын синтөм бурдодчысь да вузасысь нөшта на паськыджыка кутіс нимавны. Весиг сава-ягса поп, сэки вөлі Арсений Попов, шензьөмөн шензис, кыдзи синтөм Ёгор озырмөдчө төдана кывъяс шуалөмөн. А мөд синтөмыс, Павел, завидьтис Ёгорлы, коды шедлісны дарөвөй вөвъяс. Нимтыліс сійөс колдунөні, вина гагөн, шевабн.

Бөръя каднас, кыдзи ме кывлі, Ёгор шоча и овлө чужан грездас. Век көнкө ветлө, олө ёнджыкасө Пөдчеремын, көні сылөн эм пө венчтөм гөтыр коды. Челядь эм ськөд, кодыясөс видзө-вердө, көмөдө-пасьтөдө. Лышкыда мынтысьөны сылы и ныв-зон — верөспу да гөтыр-пу мусмөдөмысь.

1887 воын Печора кузя ме лэччылі Мылдінянь Пөдчеремөдз. Адзысьлі синтөм Ёгоркөд, дыр варовитім ськөд. Мудер мортөн вөлөм. Эз ошйысь төдан кывъясөн бурдодчөм йылысь да мый да. Но оліс судзсьөмөн.

Мылдінын ме вөлі төдса фельдшер С. А. Фөдоровкөд, бать-мам кузяыс еврейкөд*. Сійө уна висьтавліс татчөс старOVERЪяс йылысь. Найө пө ме коды велөдчөм лекарьясыдлы оз эскыны. И таысь, шуө, пасибө — этшаджык шыөдчысь. Медся ёна эскөны буретш синтөм Ёгор коды бурдодчан кыв төдысьяслы. Бура, шуө, нажөвитчөны татшөмысыс пемыд йөз весьтас...

Купеч А. М. Сибиряков**

Дас өкмысөд нэм помлань Печоралань уськөдчөмөн уськөдчисны чердінса купечьяс — няньөн, солөн, новлан көлуйөн. Но сэн налы ёна вомөналіс туйсө сибырса купеч-миллионер Александр Михайлович Сибиряков аслас донтөмджык няньөн.

Сибиряков аслас йөзкөд медводдзаясь писькөдчылөма Печора вылө Урал Из вомөн 1882 воын. Колө чайтны, мый буретш сэки найө писькөдлөмаөсь төвся туй Шугөр деревняөдз. Деревнясяныс кык верстөн улынджык лыбисны сэсса Сибырысь вайөм нянь улө гырысь складьяс.

Чердінса купечьясөс эз, дерт, нимкодьмөд, кор мыччысис этатшөм озыр да водзмөстчысь конкурент. Ковмис и налы зэвтчывыны, мед бурджыка котыртны няньөн-солөн вузасыөмсө. Гезйөн кыскалан каюкьястө лои вежны парөходөн новлан баржаясөн. Парөвөй выныд өддзөдіс нянь нуюмсө Печора вомөдз, көні тулысьяснас эз этша тшыгыявлыны олысьясыс.

* С. А. Фөдоров лөө пөльөн коми гижысь Г. А. Фөдоровлы (1909-1991).

** Александр Михайлович Сибиряков XIX нэм мөд джыныйн вөлі нималана мортөн. Со мый гижөма сы йылысь БСЭ-ын (Большая Советская Энциклопедия, 1955):

"Сибиряков Александр Михайлович (1849-1893) — русский золотопромышленник. Окончил политехникум в Цюрихе. Принимал участие в организации и финансировании ряда полярных экспедиций, в частности, сквозного плавания северо-восточным проходом шведского полярного исследователя А. Норденшельда в 1878-79 годах и русского географа А. В. Григорьева в 1879-80 годах, проводившего исследования Северного Ледовитого океана; финансировал также издание ряда трудов по истории Сибири. Написал несколько работ о Сибири. Именем А. М. Сибирякова назван остров в Карском море".

Печора вылын медводдза пароход вöли лэдзöма ва вылö 1882 воын. Вöчисны сійöс Камгорт сиктса кык вок — купеч Сусловъяс. И нимсö пароходыслы сетісны "Печора" жö. Татшöм дивöыслы юпöлöнса сиктьясын да грездясын олысьяс помтöг радісны. Пароход матыстчигöн став сиктöн лэччылісны ю дорö. А Печора катыдын, көні медясö олісны Енлы важ ногöн эскысьяс — староверьяс, пароходтö лыддисны мути вынöн, синнас видзöдны эз вермыны. Эз весиг ньöбавны пароходöн вайöм товaрсö.

Но выльтö венны он вермы. Мöд гожöмнас Черных вокьяс, покчаса купечьяс, вуджöдісны Камасянь Печора вылö "Колва" пароход. Нöшта во мысти Суслов вокьяс вöчисны ассыныс мöд пароход — "Городок".

Печора вылын няньöн вузасьöм тöдчымöн бурмис, дай нянь вылö доныс чиніс пöшти кык пöв. И медводз сы вöсна, мый А. М. Сибиряков пондіс вайны уна нянь Сибырысь. Печора вылын олысьяс нимтісны иркутскса купечöс благодетельöн.

Мöдысь волены Печора вылö ме слöйми 1887 воын. Сійö гожöмнас ме кывтлі Мылдінянь Щугөрöдз. Печора кузя ветлісны нин вит пароход — витöдсö на лыдысь, "Александр" нимаöс, бара вöчöдöмаöсь Черных вокьяс. И сійö гожöмнас тайö пароходсö буретш медалöма вöлі А. М. Сибиряков (нельсө шайтöн быд суткиысь). "Александр" лэччöдліс нянь Щугөрсянь Печора вомöдз.

Тайö жö вонас иркутскса купеч панöма вель удж — пилитны тьöс граница сайö вузалöм могысь — сідз жö, кыдзи вöчлісны тайöс Архангельскын. Тьöссö новлöм могысь А. М. Сибиряков ньöбöма саридзöд ветлысь кык пароход — "Андершельд" да "Обь". На пивысь öтинас Печора вомöдз вайöмаöсь нин Архангельскысь вөр пилитан заводлы оборудование да найöн уджавны велöдöм йöзöс. Накöд жö вöйма и ачыс Александр Михайлович.

Печора горулö воём бöрын купеч да сылы отсасысьясыс некыдз эз воны öти кывйö: кытчö кыпöдны вөр пилитан заводсö — татчö али Печора йывлань, көні быдмö вöрыс. И Александр Михайлович шуис кайлыны ю йывлань, видзöдлыны местаяссö. Медалöм баржаö сөвтисны став грузсö и уджалысьяссö да петісны туйö — Мылділлань.

Ме сэк буретш вöлі Мылдінын да аддзылі "Александр" пароходöн А. М. Сибиряковлысь воёмсö.

Пароходса капитаныс, А. И. Федосеев, — менам земляк, Покчаысь жö. И сійö висьтавліс А. М. Сибиряков йылысь уна тешкодьтор. Аслас каютаö пö лакейсысь öтдор некодöс оз лэдзлы. "Весиг и ме, — шуö, — пароходса капитан, сöмын кыкысь сёрнитлі Сибиряковкöд. А талун Александр Михайлович тшöктöма лакейыслы, мед ломтасны пивсян. Лакей вочавидзöма, мый сöстöм паськөм коли Щугөрö. Көзяин тшöктіс лэччывны пароходöн Щугөрöдз да вайны сылы пивсигкежлö сöстöм дөрöм-гач. Со и ковмас талун петны туйö".

Александр Михайлович петіс берегö да овмöдчис аслас служащöй С. П. Пономарев ордö, коды и нарадитöмаöсь ломтыны пивсянсö. Щугөрöдз паськөмла лэччылöм босьтіс куйм лун. Сэк сэсся и пивсис Александр Михайлович мылдіна пивсянын.

Отсасысьяс корсисны вөр пилитан заводлы места. Но туянаин эз аддзыны. Көзяин тшöктіс лэччöдны бөр став эмбурсö Печора ю вомö.

А. М. Сибиряков оліс Мылдінын квайт лун. Тöдтöм йöзöс ас дінас некодöс эз сибöдлы. Ме эськө ёна корси помка, мед аддзысьлыны да варовитыштны. Но нинöм жö эз артмы.

Пароходса капитан Федосеев висьтавліс меным, кыдзи купеч Сибиряков примитлöма щугөрсa попöс. Лышкыда козьналöма вит сюрс шайт вель вичко стрöйтöм вылö. А öти дöвалы тшöктöма сетны куйм куль мешöк пызь.


Сійö жö 1887 воас вөр пилитан завод Печора ю вомын эштöдöмаöсь. Но куйм во мысти став вөр запаснас — тьöс-плаканас и пилитöмнас — сотчöма. Сы бöрын А. М. Сибиряковлысь вель завод эз нин кыпöдлыны. Печора вомланын Щугөр пыр сибырса няньöн ву-

засьом чиніс жö — Котласöдз көрт туй пискöдöм бöрын Печора вомö няньсö пондiсны вайны Архангельск пыр.

1892 воын А. М. Сибиряков медбöръягысь воліс Печоралань. Тайö пöрйö сійö ветліс-путешествуйтіс арнас, төв пуксигөн нин. Печора вывсянь Эжваланьö, Вольдін сиктö воис көръяса доддын. Водзö, Изьвалань төвся туй эз на вöв, да Сибиряковлы ковмис овны Вольдiнын вит сутки. Сы воом йылысь ме кывлі да бара на видлі аддзысьлыны. Но тешкодь öбичаа купечыд и та пöрйö бöбийöдліс менö.

Вежон мысти кымын вольдінса мужик, код ордын патеруйтіс А. М. Сибиряков, висьтавліс, мый купеч лышкыда козьналöма быдөнöс, кодi мыйöнкö отсалöма туй вылас. 100 верст нуöмысь мынтöма ямщикъясыслы сё шайт — öти шайтөн быд верстысь. А сёйис пö туй вылас дзик рудзöг нянь да ямщикъяскöд öтвылысь юыштліс пöсь чай...

Иркутскса купеч-миллионер А. М. Сибиряков вöчис зэв уна буртор печораса олысьяслы. Öти-кö, сійö бырöдiс чердінса купечьясылысь няньөн вузасьöмын ыджыдалöмсö. Дай донсö нянь вылас чинтіс матö кык пöв. Мөд-кö, сійö бырöдiс Печора вылын бурлакалöм — гезйөн каюкъяс кыскалöм: тшöктiс вöчны пароходъяс да баржаяс. "Благодетель" нимсö печораса олысьяс селісны Александр Михайловичлы эз весьшöрö...



Дона лыддысьысь!

Эн вунöд судзöдны 1998 волөн мөд джын кежлö "Войвыв кодзув" журнал — гижсьöмысь мунö апрель 1 лунсянь. Юöртам, мый лыддысьысь войтырлы журнал судзöдан доныс эз сод, а чиніс и лоö 9 (9000) шайт.

Общественной организацияс журнал вылö вермасны гижсьыны 15 (15000) шайтысь. Редакциялөн бухгалтерияны гижсян доныс — 3 (3000) шайт.

Чуалан лунö

Асыв. Лаврень Петыр Опонькöд мунам чöс туйяс видлыны. Тöрытъя чорыд зэрысь кок улын дзулькйö ва. Шоръяс и ёлыас польгчöмабсь, бузгöны. Öдйөн муткыртö-нуö Эжвалань васö Эжъес ю. Мöдарас вуджны ковмис посйысьöмөн. Опонь кокныда и вуджис, а ме пола: визувсö аддзöмысь юрöй бергöдчö. Опоньлы ковмис паныд мела волыны, да вöлисти вуджим.

Восьлалам чöс туйöд. Аски бөр локны öтнамлы ковмас, а ваыс туас на. Мöвгъясöс торкис ош куйöд: регыд на мунöма-тапиктöма, лэчъясъсь сьöлаяссö куштöма.

Опонь и шуö: "Арнад ошкыд морт син улö оз пет. Но чуалан луннад збой, нинöмысь оз пов".

Вөр керкаын тöрытъя мудзöмсьыд чорыда унмовсьöма. Войся зэрсö эг и кывлы. Опонь ломтылöма нин пач, пусьöма, нуръясьöма да лэч туй вылö мунöма. Нопйö тэчи сьöла-тар да петй жö — гортлань.

Кокъяс улын тöрытъяысь на ёна дзулькйö ва. Эжъес ю вуджöмысь шог. Öнйö пöльöй дум вылö усис: ош чуалан лунö кералöма тыла, лыслöпсö сотöма. Но ошъяс би дорöдзыс локтöмабсь, öдва удитöма вөр керкаас пырны, войбыд ошъяс керка дорас грымöдчöмабсь...

Ош куйöд весьтöдз вои, сьöлом пыр ёнджыка и ёнджыка тiпкис, син-пель ёсьмисны: ва войт тiпнитöм и пу кор усьöм кыла. Лов шыöй пелям брунгö.

Вöрыс гежöммис, шочмис, и регыд Эжъес ю кыр тыдовтчис. Друг кылысны гирскан-чарскан шыяс. Понöल्याс сайысь мыччысьлыс руд ёкмыль. Сэсся бөр воши.

Эг тöдлы, кызди Эжъес ю мöдлапöлас веськалi. А сэни Лаврень Петыр Опонь ваксьö-сералö. Чöс туйсяныс Эжъес юлань веськöдчöма, кыр йылас шойччыны пуксьöма. Менсьым локтöмöс казялöма да потш помөн пуясö гирскöма, рудов сьöд лазсьö мыччöдлöма — ош пыдди повзöдöма.

Кыр йылын сулала да шензя: Эжъес ю нöшта на туöма, ю вомөн пöрöдлöм куйм пожöмысь öти кольöма. Сы вывтi и вуджсьöма. Тадзи Лаврень Петыр Опонь велöдiс менö ойдöм ва вуджны.

Мустöм аддзысьлöм

Вöли тайö ветымынöд вояс гöгөрö Урьель пöлөнса вөръясын. Иван Зюзев — посёлөкса ногөн Навөлök Иван — мöдöдчис вөрö пöтка кыйны. Мышку саяс ичöтик ноптор. Пельпомас пищаль. Пытшкöс зептас истöг да папирос. Сёян эз босьт. Ёль пöлөнöдыс сöмын ветлыны кöсийс.

Бараксянь лунвывланын визувтысь ёлыс зэръяс бöрын туöма. Бузгö важ пу колодаяс вомөн писькöдчиг. Шондiыс яр на, синъястö ёрö, ёлын купайтчö. Иван восьлалö ёль нöрысöд. Лэч туйыс кежö пыдöджык вөрö. Козъя-пожöма парма вежсьö кыддза-пипуа раскөн. Сэни и танi паныдасьлöны бушколөн пöрöдöм пуяс. Налөн вужъяс костас и улас посныдик из (галька) сора лыа: пöткаясы бур пуркöдчанiн.

Иван надзмöдiс воськовсö. Быд шы кывзö. Со сылысь туйсö потшö öтка пöрöм пожöм. Иван чошнитö пельяссö. Вужъяс сайысь кылöны

төдтөм шыяс. "Со и тарлөн-дозмөрлөн пуркөдчаниныс", — югнитис нимкодь мөвп. Лов шысө кутөмөн вөралысь веськөдчис пожөм пу вужьяслань. Пу пөригас кыз вожъясыс парсалөмаось яла-нитшсө, пузв-төмаось лыасө. Иван казяліс: пөткаяс татчө волөмаось. Вужля дорө матыстчигөн кок улас төддытөг чегис кос ув. Но повны нинөмла: пищальсө посныдик дрөбйөн зарадитөма. Тар ли дозмөр лэбзынысө оз удитны: Иван чергөдас найөс. Патронташас нөшта на дас патрон эм.

И друг кыйсысь төддытөг сыркмунлі: вужля дорас шыясыс эз вөвны лэбачьяслөн кодьось.

"Гашкө, вөрса көзяиныс лажгөдчөма да?!" — мөвпыштис вөралысь. Сидзи и вөлөма: пожөм пулөн вужьяс сайысь Иван вылө сьод синьяснас видзөдіс руд гөна ыджыд ёкмыль. Ошлөн и пельясыс сюсьось, и синьясыс бура адзёны, но мыйлакө вөралысьлысь матыстчөмсө абу казялөма. Тыдалө, төлыс мөдарсяныс. Иван сійөс водзджык казяліс. Пищаль прикладыс быттө ачыс чеччыштис пельпом бердас. Велалөм чуньыс матыстчис курок дінас. Но өд дрөбнад вөрса пемөстө он весиг дойд, а бөр бергөдчыны сёр нин...

А ош друг равөстис, апыштис сынөдсө да вом тырнас сьөлыштис Иванлы чужөмас. Иван соснас чышкыштис чужөм вывсьыс нильөг дульсө, восьтис синьяссө. Ош выльысь равөстис, чарснитис гыжъяснас да нөшта сьөлыштис, чашнитис Иван кийысь пищальсө да шыбитис кытчөкө пуяс саяс.

Шоныд нильөг дуль визувтис голя дорөдыс, пырис дөрөм улас. Иванлы дум вылас усины айыслөн да пөльыслөн казтылөмъясыс... Сөмын пө дзик тшыг ош либө нө доймөм ош вермө уськөдчыны морт вылад. А тавося арыс озыр тшак-вотөсөн, зверь-пөткаөн. Сэсся и лэчкөн кыйсысыс висьталісны: ош таво оз сэтшөма вөрөд лэчкө шедөм пөткасө, кызди вотөстөм воясө вөчө.

Иван, кулөма нисьө ловъя, восьтыштис синьяссө. Ош бара чарснитис гыжъяснас, равөстис да выльысь сьөлыштис...

Шонді лэччыны нин кутис пуяс сайб. Козъяс да пожөмъяс пондісны воштыны мыгөрсө-рөмсө, пөрины өти руд чукорө. А ош пыр на сулаліс да видзөдіс Иван вылө. Кыйсысь гөгөрвоис: вөрса пемөс ачыс көсийө усйысьны-мунны, но полө, мед некод эз адззы, кытчө сійө көсийө дзөбсьыны.

Дзикөдз пемдіс. Ош, кылө, вөчис некымын воськов. Сувтис. Сэсся нөшта кымыныськө воськовтис. Воськовъясыс кутисны ылыстчыны, а сэсся дзикөдз лөнисны...

Пемыднас став вөр-ваыс Иванлы кажитчис төдтөмөн. Öтарө-мөдарө надзөникөн ветлөдлігөн пельясыс кылісны сэсся валысь муртса-муртса сөлькөдчөмсө.

"Со, сэні, тыдалө, ёлыс, а сы сайын Вылыс Лабором посёлок" — мөвпыштис Иван да мөдөдчис сөлькөдчан шыяслань. Гортас воис югдандорыс нин.

Мөд луннас ветлісны корсьны пищальсө. Сюри, абу ёна жугалөма...

Ош бөрся

Одыб сикт помланьөд визувтысь Кирө шорсянь туй чукультө да кайбө чой йывланьбө. Вывтаслөн медждуджидинөд туйыс мунбө Тист грезд пыр. Вейкыдларас сулалө сэні кык вежөса пелькиник керка. Сысянь лэччө джуджыд кыр, а горувтіыс визувтө збой Нывсер ю. Керкабө пыран өдзөс дорын паськыд лызь, вөрө ветлан норт. Водзынджык понлы чом.

Керкаса көзяин Опонь Вась Габов гортас. Югыд гажа керка пытшкын синмад шыбитчөны мича серөн кыөм джодждөраяс. Ыджды пач дорсянь өвтө шоньдөн, чөскыд пөжасөн-вөлөгаөн.

— Пырөй, пырөй. Шонтысьбөй, нурьясьбөй. Көрткерөссянь локтігкостыд кынөмныд, дерт, сяммис нин, — чолөмасигмоз корбө Василий Афанасьевич. — Öні өд некөн сиктад нурьясьнытбө. А керкаса көзяйка,

Августа Васильевна, кыскало нин пачсыс да ваяло пызан выло яя шыд, пражитом картупель, пожом йов. Гобочсыс пыртис турипув, гырысь синьяса ас пожалом нянь.

Сейиг-нурьясиг Опонь Вась висьтасьо аслаас олом-вылом да вовломторьяс йылысь.

Унатор адзылома ворса ордымьясод ветлигьясё. Оз по вун некор ош кыйом. Буретш волома ыджыдвидз пом... Тулыс. Джуджыд лым эшкын уло дзесьюма парма вор. Рытыв-лунсянь польтысь шоныд товьяс, тувсовья шонди лунысь-лун сейоны-чинтоны лым толаяс. Мубердса лымийс гырысь луньяса нянь кодь — шолялома. Пашкыр коз уло дзесьюм гуо отаро оддзюмон тепконы-виялоны ва войгьяс. Пыр унджык ва чукормо гу пыдосё. Улысянь — ва, вылысянь — ва, бокьясянь — бара жо. Ва дозмодо гуын куйлысь-узысь ошкос. Сийо абу на тшыг, оз на тэрмась чеччыны. Арнас ветлоддис Ньывсьор полон воралыслон чос туйод. Нетшкис лэчкё шедом съола-тар, дозморьяс, борон петтодзыс сейис-нылалис. Воралысь унаысь вотчылис сы борся. Но весьшоро. Тулыслань сомын воралысь вермас гусыс чеччодны да чарома лым вывти суодны ошкос.

Модо во ворса козяин дозмодчо Опонь Васьлы. Гусявлө чос туй вылысь съола-тар, а водзос пыддиыс коляло пазодом коздувкоткарьяс, ош куйод...

Лунысь-лун гуо воис ва. Дзикоэдз котасис ош. Ковмис кадысь водз чеччыны да петны, гашкё, корсьны модлаысь узмодчанин...

Лунтыр, водз асывсянь сер рытоэдз, Опонь Вась Серко понийскод вотчоны ош борся. Кылоны, кыдзи сийо восьлало ворса ордымьясод. Паськыд кушиньясын мыччыслө ошлон мыгорыс. Но сийо татшюминьясод ёнасö оз мун: кежо козя-понюля ворьясö, тшем пармаö, порюминьясö. Татшюминьясын ошкос он суод, он кут. Овлö, Опонь Вась кылö сылысь съюкыд воськовьясö. Дзик нин матын быттьö. Пищаль дась. Но сувтодны ошкос некодлы. Серко том на, полысь пон, гартчо козяин кокьяс улын. Венан ошкос сомын суодомон. Коть кыдз, а сейтог-нурьясьтог мудзас да конкё дзикоэдз сувтас.

Пемданладор и ош, и Опонь Вась дзикоэдз мудзюмаось. Ота-модсяныс костыс оз сод ни оз чин. Кыкнанныс гогорвооны: водзö мунны оз вермыны. Колö сувтны, колявны пемыд войсö.

— Но, Серко, татчö ёль нoryсас и сувтам. Биасям да сейыштам, вой кежлас нодья пестам.

Ош конкё матын жо куйло. Кыло Опонь Васьлысь оломсö. Кыло бура ставсö и Серко. Ворзяс ош, и сийо эрышто...

Вой эз на помась, кор шорсайса мылькьяинын кылис трачкөдчөм шыыс. И сэки жо пон чеччыштис Опонь Вась мышку сайысь, кузя увтыштис, сэсся ставыс бор лонис. Но Опонь Вась чеччюма нин. Перйюма нопсыс нянь тор. Нянь кындзи ордас нинюм абу. Од ворын узмодчыны эз косийв, а со ковмис.

— Этайю нянь торсö, Серко, тэныд. Коть и полан ошсыд, но тэтот ме эськö дзик синтом воли. Ошкыд эськон важон нин пышйис да дзесис...

Крепыд чарюма лым вылад ошлон кок туйясыс оз колявны, — паськыд кок пыдоса да оз войлась, мунö чожа. Лун шорнас, кор лым небзю, ош заводитö войласьны лым пиö да надзмодо одсö. Сувтö.

Сидзи и лои. Сывьюсянь ёль ковтысод кайигон ош заводитюма кынюмодзыс войласьны. Сэсся сувтома. Опонь Вась сэни и дзенобтис-чергөдис ошкос...

Сернитигкості коли кад. Опонь Вась унатор йылысь висьтавынсьö эз на и слюймы. Но меным воис мунан кад. Копыртчюломон аттьюбали чөскыда пусьом-пожасюмысь Августа Васильевнаос. Опонь Вась коллюдис меню кильчö вылодзыс. Индис босьтны музейлы дзюляник додь, кодон позис ветлыны норт пыдди прюмыс кыскавны.

Степан ЮГОВ,

филологияса кандидат

Став олөмсö — коми книгалы



С. С. Раевский

Тавося апрель 21 луно тыро 80 во чужан лунсяныс коми гижысь-фронтовик Степан Семёнович Раевскийлы. Коми йозлы сийö бура тöдса кызди роч литература коми выло вуджодысь, коми гижодъяс да, медводз, быдмысь йозлы литература донъялысь, школаяслы велöдчан небöггяс лöсьöдысь да челядьлы вөр-ва йылысь висыггяс гижысь.

Степан Семёнович чужлис Сыктыв вожса Межадор сиктын. Начальной школа помалöм бöрын велöдчис рыггя школаын да институтö дасытан курсгяс вылын, а сэсся лоис Коми пединститутын литературной факультетса студентöн. Армияö босыттöдз кык во, 1938-1940 воясö, велöдис Изьва вожса Мокчой сиктын.

Войналöн медводдза гымыштöмсянь да Победа лунодз, кодöс С. С. Раевский паныдалис Одер ю дорын, тышкасис лёк вөрöгкöд Рытыв, Рытыв-Лун, Карельской да Мöд Белорусской фронтгяс вылын. Отделениеса командирсянь кыптис батареяса командирöдз, сэсся штабса начальникöдз. Кыкысь чорыда ранитчылис, мый понда война йылысь казгыланторийöн нэм помöдзгис (кувсис 1996 вося июнь 29 луно) колисны эз сöмын Отечественной война Öти да Мöдöд степена орденгяс да медальяс, а тшöтш немец винтовкакысь пуля, кодi сатшвидзис сьöлом бердас нэм чöжыс.

Война помасьöм бöрын, 1945 вося декабрьсянь С. С. Раевский пыр вöчис кыв кутана уджгяс. Вöвлi партия обкомса инструкторöн, а 1948 вося сентябрьсянь 1978 воöдз уджалис коми книга лэдзанинын: редакторöн, главной редакторöн и матö кызь во директорöн. Степан Семёнович öттшöтш нуöдис зэв тöдчана общественной уджгяс — сизим во чöж вöли издательствоас партийной секретарöн, кыкысь бöрйылысны партия горкомса членöн, зэв уна да бура уджалис гижны босычгысь том йöзкöд.

Коми книга лэдзöмын сылысь уджсö выло донъялысны. Война кадся наградагяс дорö содсны Почёт Знак орден, доблестной уджысь медаль, сетисны РСФСР-са культураын заслуженной уджалысьлысь ним.

Коми йозлы С. С. Раевский тöдса медводз кызди роч литература коми кыв выло вуджодысь. 1948 восянь сыйöн вöли вуджодöма 15 книга. Вуджодчан уджыс отсалис сöвмыны сылы и кызди критиклы, коми литература водзын сулалысь моггяс йылысь мөвпалысьлы. Коми литература туялысьгаслы бура тöдсаöсь сылөн статьягасыс да очеркгасыс.

Степан Семёнович уна критической гижöд сиис челядьлы литература донъяломлы. Сийö корö коми писательясöс бурджык, мича, сöстöм кывийöн сөвмöдны том йозлы литература, урчитö весиг, кутшöмджык темаяс бердö медводз колö кутчысьны. "Челядьлы — бур


да мича книгагас" статьяын автор шыасьо книга лэдзсыяс дорö да пасйö, мый челядь радпырысь лыддьöны уна рöма мичаа серпасалöм, бура лöсьодöм небöггяс, мый издательяслы пыр колö бурмöдны полиграфическöй уджсö.

Быдмысь, школаын велöдчысь войтырлы С. С. Раевский лöсьöдалис лыддьысьны велöдчан учебникгяс да лыддьысян небöггяс. Тайö коймöд класслы "Чужан му" учебник, öти да мöдöд класса велöдчысьяслы гортас лыддьöм вылö "Миян войвыв", коймöд класслы "Би кинь" да нельöдлы "Лыддьысян книга" небöггяс, öтлаын А. С. Мозымовакөд гижисны "Шондi югöр" да "Асья кыа" öти да мöдöд классыяса велöдчысьяслы учебникгяс, кодьясöс унаысь лэдзлiсны сизимдасöд-öкмысдасöд воясö. Велöдчан книгагас дасьтöмысь С. С. Раевский 1975 воын лоис Иван Куратов нима Государственной премия лауреатон.

С. С. Раевский вöли сiдз жö челядьлы вөр-ва да пемöсьяс йылысь серпасторгяс да висьтгяс гижысьөн. Медводдза гижöдыс — "Вася Кокин" — петалис "Войвыв кодзулын" 1947 воö. Висьтгяссö печатайтiсны "Югыд туй", бöрынджык "Коми му" газетын, "Чушканзи" да "Би кинь" журналгясын. Зонпоснилы лыддьöм вылö сылön петавлис некымын висьт чукöр — "Шоныд войвыв" (1988), "Пемöсьяс йылысь сёрнибаснияс" (1991) да "Нимлун кежлö козин" (1995).

Висьтгясас С. Раевскийлön кывйыс эзв мича да озыр, пыртöма уна примета да кывйöз, кодьясöс автор босьтöма йöзкост сёрниысь. Найö ловзёдöны, вöчöны уна рöмаөн висьталöмсö.

Степан Семёновичлön удж да олöм йылысь гижлисны унаöн и эз этша. Бур казгылантор колис сийö ас йывсьыс, дыр оз вун коми йöз паметысь сылön зильöмыс коми литература да велöдчан книгагас сöвмöдöмын.



Пöся чолöмала "Войвыв кодзув" дасьтысьясöс. А шыöдчö тiян дорö Кулöмдiн районын олысь ань. Менö шуöны Иринаөн, меным 25 арöс. Прöститöй, кутшöмсюрö нелючкияс кö гижöдын эмось. Важөн нин комисö велöдлiм, вуныштöма нин коми гижанногыс.

Менам киö веськалiс тiян журнал. Ме вежджык лыддьывла газетьяс. Журнал вылас сьöмöй оз нин вичмыв.

Сьöлöмöй вöрзис, кор лыдди Валентин Истоминлысь "Аскиа луныс — ас саяным" гижöд, кодöс йöзöдöма 1997 вося витöд номерын.

Истомин аслас гижöдөн чуксалö, мед коми войтыр öтвутчасны, лоöны чужан кыв да культура видзысьясөн — кöзяингыясөн гортаныс, а не гöстгьясөн.

Чайта вöли, мый сöмын менö да менам чой-вокöс майшöдлö коми йöзлөн лёк олöмыс.

Унаöс на вöлöм майшöдлö тайö. Зэв ёна доймö сьöлöм, кор аддза код юра комиясöс. Дзикöдз урöсмим, нель кок вылö сöмын сувтны кольöма.

Да абу и дивö татшöм лёк олöмнад вина гаггяд пöрны.

Ме ачым унаысь нин думыштли: юа усьтöдз, мед ставыс вунлö!

Мыйла нö ми тадзи олам? Эм миян нефть, газ, из шом, сов, зöлöта, вöр, уна мукöд озырлун, а корысьяс кодьöсь, бытгьöкö олам пустынян, кöни лыа кындзи нинöм абу.

Коми мулөн озырлунысь коми войтырлы немтор оз и вичмышт... Дерт, эмось на Комиын йöз, кодгьяс эз юсьыны, виччысьöны на водзысьыс бур олöм.

Ме думысь, колö вöчны ставсö, мед миянöс эз öтдортны республикаөн веськöдлан вöжжисыс. Миянлы танi овны, миянлы быдтыны челядьнымöс, кольны налы коми мусö озырөн, пежавтöмөн.

Та вылын ме помала. Сьöлöм вылын кокныдджык лои.

Кузь нэм тiянлы да бур шуд. Кузь нэм журналыды.

Ёнджыка чуксалöй коми войтырöс ас кок вылö сувтны. А ме сьöмтор кызкö лишöдышта да судзöда журналнытö. Зэв колана тiян уджныд. Атгьö!

КОЧАНОВА Ирина Андриановна.
Кулöмдiн район, Зимстан посёлок.



*Журналын йöзöдтöм гижöдгьяс
редакция оз рецензируют и авторыслы найöс оз мöдöд*

Техн. редактор **В. Напалков.**

Корректор **Е. Панюкова.**

Адрес редакции: 167610, г. Сыктывкар, Дом печати, комн. 26
Телефоны редакции: 42-47-52 (гл. редактор), 42-51-52 (отв. секретарь).

Сдано в набор 28.02.97. Подписано к печати 6.05.98. Формат 70X108¹/₁₆. Печать офсетная. Усл. печ. л. 7; усл. кр.-отт. 5,64; учетно-изд. л. 7,54. Тираж 1692. Заказ № 947. Регистр. № Ф0095.

АО «Коми республиканская типография», 167610, г. Сыктывкар, ул. Первомайская, 70.

Индекс 73069

Доныс сёрнитчѳм серти.